

गङ्गागुप्त
यं निष्कनक्ष तद्वाच्यम्
व
ललितविम्बम्



दम्पतिना तृतावन

रवि शास्त्र, इखार्छे, यल

गद्यगुरु पं. निष्ठानन्द बज्राचार्य
व
ललितविस्तर

प्रेमहिता तुलाधर

निष्ठानन्द स्मृति गुथि

नःबहि, ॐबाहा, येँ

पिकाकः : निष्ठानन्द स्मृति गुथि
न्हापांखुसी ५००
सफूया ब्याक्क अधिकार : च्वमि :
पिदंगु : ने.सं. ११३३ थिंला थ्व ३
देबः सुबिज्ञरत्न तुलाधर
टङ्कण/सज्जा भक्तकृष्ण साकार
थाक् : हिसि अफसेट प्रिन्टर्स
जमः, यैं । ४२२६४१६
मू : १५६।- तका जक ।
ISBN : 978-9937-2-5744-2

गद्यगुरु पं. निष्ठानन्द वज्राचार्य व ललितविस्तर

लसता

गद्यगुरु पं. निष्ठानन्द वज्राचार्यया जीवनी व कृति विषयय् थीथी च्वसुत व म्हसीका यक्वं पिदने धुंकूसां छगू हे सफूकथं खँ व्याकाः पिदंगु मदुनि । निष्ठानन्दया १५६ क्वःगु बुदिया औसर लाकाः छगू मुकंगु सफू पिथने खन, साहित्यिक जगतय् गुणानुग्राहीपिं सकसिगुं लागी लसता व गौरवया खँ जूवःगु दु ।

ओलम्पस क्लबया सामाजिक क्षेत्रय् गुगु देन दैच्वंगु खः उकीमध्यय् निष्ठानन्द स्मृति गुथि नं उकीया हे छगू उपज खः । आःतकं निष्ठानन्द स्मृति गुथिं थुगु क्लबया लिधंसा कैच्वंगु दु ।

मयजु प्रेमहिरा तुलाधरं थःगु एम.ए. परीक्षाया भवलय् Thesis या रूपय् च्वयाः Degree हासिल याःगु थुगु विषय सफूकथं पिथनेत विद्यादिल, जिपिं कृतज्ञ जुया । थ्व सफुतिइ मुख्यतयाः बुद्धजीवनीया विषयय् न्ह्यथनातःगु खँयात कयाः महायान व थेरवादनिकायकथं दैच्वंगु थीथी बुद्धविषयया खँयात तुलनात्मकरूपं वालाक्यंगु दु । थये हे पुलांगु प्रयोगकथंया नेवाःभाय्या स्वरूपलिसे अर्वाचीन ल्हानाभाय् पाःगु खँ न्ह्यथनाब्यूगु दु । थुकथंया प्रस्तुतिं पाठकपिंत इतिहास सिबय् नं थःथःत यःगुकथं ब्वनेत, थ्वीकेत तिबः जूवंगु दु । नापं भापाय् नं प्रयोगया खँय् भ्रम निवारण ज्वीकथं उदाहरण ब्वयाः न्ह्यथनाब्यूगु दु ।

जनमानसय् निष्ठानन्दनाप भावनात्मक स्वापू तयेत थुगु सफुतिं तःधंगु
ग्वाहालि वी । थ्वहे थुगु सफू पिथनाया विशेषता तायेका । थुगु गुथिया थ्व छगू
कृतिकथंया न्हापांगु पिथना खः । थथेहे नेपाःया जनजीवनय् भापिक, साहित्यिक व
लोककल्याणकारी खँपाखे प्रेरणा ज्वीकथंया मेमेगु सफूत पिथनांवने दै धैगु मनंतुनागु
दु ।

इलय्लाक्क सफू पिथनेदयेक प्रेससम्बन्धी दक्वं ज्याय् ग्वाहालि प्राप्त जूगु
जमःया हिसि अफसेट प्रिन्टर्सयात नं सुभाय् द्यछानागु जुल ।

११३३ कछलागाः, पञ्चमी
निष्ठानन्दमार्ग, ओम्बहाः, यँ ।

– प्रा. सुवर्ण शाक्य
अध्यक्ष
निष्ठानन्द स्मृति गुथि

मय्जु प्रेमहिरा तुलाधरयात आपालं आपाः मिंतुना

प्रेमहिरा तुलाधर नेपालभापाया ख्यःया नितिं अपरिपरिचित व्यक्तित्व मखु, नेपालभापाया भापा, साहित्य तथा संस्कृति विषयस च्वसा न्त्याकेगुया नापं थ्व ख्यःया थी थी क्रियाकलापय् सकिय रुपं व्वति कयाच्चनादीम्ह मय्जु खः । थौं वयकलं नेपालभापा ख्यःया अतिकं लुमंकेवहःम्ह पात्र निष्ठानन्द बज्राचार्यया विषयस **गद्यगुरु पं. निष्ठानन्द बज्राचार्य व ललितविस्तर** नांगु सफू पिकयाः नेपालभापायात हानं छपलाः न्त्याकेगु गुगु ज्या यानादिल, थ्व भी सकलसिगु नितिं लसताया खँ खःसा थ्व ज्याया नितिं वय्कः सुभाय्या पात्र खः । थःगु नेपालभापा स्नातकोत्तर अध्ययनया क्रमय् च्वयादीगु शोध ग्रन्थ व लिपा नं थ्व सम्बन्धी थम्हं यानागु अध्ययन व अनुसन्धानयात दुध्याकाः ताःई तकया मिहेनतं **गद्यगुरु पं. निष्ठानन्द बज्राचार्य व ललितविस्तर** नामं सफू गुगु वयकलं पिकयादीगु खः, थ्व सफूया तःता कथं थःगु हे महत्व दु । मूलत स्वंगू अध्याय ९२ पौ दुगु थ्व सफू दकलय् न्हापांला नेपालभापाया पुनर्जागरण अभियानयात म्हुतुं मखु थःगु ज्याखं ताःलाकावंम्ह महारथी निष्ठानन्द बज्राचार्यया व्यक्तिगत तथा साहित्यिक जीवनीयात म्हसीकेगु आःतक पिदंगु ज्वलं मध्ये दकलय् तःजिगु ज्वलं थ्व सफू जूगु दु । निष्ठानन्द बज्राचार्ययात थौं भीसं गुलि नं लुमंकाच्चना, गुलि नं श्रद्धायांनाच्चना, वसपोलं राणा शासनया प्रतिकूल वातावरणय् नं भीगु भापा साहित्य उत्थानया

निति यानाथकूगु तःजिगु योगदानया कारणं खः । अज्याम्ह व्यक्तित्वया जीवनी मेपिनिगु नितिं नं उलि हे सरोकार, प्रेरणाया तथा जिज्ञासाया विषय जुइगु स्वभाविक खः । अथेहे समाजय् अज्यागु ज्याया जक तःधंगु महत्व दर्ई गुगु ज्या खं युगयात छपलाः न्हयाकेगु याई, युगया आवश्यकता ताःलाकेगु याई । थज्यागु हे युगयात छपलाः न्हयाकेगु, तत्कालीन युगया आवश्यकता ताःलाकेगु ज्यायानावम्ह व्यक्तित्व निष्ठानन्द वज्राचार्य खः । सुनानं थासा आखलं सफू मपिकाःनिबलय् थासा आखलं सफू पिकाय्गु, सुनानं बोलिचालिया भाय् सफूती मछ्यःनिबलय् थम्हं छ्यलाः क्यनेगु, सुनानं देवनागरी आखः दुथ्याकेगु मयाःनिबलय् थम्हं सफूती दुथ्याकेगु यानाः नेपालभापाया सफू तत्कालीन जनमानसयात व्वंकेवीगु लकस दयेकावीगु गुगु ज्या निष्ठानन्द वज्राचार्य यात थुकियात वसपोलया दुरदर्शी विचाः, अग्रगामि पलाः मधासे मगाः । खय्तला वसपोलया इलय् मेपिं नं त्वाःत्वालय बौद्ध जीवनीसम्बन्धी वाखं कनीपिं गुरुजुपिं मद्गु मखु तर मेपिं सुं पाखें नं थज्यागु वाखंयात सफूया रुप बीगु मती मतः, ज्या मजू । उकिं निष्ठानन्द वज्राचार्य गुगु समयसापेक्ष ज्या यात थ्व वयकःया कम साहस, कम बुद्धिमतापूर्ण तथा कम अग्रगामी ज्या अवश्य मखु धायेफैमखु । वसपोलं थ्व ज्या, छुं थःगु नां तय्गु दां मुनेगु प्रलोभनं याःगु मखु केवल थम्हं वाःचाःगु, थम्हं खंगु उगु ईया आवश्यकता ताःलाकेगु नितिं जक याःगु खः, छम्ह पण्डितया दायित्व पूर्वकूगु खः । तर थ्व ज्या नेपालभापा पुनर्उत्थानया नितिं संजीवनी वुटी सावित जुल । थज्याम्ह व्यक्तित्वया जीवनया सर्वपक्षया चित्रण थ्व **गद्यगुरु पं. निष्ठानन्द वज्राचार्य व ललितविस्तर** सफूती दुथ्यागुलिं निष्ठानन्द वज्राचार्ययात म्हसीकेगु नितिं मय्जु प्रेमहिरा तुलाधरया थ्व सफू मूवंगु जोलं जूगु दु । थज्याम्ह व्यक्तित्वया जीवनी नापनापं उगु ईया समाज, परिवेश, वस्तुस्थितिया चित्रण नं दुथ्यागुलिं नेपालभापाया माध्यमिककालया वारे नं थ्व सफुतिं आपालं जः ह्वलेगु याःगु दु ।

निष्ठानन्द वज्राचार्यया ललितविस्तर सफूया मेगु पक्ष खः – थ्व सफुतिं बौद्ध धर्मय् नव ग्रन्थ मध्ये छगू महत्वपूर्ण ग्रन्थ मानेयानातःगु **ललितविस्तरयात** सरलीकृत रुप विद्याः तत्कालीन बौद्धतय्त थम्हं हे बौद्धग्रन्थ ब्वनेफैगु ह्वःताः चूलाकाब्यूगु दु । मेखेर बौद्ध वाखं ब्वनेगु प्रलोभनं नं तत्कालीन नेवाःतय्त नेपालभापाया सफू ब्वनेगु वानि थ्व ललितविस्तर सफूया प्रकाशनं यानाब्यूगु दु । थथे छखे बौद्धधर्म मेखेर नेपालभापाया प्रचार जुइके ब्यूगु थज्यागु सफूया वृहत्

चर्चा, थुकिया थी थी संस्करणया परिचय तथा बौद्ध ऋषि महाप्रज्ञाया ललितविस्तर ग्रन्थ नाप पाःगु खँ आदि नं दुथ्याकातःगुलिं थ्व गद्यगुरु पं. निष्ठानन्द बज्राचार्य व ललितविस्तर सफू बुद्धधर्म तथा नेपालभाषा साहित्यया इतिहास च्वइपिनिगु नितिं अतिकं महत्वपूर्ण तथ्यज्वलं जूगु दु । अथे हे निष्ठानन्दया ललितविस्तर सफूती छ्यलातःगु भाषायात कयाः गुगु भाषावैज्ञानिक विश्लेषण नं थ्व सफूती यानातल थुकिं उगु ईया नेपालभाषाया भाषिक स्वरूप म्हसीकेत अर्थात् कालक्रमिक अध्ययन यायेत नं उलि हे ग्वहाली जूगु दु । नेपालभाषाया उच्च शिक्षाया पठन-पाठनय् दुथ्याःगु छगू विषय निष्ठानन्द बज्राचार्यया जीवनी नापं ललितविस्तर सफू नं खः । तर पाठ्यक्रमय् दुथ्याकाः नं पाठ्य ज्वलं ताःमलाइगु नेपालभाषाया पठन-पाठनया छगू दुर्भाग्य खः । उकिं मय्जु प्रेमहिरा तुलाधरया थ्व गद्यगुरु पं. निष्ठानन्द बज्राचार्य व ललितविस्तर सफू विद्यार्थीपिनिगु नितिं नं छगू स्थल्लागु ग्वहालि ज्वलं जुइ धैगु भाःपा । सफूती प्रयोग जुयाच्चंगु सरल व सल्ल् न्हयाःगु भाषां थ्व सफू ब्वनेवल्य् सहजता, सरसताया अनुभूति याकेव्यूगु दु । अन्तय् सफू पिदंगु लसताय् प्रेमहिरायात आपालं आपाः भित्तुना । आशा दु वय्कःया च्वसा थथे हे न्ह्यानां च्वनेमा, थःगु मांभाय् व थःगु जातिप्रतिया च्यूताः सदां ल्यनाच्चनेमा । सुभाय् !

– प्रा. प्रेमशान्ति तुलाधर

ने.सं १९३३ कछलाथ्व १५
सकिमिलापुन्हि

जिगु धायेगु

निष्ठानन्द बज्राचार्य नेपालभाषा, साहित्य व नेपालय् बुद्ध धर्म पुनर्उत्थान यायेगु निंति आपालं योगदान बियाभ्नाःम्ह नेपालभाषा साहित्यया पुनर्जागरण कालया प्यंगः थां धकाः नां जाःपिं साहित्यकारपिं मध्ये दकले थकालिम्ह खः । वय्कलं दकले न्हापां देवनागरि लिपि छ्यलाः छापा आखलं खँल्हाबल्हाया भाषं ललितविस्तर सफू पिकयाः नेपालभाषा साहित्यय् न्हूगु गद्यया सुरु यानादीगुलिं नेपालभाषा साहित्यय् वय्कः गद्यगुरु धकाः नांजाःम्ह साहित्यकार खः । वय्कः थःम्हं अध्ययन यानागु ग्रन्थया बारे न्हापां थासंथासय् बाखं कनाः बाखं न्यंपिनि मन तसकं हे क्वसाःगुलिं सफू पिकाये माःगु वाःचायेका बुद्धया जीवनी व मेमेगु थी थी बौद्ध ग्रन्थत नं दुथ्याका थःगु हे कथंया मौलिक ग्रन्थ ललितविस्तर सफू पिकयादीगु खः । थुगु ललितविस्तर सफू ने.सं. १०२९ सालं निसें च्वच्चं थासा आखलं पिकया न्हिं छपौ छपौ च्वया पसःपसः पतिं, छँखा छँखापतिं मिया उकिं वःगु ध्यबां हानं मेगु पौ छापये यायां ने.सं. १०३४ साल बछला गाः १३ सुक्रवाः खुन्हु सिधयेकादीगु खः । थुगु सफू पिकायेत वय्कलं थःगु जीवन कालय् आपालं हे संघर्ष यानादी माल । थुकथं नेपालय् बुद्ध धर्मया पुनर्उत्थान व नेपालभाषा साहित्यया गद्य विकासय् गद्यगुरु पं. निष्ठानन्द बज्राचार्य व ललितविस्तर सफूया उलि हे महत्त्वपूर्ण भूमिका दु ।

थुकथं नेपालभाषा साहित्यया महत्त्वपूर्णम्ह व्यक्ति व महत्त्वपूर्णगु सफू कलेज, युनिभर्सिटीइ नेपालभाषा विषयया कोर्सय् तकं दुथ्याःगु 'गद्यगुरु पं. निष्ठानन्द बज्राचार्य व वय्कःया ललितविस्तर' सफू बारे जिं नेपालभाषा एम.ए. ब्वनाबलय् च्यागूगु पत्र

कथं च्वयागु सोधग्रन्थयात थौं सफूया रूप्य पियने दया तसकं लय्ताः । थुगु सफुतिइ गद्यगुरु निष्ठानन्द बज्राचार्यया जीवनी व वय्कःया ललितविस्तर सफूया श्रोत, संस्करण, महत्त्व आदि थीथी पक्ष नाप थुगु सफूया भाषाया सामान्य स्वभाव व विशेषता नापं अध्ययन याना च्वयागु खः । अले उगु सोधग्रन्थ च्वयेत निर्देशन बिया ग्वाहालि यानादीम्ह गुरुवर सह-प्रा. भाजु काशीनाथ तमोटजुं थुगु सफू पियनेत आपालं हःपा बियादीगुलिं वय्कःप्रति जि कृतज्ञ जुयाच्चना ।

थुगु सफू निष्ठानन्द बज्राचार्यया योगदानयात प्रकाश यायेगु निंतिं थी थी ज्याझ्वः याना दैय्दसं निष्ठानन्द बुदिं हना वयाच्चंगु संस्था निष्ठानन्द स्मृति गुथि नःवहि, अंबाहापाखें पियनेगु भाला क्वबुया ब्यूगुलिं उगु गुथियात आपालं सुभाय् देछायाच्चना । थुगु सफू च्वयेत माःगु निष्ठानन्द बज्राचार्यया ललितविस्तरया न्हापांगु संस्करण बिया ग्वाहालि यानादीम्ह तता तीर्थतारा तुलाधर व नेपालभाषा परिषद्यात आपालं सुभाय् बियाच्चना । थथे हे थुगु सफू पियनेत माःगु ग्वाहालि यानादीम्ह हिसि अफसेट प्रिन्टर्सया भाजु पुष्प चित्रकारजुयात नं यक्को यक्को सुभाय् देछायाच्चना । नापं थुगु सफूया देबः डिजाइन याःम्ह काय् भाजु सुबिज्ञ तुलाधर व कम्प्युटर टाइप यानादीम्ह भाजु भक्तकृष्ण साकारयात नं सुभाय् बियाच्चना ।

– प्रेमहिरा तुलाधर

गद्यगुरु पं. निष्ठानन्द वज्राचार्य
व
ललितविस्तर

धलः

ल्याः	मूखँ	पौल्याः
	न्हखँ	१-७
१.	निष्ठानन्द बज्राचार्यया जीवनी	२
	१.१ जन्म	२
	१.२ इहिपाः	२
	१.३ शिक्षा	२
	१.४ लजगाः	३
	१.५ बाखं कनेगु	३
	१.६ शिक्षक	४
	१.७ प्रकाशन	४
	१.८ मुद्रक	६
	१.९ मरण	६

२.	ललितविस्तर सफूया म्हसीका	८-३९
२.१	ललितविस्तर सफूया पृष्ठभूमि	८
२.२	ललितविस्तर सफू च्वयेत यायेमाःगु संघर्ष	९
२.३	ललितविस्तर सफूया श्रोत	१०
२.४	ललितविस्तर सफूया महत्त्व	१५
२.५	ललितविस्तर सफूया थी थी संस्करण	२०
२.६	निष्ठानन्द बज्राचार्य व बौद्ध ऋषि महाप्रज्ञाया ललितविस्तरय् पाःगु खँ	३३
३.	ललितविस्तर सफूया भाषिक विश्लेषण	४०-६८
४.	लिखँ	६९-७०
५.	लिधंसा	७१-७३
६.	तँसा	७४-९१
		□□

गद्यगुरु पं. निष्ठानन्द वज्राचार्य व ललितविस्तर

न्ह्यखँ

नेपालभाषा साहित्यया पुनर्जागरण कालया नां दंपिं प्यंगः थां मध्ये छगः थिसिलाःगु थां गद्यगुरु पण्डित निष्ठानन्द वज्राचार्यजुं ने.सं. १०३४ सालय् च्वया पिकयादीगु ललितविस्तर सफू नेपालभाषा साहित्यया तसकं महत्वपूर्णगु सफू खः । थ्व सफू वय्कःया भाषानुराग व धर्म प्रचारया उच्च आदर्श जक मखु थ्व नेपालभाषा साहित्यय् गद्य शैली निर्माणय् वय्कःया तःथंगु देन खः । थुलि जक मखु गथे खँ ल्हायेगु खः अथेहे च्वयेगु याना थासा आखलं ललितविस्तर सफू पिकयादिया वय्कलं भीगु भाषा साहित्यय् विशेष कथं गद्यय् योगदान बियादिल । थुकथं वय्कलं आधुनिक नेपालभाषा गद्यया निर्माण यायेगु ज्याय् बुद्ध जीवनी व मेमेगु ग्रन्थ दुथ्याःगु ललितविस्तर सफू नेपालभाषा च्वयाः थासा आखलं पिकयादीगु छगू तसकं हे मू वंगु पलाः खः । अथे हे थुगु ग्रन्थं नेपालय् बुद्ध धर्मया पुनर्जागरण जूगुलिं वय्कःयात नेपाःया महायान बौद्ध धर्मया पुनरुद्धारक धकाः नं मानेयाना तःगु दु । उकिं नेपालभाषा व बौद्ध धर्मया क्षेत्रय् थ्व ललितविस्तर सफूया धार्मिक, सांस्कृतिक, ऐतिहासिक नापं भाषिक महत्त्व दु । थुगु सफुतिइ निष्ठानन्द वज्राचार्यया जीवनी नापं ललितविस्तर सफूया थी थी पक्षयात दुथ्याका भाषिक विशेषता नं न्ह्यब्वयागु दु ।

१. गद्यगुरु पं. निष्ठानन्द वज्राचार्यया जीवनी

१.१ जन्म

ने.सं. १७८ थिला थ्व चौथि खुन्हु यैया वंबहा: नःबहित्वालय् मां थकुमतिया कोखं जन्म जुयादीम्ह निष्ठानन्द वज्राचार्य भाजु मुत्तानन्दया काय् खः ।

१.२ इहिपा:

ने.सं. १९३ स निष्ठानन्द वज्राचार्यजुया भिन्यादँया बैसय् मय्जु रत्नप्रभा नापं इहिपा जुल । ने.सं. १९८ साल तकया दुने निम्ह मस्तय् बौ नं जुल । थबले वय्कःया मांबौ निम्हं परलोक जुइ धुंकूगुलिं छँया भार वय्कःया छ्यनय् लात । तर ने.सं. १०२१ साल भाद्र शुक्ल पञ्चमी खुन्हु वय्कःया जहान परलोक जूगुलिं लिपा हाकनं क्वाःबहा: यैया द्योमय्जु नापं इहिपा याना दिल ।

१.३ शिक्षा

निष्ठानन्द वज्राचार्यजुं मचाबले पूजापाठ व जयमां ज्या यायेत जक ठीक जुइक आखः सयेका दिल । लिपा पूजा पाठया ज्या जक याना खर्च हने मफया व्यापारया ज्या नं याना: बांबांला:यु लं फिना: च्वय्च्वय् धाया जुल । थ्व खना: वय्कःया फुकिदाजुं

“मानहर्ष बाखं कनीगु निष्ठानन्दं सिन्हः तिकीगु अले भी दाजुकिजापिनि नां च्वनीगु” धकाः ध्याचू न्यंकल । थुकथं वय्कःया फुकिदाजु आशामदुं ग्वाका बिसेंलि मानहर्ष स्वया छुं कम जुइ मखु धैगु दृढ याना मचाखाचाया अबु जुइ थुंका नं थः काय् नापनापं थः नं आखः ब्वना येंदेया छम्ह नांजाःम्ह पण्डित जुया दिल ।

ब्वनेगु दृढ याना न्हापां वय्कः घण्टाघर पुस्तकालय्या लिपि विशेषज्ञ यलया कुलमां पण्डितयाथाय् सारस्वत व्याकरण ब्वं भाल । अले मेमेगु काव्य ग्रन्थ ब्वनेत यक्को विद्वानतयाय् भाल । थथे हे वय्कःयाथाय् बासं च्वंवःम्ह यलया छम्ह पण्डित ब्राम्हण्याके वय्कलं लघु व मध्य सिद्धान्त नं स्यना कयादिल । थुकिं यानाः वय्कःयाके व्याकरण कण्ठ जुइक हे वलं । नापं काव्य अलंकार व कोष नं गाक्क बल्लाकादिल । थुकथं शास्त्र विद्या, नृत्य गीतादि व पूजा विधिइ नं विशेषता प्राप्त यानादीम्ह जुया वय्कः येंदेया छम्ह प्रसिद्ध पण्डितय् नां जाल ।

१.४ लजगाः

वय्कलं अबलय्या गोर्खाभाषा प्रकाशिनी समिति पाखें दयेकूगु पाठ्यक्रम कथंया नेपाली पास जाँच बिया ‘राइटर’ (लेखनदास) धैगु पदय् जागीर नयादिल । थ्व हे पदय् च्वनाः वय्कः सेती अञ्चलया बाजुरा जिल्लाय् खटे जुयादिल । अन स्वदँ तक च्वनाः छैं लिहां भायाः काय्म्ह्याय्पिनिगु इहिपा याना दिल ।

१.५ बाखं कनेगु

निष्ठानन्द वज्राचार्य छम्ह गुभाजु जुयाः जन्म जुयादीम्ह जुया पूजापाठ यायेगु व बाखं कने’सइगु स्वाभाविक हे जुल । अझ वय्कलं यक्को अध्ययन याना छम्ह पण्डित हे जुयादी थुंकूगुलिं थःके दुगु ज्ञान अज्ञानय् लानाच्चपिं मनूतय्त इना बिइत बाखं कनेगु नं यानादिल । वय्कलं दकले न्हापां ने.सं. १०२१ सालय् चतुरमास ज्वःछि जनबहालय् संस्कृतया ललितविस्तर, भद्रकल्पावदान बाखं कनेगु यानादिल ।

अनं ने.सं. १०२६ सालय् हानं थःगु हे छैं सत्तीक नःबहिवालय् बौद्ध धर्मया ललितविस्तर बाखं कनादिल । वयां लिपा वहे ललितविस्तर बाखं थासंथासय् लगंबहाः, ऊंबहाः, ज्याठा, न्हूसतकया वंगलसिमाय् नं कनादिल ।

लिपा नेपालभाषाया सफू छापे यायेगु व पिकायेगु ज्या याये मज्यूगु इलय् वय्कलं छकः चीफ साहेब भीमशमशेरया दरबार, टंगालय् जूगु विद्वत् सभाय् बौद्ध धर्मया मूल सिद्धान्त ‘प्रतीत्य समुत्पाद’या अर्थ लुधंक कना दीगुलिं सकलें लयल्यताया

बकस व स्यावासी बिल । अले वय्कःयात नेपाःया नांदंगु पुस्तकालय वीर पुस्तकालयस लजगाः यायेगु सल्लाह बिल । तर वय्कः थबले बुरा ज्वी धुंकुगुलिं करपिनि अधीनय् च्वना नयेमखु धैगु मती तथा हानं न्हूसतकया वंगलसिमा क्वय् च्वना बाखं कनेगु ज्या यानादिल ।

१.६ शिक्षक

वय्कः छम्ह नेपाःया नां जाःम्ह पण्डित जुसेलि यक्कोस्यां थः मस्तय्त आखः ब्वंकेत छ्वयाहल । थुलिजक मखु उगु इलय् ब्रम्हुतय् मस्त नापं वय्कःयाथाय् आखः ब्वंकेत छ्वयाहल । वि.सं. १९७६ व ७७ सालय् वय्कः श्यामसुन्दर साहुया काय्यात संस्कृत भाय् स्यनेत कलकत्ता भाल । अन च्वनादीबले 'एसियान्टिक सोसाइटी अफ बंगाल'यापि पण्डिततय्त बौद्ध धर्मया खं थुइका ब्यूगुलिं वय्कःयात अनयापि पण्डिततय्सं तसकं माने यात । दकले लिपा स्वदं तक न्हूसतकया वंगलसिमा क्वय् च्वना बाखं कनादी धुंका योगाभ्यास यायेत स्वयम्भूया बसुन्धरा द्यो दुथाय् च्वना अन सफूकुथि चायेकाः बौद्ध धर्मया सफूया अध्ययन यायां मस्तय्त आखः ब्वंकेगु ज्या याना न्हिं छ्वानादिल । संघनायक भदन्त प्रज्ञानन्द महास्थविरया जीवनी कथं वसपोलयात निष्ठानन्द वज्राचार्यजुं ब्वंकादीगु खं नं थन लुमंके बहःजू । (बन्ध, ने.सं. १०९५: १८)

१.७ प्रकाशन

वय्कलं यैया थीथी थासय् बाखं कनादी धुंका बाखं न्यनीपिनिगु मन बुद्धया जीवन चरित्र पाखे धेचूगु थःम्हं वाःचाःगुलिं थःम्हं कनागु बाखंयात थासा आखलं पिकाये दःसा ज्यू धैगु मती तथा ललितविस्तर, भद्रकल्पावदान, स्वयम्भूपुराण, गुणकारण्ड व्यूह, अष्ट सहस्रिका प्रज्ञा पारमिता, तारा शतनाम आदि आपालं बौद्ध धर्मया मूखं जक कयाः वय्कलं सफू च्वयादिल । वय्कःया प्रकाशन क्वय् बियाथें खः –

(क) श्री प्रज्ञापारमिता देवीयागु एक विंशति श्लोकया भाषा सहितं,

ललितविस्तर सफू च्वये न्ह्यो ने.सं. १०२९ सालय् वय्कलं 'अष्ट सहस्रिका प्रज्ञापारमिताया च्याङ्खः श्लोकय् नीछपु सिलःया अनुवाद याना थासा आखलं पिकायादी धुंकल । वय्कःया थ्व अनुवाद जूगु सफू 'श्री प्रज्ञापारमिता देवीयागु एक विंशति श्लोकया भाषा सहितं' खः । २६ पौया थ्व सफू नेपालभाषाया दकले न्हापांया देवनागरिं थाना पिहांवःगु सफू खः । थ्व सफुतिइ 'पाठ यानागु फल'

धकाः थःगु लुं वक्तव्य नं बियातःगु दु । अले 'पाठ यानागुया फल'या लिसे न्हापांगु संस्करण्य विसर्जन खँ नं दु । थ्व निक्वःगु संस्करण्य मदु । अले भूमिका खँ निक्वःगु संस्करण्य जक दु न्हापांगु संस्करण्य मदु । नापं लिपायागु संस्करण्य मिति नं मदु ।

(ख) ललितविस्तर

ने.सं. १०२९ सालं निसें हे वय्कलं थःम्हं हे थाना सफू पिकायेगु ज्या छुनादिल । थः काय् जुजुरत्नयागु ग्वाहालि कया वय्कः थःम्हंतुं आखः 'कम्पोज' याना ने.सं. १०३४ बछ्ला गाः १३ शुक्रवार खुन्दु ललितविस्तर सफू थाना पिकयादिल । थुकी बुद्धया जीवनी जक मखु भद्रकल्पावदान, स्वयम्भूपुराण, गुणकारण्ड व्यूह, अशोकावदान, रत्नमालावदान, निर्माण सूत्र आदि तया चवयादीगु खः । थुकी ४६० पौ दु । लिपा थुकिया संस्करण ने.सं. १०४४, १०६८-१०८६, १०९८ व १११६ नं पिहां वःगु दु ।

(ग) भद्रचरि श्लोकया भाषा

थ्व सफुतिइ संस्कृत श्लोक व उकिया नेपालभाषां अर्थ चवयातःगु दु । थुकी जम्मा ५३ पौ दु । आर्य भद्रचरी ५२ पतिइ हे समाप्त यानातःगु दु । अले ५३ पतिइ 'फल प्रशंसा' बियातःगु दु । थ्व सफुतिइ साल चवयातःगु मदु । तर ने.सं. १०४४ सालय् समिति अड्डाय् पास यानाः जक सफू पिकाये दुगु इलय् चवःगु धकाः चित्तधर हृदयजुं उल्लेख यानातःगुलिं थ्व सफू ने.सं. १०४४ सालय् पिदंगु खः धकाः धायेफु ।

(घ) श्री बोधिज्ञान भाषा टीका समेत

वय्कलं ने.सं. १०४३ आषाढ शुदि १० रोजस बोधिचर्यावतार अनुवाद याना संस्कृत श्लोक व नेपालभाषा तया श्री बोधिज्ञान भाषा टीका समेत धकाः सफू प्रकाशित यानादिल । थुकी पूजा प्रशंसा, स्मृतिभावना, स्तुतिपूजा, अष्टाङ्ग प्रकाय, त्रिरत्न शरण, नित्यानित्य, पापदेशना, पुण्यानुमोदन, बोधिज्ञान, चतुर्ब्रम्ह विहार, षट्पारमिता आदि बौद्ध धर्म सम्बन्धि यक्को विषय दुथ्याःगु दु ।

थुकिया न्हापांगु संस्करण ने.सं. १०४२ सालय् प्रकाशित जूगु खः । अले थुकी फुक्कं यानाः ३४१ पु श्लोक दु । निगूगु संस्करण्य ३४८ श्लोक दु । उकिं थ्व सफू ने.सं. १०४२ व १०४३ सालय् पिदंगु खः ।

“वय्कलं थथे नेवाः भाषं बौद्ध ग्रन्थ पिकया चव्छाये बहःगु ज्या याःबले छम्ह निम्ह धर्मभिरुपिसं थःगु लजगाः चफुना बीम्ह निष्ठानन्द धकाः ब्वबीगु यात । अथेसां वय्कः थःगु ज्यां लिचिला मदी” । (विश्वभूमि, ने.सं. ११०९: ४)

१.८ मुद्रक

वय्कलं ने.सं. १०२९ सालं निसैं हे थःमंहं हे थाना सफू पिकायेगु ज्या छुनादिल । अले थः काय जुजुरत्नयागु ग्वाहालि कयाः थःमंहंतुं आखः कम्पोज याना ने.सं. १०३४ बछला गाः १३ शुक्रवार खुन्हु ललितविस्तर सिधयेकागु जुल धकाः न्हापांगु ललितविस्तरया अन्तिम पतिइ उल्लेख यानादीगु दु ।

थथे हे भाजु काशीनाथ तमोटजुं नं छथाय् थथे च्वयादीगु दु—

“भाषा साहित्य धर्म प्रति वय्कःया देन ला दहे दु उकिइ तंसा वय्कः नेपालभाषाया न्हापांमह थाकुथुवा व थाक (मुद्रक) नं खः । थःमंहं हे थासा (छापाखाना) न्यानाः थमंहं हे लाःलाः खुन्हु छपाः छपाः छखे छखे पौ थाथां सफू पिकायेगु छगू तःधंगु ज्या खः । वय्कलं यानादीगु अबलेया थासाया पिला (छापाखानाया बाकस) ज्ञान गुर्जुयाके दइतिनि धकाः चित्तधर हृदयजुं ने.सं. ११०० (२०३७ श्रावण २ बिहीवार) खुन्हु कनादीगु खँ जितः बराबर लुमंसे वः” । (तमोट, ने.सं. ११०६: ६)

१.९ मरण

दकले लिपा न्हूसतकया वंगलसिमा क्वय् स्वदैतक बाखं कने धुंका योगाभ्यास यायेत स्वयम्भूया बसुन्धरा द्यो दुथाय् च्वना बौद्ध धर्मया अध्ययन यायां मस्तयत आखः ब्वंका न्हि छ्यानादिल । अले गबलें मञ्जुश्रीया सतलय् व गबलें स्वयम्भूया बातनय् च्वंगु सतलय्, गबलें कुलमां गुरुजुया सतलय् च्वना पुरश्चरण व योगाभ्यास यायेगु यानादिल । थुकथं वय्कलं साधारण व सार्थक जीवन हहं हे ने.सं. १०५५ साल थिला थ्व चौथीया रात्री वय्कः परलोक जुल । वय्कः भीगु न्ह्योने मदये धुंकूसां वय्कःया धर्मानुराग, मातृभाषा प्रेमया मूर्त स्वरूप ‘ललितविस्तर’ सफू भीगु न्ह्योने दु ।

वय्कः संयोगवश न्हयन्हय्दया वैसय् भगवान् बुद्ध थें जन्म व मृत्यु छगू हे तिथि थिला थ्व चौथी (ने.सं. १०५५) खुन्हु मदुगु खः । थुकथं वय्कःया जीवनी दुवाला स्वयेबलय् “छपे छजु चूलायेवं लुधनेगु स्वभावय् नं धर्मया अप्वः चेतना दुमह वय्कः छमह अनुवादक, छमह सम्पादक व छमह च्वमि लिसैं छमह वक्ता नं खः” । (सुदर्शन, ने.सं. १०९०: १)

वय्कः थौं भीगु न्ह्योने मदये धुंकूसां नेपालभाषा साहित्यया छगः थिसिलाःगु थां जुयाः नेपालभाषा ख्यलय् आपालं योगदान दुमह थ्वय्कःयात सदां लुमंका तयेत, वय्कःयात सकसितं म्हासीका बिइत वय्कःया त्वाः नःबहिया सकल दाजुकिजा तताकेहैंपिं जाना निष्ठानन्द स्मृति गुथिया नामं ने.सं. १११८ सालया दिल्ला (वि.सं. २०४५ साल असारय्)

भाजु सुवर्ण शाक्यया अध्यक्षताय् छगू संस्थाया नीस्वनेगु ज्या जूगु दु । थुगु निष्ठानन्द स्मृति गुथि नीस्वसां निसें थौं तक्कं दैय्दसं थीथी ज्याइवः यासे निष्ठानन्द वज्राचार्यया बुदिं हनेगु च्वछाये बहःगु ज्या न्ह्याकावयाच्चंगु दु । थुगु गुथिं पाखें निष्ठानन्दया बुदिं खुन्हु सुथ न्हापां नसंचा उलेगु, निष्ठानन्दया इवाताय् स्वांमाः, स्वांमू देछासे श्रद्धाञ्जलि देछायेगु, विज्ञपिं पाखें वय्कःया व्यक्तित्वया प्रकाश याकेगु आदि ज्या यानावयाच्चंगु दु । नापं निष्ठानन्दया बारे च्वसु पिथना वय्कःयात म्हसीकेगु ज्याय् ग्वाहालि यानादीगुलिं भाजु मीनबहादुर शाक्य व मयजु प्रेमहिरा तुलाधरयात हनापौ देछायेगु ज्या नं याःगु दु । निष्ठानन्द गुथिपाखें वय्कःया विषय अध्ययन अनुसन्धान याका सफू पिकायेगु ज्या नं न्ह्याकाच्चंगु दु ।

□□

२. ललितविस्तर सफूया ठहसीका

२.१ ललितविस्तर सफूया पृष्ठभूमि

नेपालभाषा साहित्यय् चर्चा जूषिं प्यंगः थां मध्ये दकले थकालिम्ह गद्यगुरु पण्डित निष्ठानन्द वज्राचार्यजुं चवयादीगु ललितविस्तर छगू अतिकं मूवंगु सफू खः । थुगु ललितविस्तर सफू संस्कृतया ललितविस्तर सफूया जक तप्यंक अनुवाद मजुसे थीथी महायानी बौद्ध ग्रन्थया भावार्थ नं दुथ्याःगु बौद्ध ग्रन्थ खः । थुगु ललितविस्तर ग्रन्थ महायान बुद्ध धर्मयागु अति प्रसिद्धगु नवव्याकरण सूत्रमध्ये छगू नां जाःगु अमूल्यगु ग्रन्थ खः ।

निष्ठानन्द वज्राचार्यजुं यैया थासंथासय् बाखं कनादी धुंका बाखं न्यनीपिनि मन बुद्धया जीवनी व बौद्ध धर्म सम्बन्धी बाखं तसकं ययेकूगु व लोकया मनोभाव थुइका बुद्धया जीवनी दुथ्याःगु ललितविस्तर, भद्रकल्पावदान, स्वयम्भू पुराण, गुणकारण्ड ब्यूह, अष्टसहस्रिका प्रज्ञापारमिता, तारा शतनाम, अशोकावदान, रत्नमालावदान आदि आपालं महायान बौद्ध धर्मया मूलगु खँ कया नेपालभाषां ललितविस्तर सफू चवया पिकयादिल । थुकथं थीथी बौद्ध ग्रन्थ व बुद्धया जीवनी दुथ्याःगु थुगु ललितविस्तर ग्रन्थ संस्कृत मसःपिं नेपामितय्त बांलाक थीका बिइगुया लागि वय्कलं नेपालभाषां ने.सं. १०३४ बछलां पूर्वकाः पिकयादिया यै, यल, ख्वप, भोंत, पाल्पा, तानसेन, भोजपुर आदि थासय् थ्यंक प्रचार यानादिल । थुकथं नेपाल देशय् प्रचलित महायान बुद्ध धर्मया नवग्रन्थमध्ये नेपालभाषां दकले न्हापां पिदंगु निष्ठानन्द वज्राचार्यया थ्वहे ललितविस्तर सफू खः ।

निष्ठानन्द वज्राचार्यजुं ने.सं. १०२९ सालं निसं थः काय् जुजुरत्नया ग्वाहालि कयाः थःम्हं हे थाना सफू पिकायेगु ज्या शुरु यानादिया ने.सं. १०३४ बछलागाः १३ शुक्रवाः खुन्हु थासा आखलं ललितविस्तर सफू पिकयादिल । थुगुसफू न्हिं छपौ छपौ थाना पिकया न्हिं न्हिं हे पसःपसःपतिं, छैखाछैखापतिं वना मिया उकिं वःगु ध्यबां भ्वं न्याना हानं कन्हय् खुन्हु मेगु पौ छापय् यायेगु यायां दँदं बिकाः थुगु सफू च्वया पिकयादीगु खः । थुगु सफुतिइ जम्मा ४६० पाः दु । छपातय् क, ख याना निगू पेज दुगुलिं थुकी मुक्कं ९२० पेज दु । थुगु सफुतिइ जम्मा ६५ गू परिवर्त दुथ्याकातःगु दुसा थुगु सफूया थीथी संस्करण नं पिदंगु दु ।

थुकथं थः हे च्वमि, थः हे मुद्रक, प्रकाशक, इनामि आदि जुया थःगु तन मन धन फुका थुगु सफू पिकयादिल ।

२.२ ललितविस्तर सफू च्वयेत यायेमाःगु संघर्ष

नेपालभाषा साहित्यया प्यंगः थां मध्ये दकले थकालिम्ह गद्यगुरु पण्डित निष्ठानन्द वज्राचार्यजुं नेपालभाषां दकले न्हापां देवनागरि लिपिं ललितविस्तर सफू च्वयाः छगू च्वछायेबहःगु पलाः न्हाकादिल । भगवान् बुद्धया जीवन चर्यायात कयाः च्वयातःगु थुगु सफू वय्कः थःम्हं हे च्वयाः प्रकाशन यायनादीबले आपालं संघर्ष यानादीमाल । उगु इलय् नेपालभाषां छुं च्वत धायेवं हे सरकारया मिखा तग्वः जुइगुलिं छुं च्वयेत ग्यायेमाःगुया नापं थ्व सफू पिकायेत भीगु समाजपाखें नं वय्कलं आपालं संघर्ष फयादीमाल ।

वय्कः छम्ह नेपाःया विद्वान्म्ह पण्डित जूगुलिं प्रतित्यसमुत्पादया अर्थ न्यनेगु लागिं उबलेया हाकिम नरशमशेरं थःत सःतके हःबले नं थःम्हं ललितविस्तर सफू च्वयागुलिं आः छु याइगु खः धैगु शंका यानाः ग्यानादीमाल । नापं सफू जफत याइगु खः ला धकाः थःम्हं च्वयागु ललितविस्तर सफू फुक्क उखेथुखे सुचुके माल । थुकिं यानाः लिपा छापे यानादीगु ललितविस्तर सफूया संस्करणय् साल हे मतसं पिकायेमाल । साल मदुगु ललितविस्तर सफू थीथी कारणं निगूगु संस्करण खः धकाः प्रमाणित जूगु दु ।

थुगु ललितविस्तर सफू पिकायेत वय्कलं थः काय् जुजुरत्नयात पासा कयाः थम्हं हे च्वयाः आखः कम्पोज यानाः छापेयानाः छैखाछैखापतिं अले पसःपसःपतिं वनाः न्हिं छपौ छपौ मियाः वःगु ध्यबां हानं भ्वं न्यानाः कन्हय्खुन्हु मेगु पौ छापे यानाः इनेगु यात । थुकथं हे ने.सं. १०२९ सालनिसें ने.सं. १०३४ सालया बछला तक अनवरत रुपं यानादीगु वय्कःया कुतलं थ्व ललितविस्तर सफू पिदंगु खः । थुकथं आपालं अध्ययन, मेहनत व संघर्ष लिपा हे जक वय्कलं थ्व सफू पिकयादिगु खः ।

थुगु ललितविस्तर सफू पिदंगु उगु ईया जनमानसया लागि नेपालभाषा साहित्यया लागि अले नेपाःया हे सकल बौद्ध जगतया लागि तसकं तःधंगु खँ खः । तर थ्व सफू पिकयादियाः वय्कलं तःधंगु चोट फयेमाल । वय्कःया थःथिति दाजुकिजा वज्राचार्यपिसं हे भीगु ज्या लाकाकाःम्ह थ्व निष्ठानन्दयात दुगः त्वधुक दायेमाल धाःपिं नं पिहां वल । थुकथं थःगु हे कुल्य च्वपिं मनूत नाप तकं संघर्ष यायेमाःसां उगु ईया फुक्क मनूतय्त बाखं कनेगु माध्यमं वय्कलं सकसिगुं नुगः सालाकायेफुगु दु । थुकथं वास्तविक धर्म यायेगु धैगुया नामय् खालि चैके वनेगु व पूजापाठ यायेगु जक जुयाच्चंगु व बुद्ध धर्मया मौलिक सिद्धान्त दर्शन, निर्वाण लाभ आदि बारे थूपिं, सःस्यूपिं द हे मनु धाःसां ज्यूगु उगु इलय् नं निष्ठानन्द वज्राचार्यजुं अशिक्षाया अन्धकारय् लानाच्च्वपिं उगु ईया मनूतय्त ज्ञानया मिखा चायेकेगु निंतिं आपालं संघर्ष यानादिल । फलस्वरूप मनूत मुंकेगु धैगु असम्भव थें जुयाच्चंगु उगु राणा इलय् नं सलंसः मनूत छथासं मुंकाः वय्कलं थःके दुगु ज्ञान सकसितं इनादिल ।

थुकथं न्ह्याक्व हे मेहनत यायेमाःसां न्ह्याक्व हे थाकुगु परिस्थितिया सामना यायेमाःसां न्ह्याक्व हे संघर्ष यायेमाःसां थःगु मांभाय् व थःगु धर्मया लागि वय्कलं थ्व सफू पिकायेगु ज्या पूर्वकादिल । वय्कःया थुगु ज्या नेपालभाषा साहित्य व बुद्ध धर्मया विकासया लागि छगू त्वःमंके मफइगु व अद्वितीय पलाः खः । उकिं वय्कः नेपालभाषा साहित्य व नेपाःया बुद्ध धर्मया ख्यलं गबलें हुयामवनीम्ह छम्ह अमरम्ह साहित्यिक व्यक्तित्व खः । यदि उगु इलय् वय्कलं थुगु सफू पिकायेत संघर्ष यानामदीगु जूसा राणाकालय् बुद्ध धर्मयात याउँक हे क्वत्यलाछ्वइगु जुइ । अले बुद्ध धर्मया स्थिति थौया इलय् तक थ्यंके फइमखु जुइ । उकिं नेपाः देशय् बुद्ध धर्म तहांवःगुया मू कारण धैगु हे निष्ठानन्द वज्राचार्यया कुतः अले वय्कलं बियादीगु योगदान व यानादीगु संघर्षया लिच्वः खः ।

२.३ निष्ठानन्द वज्राचार्यया ललितविस्तरया स्रोत

नेपाःया बौद्ध धर्म परम्पराय् तसकं महत्व बियावयाच्चंगु महायानी नवग्रन्थयात बौद्ध दर्शनया मूलगु ग्रन्थया रूपय् कयातःगु दु । थ्व हे गुंगू ग्रन्थयात नेपाःया बौद्ध धर्म परम्पराय् धर्मरत्नया रूपय् उच्च स्थान बिया बौद्धतय्सं पवित्र ग्रन्थया रूपय् पठनपाठन व्याख्या व पूजा याना आपालं सम्मान यानावयाच्चंगु दु । थनया जनजीवनय् तकं तःधंगु प्रभाव लानाच्चंगु गुंगू प्रसिद्ध बौद्ध ग्रन्थत क्वय् न्ह्यथना थें खः । गथे—

१. ललितविस्तर

२. अष्टसहस्रिका प्रज्ञापारमिता

३. गण्डव्यूह

४. सुवर्णप्रभास

५. लंकावतार

६. दशभूमिका

७. समाधिराज

८. सद्धर्मपुण्डरिक

९. तथागत गुह्यक

थुक्रियात नेपाःया बौद्ध धर्मालम्बीतयसं नवधर्म, नववैपुल्य सूत्र, नवव्याकरण व नवखण्ड धकाः नं धायेगु याना वयाच्वंगु दु । थ्व गुंगू महावैपुल्य सूत्र मध्यय ललितविस्तर छगू तसकं महत्वपूर्णगु अमूल्यगु बौद्ध ग्रन्थ खः । थ्व ललितविस्तरय बुद्धया गर्भवासं निसंसारनाथय धर्मचक्र प्रवर्तन याना बिज्याःगु तकया ऐतिहासिक वृत्तान्त ललित शैली वर्णन यानातःगु दु । ब्रायन हफ्टन हडसनया धापूकथं बुद्धया जीवनीया लागि आःतक युरोपियनतयसं विभिन्न स्रोतं कयातःगु जीवनी सफूत मध्यय थ्व ललितविस्तर मौलिकगु ग्रन्थ खः । (Hodgson, 1972: 13)

मूल ललितविस्तर थीथी परिवर्त कथं २७ गू अध्यायलय ब्वथलातःगु बांलाःगु ग्रन्थ खः । थ्व सफूया प्रत्येक अध्यायलय गद्य ग्रन्थ व पद्य ग्रन्थ याना निगू भाग दु । पद्य ग्रन्थ ललितविस्तरया परम्पराय मूल रूप खः । गद्यय गुगु धयातःगु दु व पद्यय धयातःगु हे उद्धृत यानातःगु जक खः वा पद्य ग्रन्थय छु दु उक्रिया हे जक गद्य ग्रन्थय व्याख्या यानातःगु दु । उकिं गद्य भाग छगू प्रकारया अर्थकथा खः गुगु मूल गाथाय आधारित जू । ग्रन्थया मू भाग गाथाय हे दु । अले थुगु मूल ललितविस्तरया गद्य ग्रन्थया भाषा लौकिक संस्कृत खः । पद्य ग्रन्थया भाषा लौकिक संस्कृत मखु ।

थज्यागु वैपुल्य सूत्र ललितविस्तर ग्रन्थ संस्कृत मसःपिं नेपामितयत बांलाक थ्वीका बीगुया लागि निष्ठानन्द वज्राचार्यजुं ललितविस्तर, भद्रकल्पावदान, रत्नमाला, गुणकारण्ड व्यूह, स्वयम्भूपुराण, पञ्चरक्षा, महावस्तु, अशोकावदान, अष्टसहस्रिका प्रज्ञापारमिता, निर्वाण सूत्र व मेमेगु चिचिधंगु ग्रन्थया प्रमाण सहित खँ तया ललितविस्तरया नामं नेपालभाषां नेपाली मःभ्वँतय ने.सं. १०३४ स छापेयाये सिधयेका यँ, यल, ख्वप, भौत, पाल्पा, तानसेन आदि थासय तक नं प्रचार यानाछूगु दु । (वज्राचार्य, ने.सं. १०९८: च)

थुकथं स्वयेबलय निष्ठानन्द वज्राचार्यजुयाके यकको बौद्ध ग्रन्थया अध्ययन गाक्क दुंगु खनेदु । अले थिपिं विभिन्न बौद्ध ग्रन्थ हे निष्ठानन्द वज्राचार्यया ललितविस्तर सफूया स्रोत खः ।

थ्व निष्ठानन्द वज्राचार्यया ललितविस्तर सफुतिइ विभिन्न परिवर्तया नामं ६५

अध्याय दुध्याःगु दु । थुकी १ ख निसं ४६० क पौ तक दु । थ्व सफुतिइ बुद्धया जीवनी व मेमेगु ग्रन्थया फुक्क खँ तयेत स्वःसां विभिन्न अध्यायलय् छुं छुं खँ त्वःफ्यूगु दु । निष्ठानन्द वज्राचार्यजुं संस्कृतया ललितविस्तर व मेमेगु ग्रन्थया अनुवाद यानादीगु मखु बरु फतिं फत्तले संस्कृतया विभिन्न ग्रन्थया खँ पिज्वयेकेगु वय्कःया कुतः खनेदु । मूल ललितविस्तरय् थें निष्ठानन्द वज्राचार्यया ललितविस्तरय् नं न्हापां १७ गू अध्याय तक बियातल । अनंलि च्यागू अध्याय भद्रकल्पावदानयागु बिल । थ्वयां लिपा मूल ललितविस्तरया १८ गू अध्याय नैरन्जना परिवर्त निसं धर्म चक्र परिवर्तन परिवर्त तक बिल । थ्वयां लिपा मूल ललितविस्तरय् म्दुगु विभिन्न बौद्ध ग्रन्थया खँ उल्लेख जूगु दु । अले मूल ललितविस्तरय् दुगु निगम परिवर्त थुकी तयातःगु म्दु ।

“नेपालभाषां च्वयातःगु पाली भाषा अनुसारया भिक्षु महाप्रज्ञाया ललितविस्तर पाली भाषाय् दुगु बुद्धया जीवनीया अनुवाद जक खः । थुकी बुद्ध जीवनीया विस्तृत खँ म्दु । नापं वसपोलया निर्वाण जूगु तकया खँ म्दु । लेखकजुं थयाबिज्याकथं “थुक्रिया बाकी अंश अम्ह ७०० पौ दिन । अर्थया अभावं याना फुक्क पिकाये म्फुगु खः धैगु खँ नं उल्लेख यानातःगु दु” । (भिक्षु महाप्रज्ञा, ने.सं. १०९८ः) उकिं पाली भाषानुसारया ललितविस्तर व निष्ठानन्द वज्राचार्यया ललितविस्तरय् यक्को खँ पाःगु खनेदु । निष्ठानन्द वज्राचार्यया ललितविस्तर ग्रन्थय् पाली भाषाया ललितविस्तरय् म्दुगु खँ आपालं दुध्यागु दु । उकिं निष्ठानन्द वज्राचार्यया ललितविस्तर विस्तृत जुया मौलिक जू ।

भगवान् बुद्ध थःगु जीवन कालय् धर्मया उपदेशक तथा संघया प्रतिष्ठापक जुया बिज्यागुया कारणं याना वसपोल सकस्यां पुज्य जुया बिज्यात । वसपोल निर्वाण जुया बिज्याये धुंका नं वसपोलया शिष्यपिसं वसपोलया मानवीय चरित्र लुमंका त्रिपिटकय् चर्चा यानातःगु दु । पाली भाषाया त्रिपिटक व संस्कृत भाषाया त्रिपिटक निगुली नं तथागतया चरित्र बांलाक क्यनातःगु दु । थुकी भगवान् तथागतया मानव चरित्र व मानव जीवन नापं सम्बन्ध तइगु यक्को घटनात न्ह्यथनातःगु दु । वसपोलं थासंथासय् धर्म प्रचार यानाबिज्यागु, देवदत्तया संघ भेद ज्याय् यक्को दुःख सियाबिज्याये माःगु, भिक्षु संघया विषय जूगु ल्वापु दिक्केत सनेमाःगु आदिया नं वर्णन जुयाच्चंगु दु । थुकथं त्रिपिटकय् च्वयातः थें वसपोल भगवानया जीवन मधुरता व कटुताया बिचे बिते जुयाच्चंगु खनेदु ।

“थुकथं बुद्ध धर्मया विभिन्न ग्रन्थय् तथागतया जीवन नाना भावं वर्णित जुयाच्चंगु दु । शान्ति भिक्षु शास्त्रीया धापू कथं फुक्क ग्रन्थय् तथागतया जीवनय् भिनिगू तःधंगु घटना जूगु धैगु खँय् छगू मत दु । गथे—

१. तुषिता भुवनय् बोधिसत्वया निवास
२. महामाया देवीया गर्भय् प्रवेश
३. तुषिता भुवनं अवतरण
४. लुम्बिनी बोधिसत्वया जन्म
५. नैपुण्य प्रदर्शन तथा गोपा (यशोधरा) नाप इहिपा
६. अन्तपुर विहार तथा चतुर्निर्मित दर्शन (वृद्ध, रोगी, मृत एवं प्रवर्जितया दर्शन)
७. अभिनिष्क्रमण (गृहत्याग)
८. तपश्चर्या
९. मार विजय
१०. बोधिप्राप्ति
११. धर्मचक्र प्रवर्तन
१२. महापरिनिर्वाण ।

थिपिं अध्याय मध्यय् अन्तिम घटनायात त्वःता मेगु फुक्कया वर्णन मूल ललितविस्तरय् धात्थें ललित ढङ्गं यानातःगु दु । (भिक्षु शास्त्री, इस्वी १९८४ः पौ ११)

वसपोल गर्भवास जुइव मायादेवीया म्हगसय् म्हंगु खँ फुक्क ललितविस्तरय् अथेहे खः तर गर्भवास जूगु तिथि पाःगु खनेदु । मूल व निष्ठानन्द वज्राचार्यया ललितविस्तरय् सिद्धार्थ कुमारया जन्म वैशाखं मखु वैशाखंला गर्भवास जूगु खः धैगु खनेदु । पाली भाषानुसारया ललितविस्तरय् गुरु पुन्हि खुन्हु गर्भे च्वंबिज्यागु खँ उल्लेख जुयाच्चंगु दु ।

मूल ललितविस्तरया कविया अनुसार बोधिसत्वया शरीर प्रारम्भं हे परिपूर्ण जू । वसपोल जब महामाया देवीया गर्भय् च्वंबिज्यात अले मायादेवीयाके अनेक दिव्य शक्तिया प्रादुर्भाव जुल । यदि मायादेवी रोगीतय्त थिल धाःसा वया रोग लनीगु जुल । थुकथं दिव्यभावं गर्भय् बिज्यानाच्चवंह लुम्बिनी वनय् देवगणपिसं अभिनन्दित नाना प्रकारया चमत्कारी घटनां पूर्णम्ह तथागतया जन्म जुल । अले जन्म जुइवं हे न्हयपलाः छिनाबिज्यात धैगु खँ फुक्क ललितविस्तरय् अथे हे खनेदु ।

वसपोल जन्म जुया यक्को विधाय् पारंगत जुइधुंका यशोधरा नापं इहिपा याना राहुलया बौ जुया नं वसपोल लोक वन्धनं चिना बिमज्याः । छँ त्वःता पिहां बिज्यात । थज्यागु बुद्धया विभिन्न घटनाय् नाना प्रकारया दिव्य चरित्र नं दुथ्यानाच्चंगु दु । अले वसपोल भगवान् बुद्धया उपासना मनूतय्सं जक मखु चोपिसं नं यानाच्चंगु खनेदु । उकिं ललितविस्तरय् वसपोलया मानव चरित्रया नापनापं दिव्य चरित्रय् नं जोड बियातःगु

दु । वसपोलया दिव्य चरित्रया विभिन्न कथं वर्णन जूसां नं ललितविस्तरय् वसपोलया मानव जीवनया सूक्ष्म सूत्र सर्वथा लोमंकूगु म्दु । अयूसां ललितविस्तरय् मुख्य रूपं दिव्य भावया विस्तार जुयाच्वंगु दु । हीनयान सम्प्रदायलय् मानव रूपया प्रधानता दु । मूल ललितविस्तरय् हीनयानय् प्रसिद्ध तथागतया जीवन सम्बन्धि घटनायात स्वीकार यानातःगु दु । तर व घटनायात मूल ललितविस्तरय् दिव्य चरित्रं अलंकृत यानातःगु दु । थुकथं थ्व ललितविस्तर ग्रन्थ महायान सम्प्रदायलय् तसकं लोकप्रियगु जूसां थःगु सम्बन्ध हीनयानं अलग्ग मयाः । उकिं ललितविस्तरय् वर्णन यानातः थें तथागत मानव जूसां नं दिव्य खः अले दिव्य जुयाः नं मानव खः ।

पाली भाषानुसारया ललितविस्तरया भूमिकाय् उल्लेख यानातः थें पाली भाषाया ललितविस्तर अनुसार महापुरुष जुया बिज्याम्ह सम्यक सम्बुद्धया जीवनीया खँ सक्षिप्तं जूसां वसपोलयात मानवीय व ऐतिहासिक ढङ्गं ब्वयातःगु दु । थुकी मेगु सफुतिइ थें बुद्धयात बुद्धत्वं क्वत हया अन्धभक्तिया कारणं दैवत्वय् तयातःगु म्दु । अले मेगु सफुतिइ थें परस्पर विरोधाभासगु खँ म्दु । न थुकी देवदेवीया मंत्र, धारणी अथवा प्रतिसराया जन्त्रद्वारा पाप मोचन व दुःख मोचन यायेगु ब्राम्हण पुरोहितवादया खँ दु । (भिक्षु महाप्रज्ञा, ने.सं. १०९८: ड)

थुकथं पाली भाषानुसारया ललितविस्तरय् फत्तिं फत्तले बुद्धयात मानवीय रूप बिइगुलिइ जोड बियातःगु दु । तर निष्ठानन्द वज्राचार्यया ललितविस्तरय् मूल ललितविस्तरय् थें मानवीय गुणया नापनापं दिव्यगुणया नं खँ उल्लेख जुयाच्वंगुलिं भगवान् बुद्धयात ऐतिहासिक मनुया रूपय् जक मखु कि छम्ह असाधारणम्ह महामानवया रूपय् ब्वयातःगु दु ।

निष्ठानन्द वज्राचार्यया ललितविस्तरय् च्यागूगु अध्यायलय् सिद्धार्थ कुमारयात मचाबले कुलदेवता दर्शन याके यंकूबले अन च्वपिं लोकपाल देवतापिं सकलें थःगु थासं दना बोधिसत्त्वयात वन्दना याःगु खँ नं दु ।

अथे हे भिगूगु अध्यायलय् वसपोलयात विद्यालयय् यंकूबले फुक्कसित वसपोलया ६४ ता लिपिया ज्ञान, आखः व उकिया दार्शनिक अर्थ विश्लेषण याना कंगु नं उल्लेख यायेबहः जू ।

फिनिगू व फिंस्वंगू अध्यायय् नं बोधिसत्त्वया ६४ ता विद्याया ज्ञान व विभिन्न बुद्ध क्षेत्रं बोधिसत्त्वपिं बिज्यागु खँ नं थन न्हाथनेबहः जू ।

थुकी पाली व मूल ललितविस्तरय् म्दुगु फिंन्यागू अध्यायलय् सिद्धार्थ राजकुमारं गृहत्याग याये न्ह्यो यशोधरा द्यना च्वंबले अति कष्टसिया खुदै लिपा काय्मचा छम्ह

बुद्धिति धकाः भविष्यवाणी यानावंगु खँ नं दु । भद्रकल्पावदानया च्यागू अध्यायल्य् सिद्धार्य गृहत्याग याये धुंकाः यशोधरां दुःख स्यूगु खँ पाली साहित्यय् गननं उल्लेख जूगु खनेमदु ।

अथे हे पाली व मूल ललितविस्तरय् दुमथ्याःगु नेपाल महात्म्य, गुणकारण्ड व्यूह, अष्टसहस्रिका प्रज्ञापारमिता आदि महायानी बौद्ध ग्रन्थया बारे नं यक्को ज्ञानया खँ न्ह्यब्वयातःगु दु । थ्व हे निष्ठानन्द वज्राचार्यया ललितविस्तर ग्रन्थया विशेषता खः ।

२.४ निष्ठानन्द वज्राचार्यया ललितविस्तरया महत्व

नेपालभाषा साहित्यय् निष्ठानन्द वज्राचार्यया ललितविस्तर सफूया तःधंगु ऐतिहासिक महत्व दु । थ्व सफू यक्को ततःधंपिं मनूतय्त प्रेरणाया स्रोत जूवंगु दु । नापं थ्व सफूतिं याना मेमेगु सफूया जन्म जूगु दु ।

नेपालभाषा साहित्यया मूवंगु न्हापांगु महाकाव्य व नेवाः संस्कृतिया न्हाय्कं जुयाचवंगु चित्तधर 'हृदय'जुया सुगत सौरभ महाकाव्यया पुसा थ्व हे ललितविस्तर सफू खः । काशीनाथ तमोटजुं च्वयादी कथं चित्तधर हृदयजुयात न्यादै दुबले ने.सं. १०३१ श्रीपंचमी खुन्हु अक्षरारम्भ याकूगु व वय्कलं दकले न्हापां ब्वनादीगु नेपालभाषाया सफू थ्व हे ललितविस्तर खः । (तमोट, ने.सं. ११०५:८) चित्तधर हृदयजुया केहँमय्जु मोतिलक्ष्मीजुया धापू कथं नं चित्तधर हृदयजुं न्यादै दुबले आखः ब्वनादीगु खः । छायाःसा वय्कःपिनि कुल्य न्यादै दतकि श्रीपंचमी खुन्हु निसें आखः ब्वंकेगु शुंरु याइगु व न्हापां आखः ग्वः ब्वने सयेवं हे सफू ब्वंकीगु चलन दु । थ्व ललितविस्तर सफू पूवनेवं चित्तधर हृदयजुया अबु श्री द्रव्यधर तुलाधरजुं ने.सं. १०३४ सालय् पलिस्था याना तयादीगु नेपालभाषा परिषदय् च्वंगु ललितविस्तर सफू अनया सफू ल्याः ६८ खः । अले ने.सं. १०३४ सं निसें १०६८ तक दैय् दंसं गुलां बाखं न्यनेगु, सफू पाठ यायेगु ज्यां चित्तधर हृदयजुं सुगत सौरभ महाकाव्यया कथानक ल्ययेगु ज्या जूवंगु खनेदु । नापं चित्तधर हृदय जेल्य् लाःबले वय्कःया केहँमय्जु मोतिलक्ष्मी उपासिका पाखें थ्व सफू कया सुगत सौरभ महाकाव्यय् विशेषत बुद्धया उपदेश न्ह्यथनेगु नितिं थ्व सफूचा लिधंसा काःगु खः ।

थ्व ललितविस्तर सफूया गुलि महत्व दु धैगु खँ नेपाःया न्हापां भिक्षु जूपिं महाज्ञानं, महाप्रज्ञायाके दालचिनी मानन्धर व नानीकाजी श्रेष्ठ तिनिबले बुद्ध धर्म सम्बन्धि म्ये चिनेत याःगु इनापं सीके फु ।

“छन्हु दालचिनी धैम्ह मानन्धरं वैथाय् पसले सःतल जि वनाः पसले फेतुना । वय्कलं धयादिल- पासा ! भीगु नेपाः देशे भजन याइथाय् न्हाथासं राम, कृष्ण, हरिहर आदि अनेक देवतापिनिगु म्ये हालीगु दु जिमि बुद्धयागु म्ये हालीगु गनं हे न्यने मदु, छि जा म्ये नं दयेके सः बुद्ध भगवानयागु म्ये छपुनिपु दयेका बियादिसँ रे” । जिं धया- पासा ! म्ये दयेकेत दयेका बिये तर जिं बुद्धयागु विषयलय् छुं हे मस्यूनी गथे जिं म्ये दयेके ?

पासां धाल- भो पासा ! यदि छिं दयेकेगु खःसा जिं छितः भगवान् बुद्धयागु बाखं सफू बिये, उके स्वयाः दयेका दिसँ धकाः निष्ठानन्द वज्राचार्य कृत नेपालभाषायागु ललितविस्तर छगू बियादिल । वहे ग्रन्थ स्वया संगीत रचनार्थ अत्यन्त हे दिमाग घोटे यायेमाल । (नेवामि, ने.सं. ११०३: ९)

अले वसपोल साहित्यसुता बौद्ध ऋषि महाप्रज्ञा नानीकाजी तिनिबले थ्व हे ललितविस्तर सुफुतिं यानाः बौद्ध धर्म पाखे मन क्वसाःगु खः धैगु खँ वसपोलया आत्म कथाया ‘वैराग्यया पुसा’ धैगु अध्यायलय् च्वयातःगु खँ प्रष्ट याः । गथे-

“निष्ठानन्द वज्राचार्य कृत ‘ललितविस्तर’ सफू स्वस्वं यंकाली जिगु चित्तया वैराग भ्रंभं हे विह्वलता जुयावल । अन जिगु भाव वहे ललितविस्तरया पुखुली हे दुबे जुया मतवाला थें वैरागं चूर जुया भगवान् बुद्धयागु जीवनीया भजन माला हिन्दी भाषां सःसःथें दयेका प्रचार यानागु जुल । अनलि बौद्ध धर्मयागु भजन माला मेमेगु नं दयावल । वहे भजन माला छापे याका प्रचार यायेगु इच्छा जुल” । (नेवामि, ने.सं. ११०३: १३)

वसपोल बौद्ध ऋषि महाप्रज्ञां बुद्ध धर्म व नेपालभाषा प्रचार यायेगु लक्ष्य घय्सुना नेपालभाषां बुद्ध धर्मया आपालं सफू च्वया बिज्यागु मध्यय् तसकं नां जाःगु सफू ललितविस्तर खः । निष्ठानन्द वज्राचार्यजुं महायानी बौद्ध धर्म कथं ललितविस्तर न्हापां संस्कृत भाषां थःगु भाषाय् हिडका थःम्हं हे थासा आखः न्याना हयाः छापे यानादी थें थेरवादी पाली भाषायागु नेपालभाषां अनुवाद याना महाप्रज्ञां नं थासा आखलं थःम्हतुं छापे याना ‘पालीभाषानुसारया ललितविस्तर बोधिचर्या’ धैगु सफू प्रज्ञाचैत्य महाविहार कालिम्पोङ्ग वि.सं. १९९७ स पिकयादीगु खँ नं थन न्ह्यथनेबहः जू ।

थथे हे “थ्व ललितविस्तर ग्रन्थया आधारय् ने.सं. १०४४ सालय् यलया ऊंकुली वर्ण महाविहारया शाक्यपिसं सर्वार्थसिद्धया प्याखं दयेका न्हयन्हु न्हय्चा तक प्याखं हुइकल । थुकिंयाना गुम्हगुम्हं गृहत्याग यायेगु इच्छा याना भिक्षु जुयावपिं नं दु । अले नेपालय् आपालं समय तक भिक्षु जुइगु चलन मदये थुंका थुपिं भिक्षुपिसं याना

भिक्षु जुइगु चलन दयावःगु खः धाइगुलिइ अत्युक्ति जुइमखु” । (शाक्य, ने.सं. १०९८ः त)

थथे हे “ललितविस्तर बाखं न्यनेगु, कनेगु व सफू पिदंगुलिं याना भोजपुर टक्सारय् नं सर्वार्थसिद्धया प्याखं क्यन” । (नेवामि, ने.सं. ११०३ः १०)

“थ्व प्याखनं भोजपुरय् नं स्थविरवादी भिक्षु जुइत उपासक प्रज्ञा बिमल शाक्य (सुबोधानन्द महास्थविर) यात हःपा बिल । वसपोलं थ्व प्याखनय् छम्ह प्याखंम्वः जुया हे ब्वति कयादीगु खः ।

भोजपुरय् करुणामय स्थानय् अष्टमी व्रतया धलं दंकीबले गुभाजु रत्न बहादुर वज्राचार्य निष्ठानन्द वज्राचार्यया थ्व हे ललितविस्तरया बाखं न्यंकादीगु खः । बाखं दच्छिं सिधयेकेगु चलन दु” । (तमोट, ने.सं. ११०५ः ११)

नेपाःया न्हापांम्ह अनागारिका धर्माचारी लक्ष्मीनानी तिनिबले ने.सं. १०५१ सं जूगु आडम्बर मत पर्वय् मय्जु लक्ष्मीनानी (१०२८-१०९८) यात चीफ साहेब जुद्धशमशेरयाथाय् जाउलाखेलय् थने यंकूगु खः । अले मन्जुश्री पर्वस्थानय् हर्षरत्न गुरुजु पाखें अष्टमी व्रत दंकीबले लक्ष्मीनानी थ्व हे ललितविस्तरया बाखं न्यंकीगु जुयाच्वन । (शाक्य, ने.सं. १०९९ः ११)

बोधिसत्त्वावदानमालाय् भगवान् बुद्धया ३२ गू जन्मया बाखं दयेमाःगुलि निष्ठानन्दया ललितविस्तर भद्रकल्पावदान न्हापा हे पिकाये धुंकूगुलिं थुकी भगवान् बुद्धया ३१ गू अवदान जक बियातःगु दु । थुकी “कलियुगय् जन्म बुद्ध जातक यें देश निवासी पं. श्री निष्ठानन्द गुरुया अनुवाद ललितविस्तर सफू ने.सं. १०९८ स यल युवक बौद्ध मण्डल पाखें प्रकाश याये धुंकूगुलिं उगु छगू जातक त्वःता मेगु प्रकाश मज्जुनिगु सत्ययुगं निसें क्रमशः बोधिसत्त्वावदान प्रत्येक ग्रन्थयागु नाम समेत उल्लेख याना सत्ययुगय् जन्म थुगु (११) जातकया खँ दुगु प्रथम भाग याना प्रकाशय् हये फत” धकाः च्वयातःगु दु । (वज्राचार्य, ने.सं. ११०३ः ६) थुकथं थ्व ललितविस्तर सफू न्हापा हे पिहांवये धुंकूगुलिं थुकिया तःधंगु ऐतिहासिक महत्व दु ।

हानं थन थ्व नं लुमंकेबहः जू कि नेपालभाषा साहित्यय् निष्ठानन्द वज्राचार्य व वय्कःया ललितविस्तरया महत्व दुगुलिं नेपाल लिपिं च्वयातःगु नेपालभाषाया न्हापांगु निलापौ पौभा पत्रिकाया न्हापांगु दँया न्हापांगु ल्याः निष्ठानन्द बुद्धिया लसताय् वय्कःयात श्रद्धाञ्जली देछाना पिकयातःगु दु । थुकी निष्ठानन्द वज्राचार्य व वय्कःया ‘ललितविस्तर’ सफूया बारे च्वसुत दुथ्याकातःगु दु ।

अथे हे निष्ठानन्द वज्राचार्यजुया ललितविस्तर सफू नेपालभाषा साहित्यय् महत्वपूर्ण जूगुलिं तसकं लोकं ह्नात धैगु खँ नेपालभाषा पत्रिकाया समाचारय् नं पिदने धुंकूगु दु । “निष्ठानन्द वज्राचार्यजुं च्वयादीगु ललितविस्तर सफू तसकं लोकप्रिय जूगुलिं हाकनं यलया युवक बौद्ध मण्डलं बुद्ध जयन्तीया लसताय् पिकाःगु बौद्ध ग्रन्थ लच्छिया दुने हे न्हयसःगु चुइ धुंकल । थुलिमछि मू वंगु सफू थुलि याकनं चूगुया मू कारण बुद्ध जीवनी सम्बन्धि उगु ललितविस्तर सफू पिदने न्ह्यो हे न्ह्यथ दां बिया न्यानातःपिं हे न्यासःम्ह ती दु” । (नेपालभाषा पत्रिका, २३:१६५, ने.सं. १०९८)

थुकथं महायान बुद्ध धर्म कथं बुद्ध जीवनी मध्यय् दकले बांलागु व लोकप्रियगु बुद्ध जीवनी थ्व हे ललितविस्तर जूगुलिं नं थ्व सफूया ऐतिहासिक महत्व दु ।

चित्तधर हृदयजुं दकले न्हापां निष्ठानन्द वज्राचार्यजुयात ‘नेपालभाषाया गद्यगुरु’ नालादिया सकसितं थ्व उपाधिं म्हसीकेगु यानादिल । वय्कःया हे धापू कथं “थ्व ललितविस्तर सफूया प्रकाशनं नेपालय् निगू प्रकारया जागृति छक्वलं वल । छगू खालि बौद्ध धकाः नां जक जुयाच्चने धुंकूपिं बौद्ध जनतां बुद्धया जीवन व बुद्धया अनेक शीलाचरणादि धर्म सम्बन्धि उपदेश नं खंबले धर्मय् श्रद्धा व बौद्ध शास्त्र पाखे आकृष्ट जुया धार्मिक जागृति वल । मेगु ल्हायेबले धाःसा छगू खालया भाय् ल्हाना सफू सफुली ब्वनेबले मेगु हे कथं च्वयातःगु भाषा ब्वने माःगुलिं थःगु भाषा पाखे अभिरुचि मदया वयाच्चंगुली गथे ल्हायेगु खः अथे हे ब्वने नं दुगु थ्व सफू खंबले मनूतय्के नेपालभाषा सम्बन्धि छगू न्हूगु जागृति वल कि भीगु नेपालभाषा नं छगू जीवित भाषा खः, थुकी नं अनेक न्हूगु साहित्य दयावये फु” । (हृदय, ने.सं. १०८७: २७)

थुकथं पुलांगु व तःमिगु नेपालभाषा साहित्य न्ह्यज्याकेगुलिइ वय्कःया तःधंगु देन दु । नेपालभाषा साहित्यय् छुं ग्यसुलागु साहित्य मद्गु इलय् थ्वय्कःपिसं नेपालभाषा व थ्वया साहित्यय् ह्नुपाः हयाबिल । नेपालभाषा साहित्यया गद्यया ख्यलय् छगू न्हूगु जग स्वनादिल । “थ्व पुनर्जागरण कालय् प्यंगः थांया थःथःगु सामूहिक कुतःया फलस्वरूप दकले न्हापां थासा आखलं सफू पिकाये फुगु छगू गतिशील पलाः खः” । (श्रेष्ठ, १६: ९ ने.सं. १०९९) “वय्कःपिसं भीगु भाषाया लागि देवनागरि लिपि थः नाला थ्व भाषायात छापाखानाया सम्पर्क हया खंल्हाबल्हा व च्वयेगु भाषायात सत्तिका थुकी साहित्यिक प्रयोगया लुखा खलु सदांया लागि ह्नातां चायेकाबिल” । (मल्ल, ने.सं. १०८४: ४) निष्ठानन्द वज्राचार्यजुं ललितविस्तर सफू खंल्हाबल्हाया भासं अनुवाद याना पिकयादीगुलिं याना नेपालभाषा साहित्यय् आधुनिक गद्य शैली निर्माण यायेगु ज्याय् वय्कःया तःधंगु भूमिका दु । “वय्कःया भाषानुराग व धर्म प्रचारया उच्च आदर्शया सिबें भीगु गद्यया

लागि अप्पो मू गद्य शैली निर्माणय् वय्कलं ब्यूगु देनय् दु । (मल्ल, ने.सं. १०८४: भ्र)
उकिं नेपालभाषा साहित्यया आधुनिक गद्य साहित्यय् वय्कः अग्रज खः ।

भीगु भाषाय् न्हिन्हियां खंलाबल्हा व्यवहारया भाय् न्हापा स्वया हिले धुंका नं च्वयेगु ज्याय् पुलांगु हे भाय् जुयाच्चंगुयात निष्ठानन्दजुं भाषाया प्रचार व प्रसारया लागि च्वयेगु ज्याय् नं खंलाबल्हाया भाय् छ्यलेमाःगु खंकादिल । उकिं गथे खंलाबल्हा यायेगु खः अथेहे च्वयेगु यानाः थासा आखलं सफू पिकयादिल । थुकथं “निष्ठानन्दजुं नागरी लिपियात छ्यला थाकुथिं सफू पिकयादीगु व्यवहारिकतां प्रेरित व भाषाया प्रचार व प्रसारया दृष्टिकोणं छगु न्ह्यलुवाः पलाः खः । नागरी लिपि छ्यलादीगु निष्ठानन्दजुया दूरदर्शी पलाः खः । अले गथे खँ ल्हायेगु खः अथे हे च्वयेगु याना थासा आखलं सफू पिकयादियाः निष्ठानन्दजुं भीगु भाषाय् विशेष कथं गद्यय् जीवन दान बियादिल” । (मल्ल, ने.सं. १०९९: २-३)

थुकथं पिकयादीगु निष्ठानन्दया ललितविस्तर सफुतिं नेपालभाषाया गद्य साहित्य व शैलीया नीस्वंगु जक मखुं शिक्षां वन्चित जूपिं मेगु भाषा मसिया अज्ञानया अन्धकारय् लानाच्चपिं भाषाभाषीयात मतं क्यनेगु ज्या नं जूवन । (कर्मचार्य, ने.सं. ११००: १०)

थुकथं निष्ठानन्द वज्राचार्यजुं ललितविस्तर सफू च्वयाः नेपालभाषाय् न्हूगु गद्यया सुरु यानादिल । निष्ठानन्दया थ्व ज्यायात जापानया उपन्यासकार फुत्ताबातेइ शिमेइया स्वब्वय् पिदंगु न्हापांगु खंलाबल्हाया भाषां च्वयातःगु उपन्यास ‘उकिगुमो’ (न्ह्यानाच्चंगु सुपाँय्) नापं दानास्वये बहः जू । थ्व आधुनिक जापानी गद्य साहित्यया प्राकप्रतिमान (Precursor) खः । अथे हे गथे नवायेगु खः अथे हे च्वयेगु थ्व इलनिसें वा थ्व सफुतिं निसें शुरु जूगुलिं ललितविस्तरया भाषा नेपालभाषाया गद्य साहित्यया प्राकप्रतिमान खः । थौकन्हय् थ्व भाय् गहखेसे च्वने धुंकूसां थ्व सफुतिं न्हापाया पुलांगु गद्ययात त्वाथला न्हूगु हे गद्य शुरु यात । थुकथं वय्कलं आधुनिक नेपालभाषा गद्यया निर्माण यायेगु ज्याय् ललितविस्तर सफू नेपालभाषां च्वया थासा आखलं पिदंगु महत्वपूर्ण खँ खः । नापं थुकिं याना नेपालभाषा व साहित्य थौकन्हय्या अवस्थाय् तक थ्यंकेत तःधंगु ग्वाहालि जुल । थुकथं नेपालभाषा साहित्यय् वय्कःया आधुनिक गद्य निर्माण थें ज्याःगु देनयात कया हे स्व. चित्तधर हृदयजुं वय्कःयात गद्यगुरु धकाः सकसितं म्हसीकादिल । चित्तधर हृदयया हे भाषं धायेगु खःसा- “वसपोल भीगु न्होने मदये धुंकूसां वसपोलया धर्मानुराग वसपोलया मातृभाषा प्रेमया मूर्त स्वरूप ‘ललितविस्तर’ सफू भीगु न्होने दु गुगु वर्तमान प्रचलित गद्य शैलीया गुरु खः” । (हृदय, ने.सं. १०८७: ३३)

कमलप्रकाश मल्लजुं नं मूसः निबन्धया भूमिकाय् निष्ठानन्द वज्राचार्यजुं नेपालभाषा गद्य साहित्यया शैली निर्माण यानादीम्ह खः धकाः चव्यादीगु दु । थुकथं “वय्कः धर्म प्रचारक व भाषानुरागी मजूसः नेपालभाषा साहित्यय् वय्कःया छुं भूमिका दै मदै धाये थाकुसं वय्कः मुक्कं साहित्यकार मजुसैं हे साहित्यय् देन दुम्ह साहित्यिक व्यक्तित्व जूवल” । (मल्ल, ने.सं. १०८४ः भ्र)

थुकथं आधुनिक रूपय् नेपालभाषा गद्ययात प्रतिष्ठित व परिमार्जित यायेगुलिइ निष्ठानन्द वज्राचार्यया तःधंगु ल्हाः दु । उकिं नेपालभाषा साहित्यया इतिहासय् वय्कः छगः थीगु नगू खः ।

थुकथं निष्ठानन्द वज्राचार्यजुं नेपालभाषा ख्यलय् न्हापां थासा आखलं सफू चव्यादी थुंका वय्कःया लैय् भाःपिं सिद्धिदास अमात्य, जगतसुन्दर मल्लपिंसं नं वय्कःया लैपु नालाः थासा आखलं सफू पिकयादिया नेपालभाषाया थासा आखलं सफू पिकायेगु ज्याय् नेतृत्वदायी क्रान्तिकारी भूमिका म्हितादिल । नापं थ्व सफूया तसकं महत्व दुगुलिं थुगु सफूया मूल्यांकन याना एम.ए. नेपालभाषा व एम.ए. बौद्ध अध्ययनया पाठ्यक्रमय् दुथ्याकातःगु दु ।

२.५ निष्ठानन्द वज्राचार्यया ललितविस्तरया थीथी संस्करण

निष्ठानन्द वज्राचार्यया ललितविस्तर सफुतिइ संस्कृतया मूल ललितविस्तरय् थें बुद्धया जीवनी जक तया जम्मा २७ गू अध्यायलं सिधयेकातःगु म्दु । निष्ठानन्द वज्राचार्यया ललितविस्तरय् मूल ललितविस्तरया खँ, भद्रकल्पावदान, आर्य भद्रचरि, गुणकारण्ड व्यूह, नेपाल महात्म्य आदि खँ नं दुथ्याका यक्को अध्याय थपे यानातःगु दु । थ्वय्कःया ललितविस्तरय् जम्मा ६५ गू परिवर्त दु । उकिं निष्ठानन्द वज्राचार्यया ललितविस्तर संस्कृत मूल व पालि भाषा अनुसारया भिक्षु महाप्रज्ञां चव्यातःगु ललितविस्तर स्वया यक्को पाःगु खनेदु । थुकथं स्वयेबले निष्ठानन्द वज्राचार्यया ललितविस्तर सफुतिइ यक्को खँ दुथ्याना विस्तृत जू । पालि भाषा अनुसारया महाप्रज्ञाया ललितविस्तर खालि त्रिपिटकय् धयातःथेंया जक अनुवाद खः । तर निष्ठानन्द वज्राचार्यया ललितविस्तर खालि अनुवाद जक मखु स्वतन्त्ररूपं चव्यादीगु मौलिक ग्रन्थ खः ।

ललितविस्तरया थीथी संस्करण

निष्ठानन्द वज्राचार्यया ललितविस्तर आःतक जम्मा न्यागू संस्करण पिदंगु खनेदु । निकःगु खुसितक वय्कःया इलय् हे वय्कलं हे थःम्हं हे (थाना) कम्पोज याना नेपाली हरितालिका भवैतय् छपा आखलं पिकयादिल ।

१. न्हापांगु संस्करण - ने.सं. १०३४

थ्व संस्करण वय्कलं थः काय् जुजुरत्नया ग्वाहालि कया ने.सं. १०२९ सं निसें थाथां ने.सं. १०३४ बछलागा १३ शुक्रवा खुन्हु थाये सिधयेकादीगु खः । थुकी जम्मा ६५ गू परिवर्त दु, अले ४६० क पौ तक दु ।

२. निकःगु संस्करण - ने.सं. १०४४

लिपा हानं वय्कलं हे थाना ने.सं. १०४४ सालय् निकःगु संस्करण नं पिकया-दिल । खला थ्व सफुतिइ नं च्वःगु मिति ने.सं. १०३४ धका हे च्वयातःगु दु । तर थ्व सफू न्हापाया सिबे पाःगु खनेदु । अले “ने.सं. १०४४ सालय् समिति अङ्गु पास मयासैं गुगुं सफू नं छापे याये मज्यू धका ऐन दयेका ब्यूगुलिं वय्कःया ललितविस्तरयात नं छेर्कि तयेगु स्वत । उगु बखतया थानाया हाकिम श्री नरनारायण शाहं पुलिसत ब्वना छैं थ्यंक वयाः “थ्व भाषां सफू छापे याना पित बी मदु, पितबिल धाःसा दोपं पुले माली” धकाः ख्याना थकूगुलिं अथेयाये थथेयाये मदया न्हापायागुतुं मिति तया हथासं सिधयेका सफू पिकयादिल । अले सुचुका सुचुका थःत छगू हे मल्यंक फुक्क सफू पित बियादिल” धैगु खँ चित्तधर हृदयजुं च्वयादीगु दु । (हृदय, ने.सं. १०८७: ३३) थुकथं ने.सं. १०३४ सालय् थाये क्वचाःगु ललितविस्तर सफू नेपालभाषा परिषदय् च्वंगु नापं विभिन्न कथं पाःगु ललितविस्तर सफू ने.सं. १०४४ सालय् पिदंगु खः धकाः धायेफु । अले विभिन्न दृष्टिं वय्कःया ललितविस्तरया निकःगु संस्करण जूगु प्रमाणित जूगु दु ।

थ्व निकःगु ललितविस्तरया संस्करणय् नं जम्मा पौ ४६० क तक दु । अले ६५ गू परिवर्त दु । तर छगू परिवर्त क्वचाःगु पौ, पौया क, ख व इवःत बांलाक अध्ययन याना स्वयेबले थ्व निगू संस्करणय् अप्पो धैथें खँ मिले जूसां गनंगनं मिले मज्जुगु नं खनेदु । शब्दया भिन्नता ला तःथाय्मछि हे दु गनंगनं वाक्य हे पाःगु खनेदु । थुकथं निष्ठानन्द वज्राचार्यया ललितविस्तर वय्कःया इलय् हे वय्कलं निकः प्रकाशित यानादीगु सत्य खँ विभिन्न तथ्यं सीदुगु दु ।

नेपालभाषा परिषदय् च्वंगु सफू निष्ठानन्द वज्राचार्यया ललितविस्तर न्हापांगु संस्करण खः धैगु खँ श्री चित्तधर हृदयया अबु श्री द्रव्यधर तुलाधरजुं सफू क्वचायेका थःगु खँ तया सफू पलिस्था यानातःगुलिं सी दु । गुगु ने.सं. १०३४ साल श्रावण २२ गते वृहस्पतिवार खुन्हुया दिनय् पलिस्था यानातःगु खः । उकिं थ्व न्हापांगु संस्करण खः धैगु खँ प्रष्ट जू । (स्वयादिसँ तंसा ल्याः १:क) अले थ्व स्वया पाःगु निष्ठानन्द

वज्राचार्यया ललितविस्तर निकःगु संस्करण खः । गुगु जिगु थःगु हे छैं असं कमलाछी दु ।

शीशी संस्करणय् पाःगु खँ

निष्ठानन्द वज्राचार्यया ललितविस्तर वय्कःया इलय् हे निकःगु संस्करण नं जूगु दु धैगु खँ वय् न्ह्यथनागु खं प्रमाणित याइ ।

• नाप

निष्ठानन्द वज्राचार्यया निगू इलय् प्रकाशन जूगु न्हापांगु व निगूगु संस्करणया ललितविस्तर सफू नापया दृष्टिं पाःगु खनेदु ।

ललितविस्तर सफूया न्हापांगु संस्करणया नाप- ३२ × १६ से.मी. दु ।

थ्व सफूया सिपूया नाप- ३३ × १६.५ से.मी. दु ।

अथे हे न्हापांगु पौ भचा पाः- ३२ × १६ से.मी. दु ।

ललितविस्तर सफूया निकःगु संस्करणया नाप थथे खः-

सफूया नाप- ३०.५ × १५.५ से.मी.

सिपूया नाप- ३२. × १५ से.मी.

न्हापांगु पौया नाप- ३१. × १५.५ से.मी.

थुकथं न्हापांगु व निगूगु ललितविस्तरया नापय् पाःगु खनेदु ।

• भ्वँ

सफू थानातःगु भ्वँयात कया स्वल धाःसा ललितविस्तर सफूया न्हापांगु संस्करण भ्वँ ख्वातु निगूगु संस्करणया भ्वँ सालु ।

• इवः पाःगु

ललितविस्तर सफूया न्हापांगु व निकःगु संस्करणया परिवर्त सिधःगु इवः मिले मजू । गथे-

परिवर्त	विवरण	१०३४	-	१०४४
१४	स्वप्न परिवर्त	७९क - १० इवः		७९क - ११ इवः
१८	जसोधरा गर्भ संघारणौ	११०क - ११ इवः		११०क - १२ इवः
४२	विविशार नराधिप समागमो	३०४क - ११ इवः		३०४क - १२ इवः
४३	पंचषत रिषि	३१०ख - १० इवः		३१०ख - ११ इवः
४५	उदायी छन्दक	३२६क - ६ इवः		३२६क - ७ इवः
५६	शक्रच्यवनावदान	४१८क - १० इवः		४१८क - १२ इवः

• न्हापांगु पौ

निष्ठानन्द वज्राचार्यया ललितविस्तरया न्हापांगु व निकःगु संस्करणया न्हापांगु पती दुगु शब्द नं पाःगु खनेदु । यदि थ्व सफूया निकःगु संस्करण जूगु मदु धैगु जूसा थुकथं निगू किसिमया पौ लुयावइ मखु । गथे- थ्व सफूया न्हापांगु संस्करणया न्हापांगु पतिइ “दश दिगनन्ता प्रय्यन्त” धैगु शब्द दुसा निकःगु संस्करणया सफुतिइ “दश दिगनन्ता पर्य्यन्त” धकाः च्वयातःगु दु ।

अले थ्व खँ नं थन न्ह्यथनेबहः जू कि न्हापांगु व निकःगु संस्करण नापं मिले मज्जुगु न्हापांगु पौया लिउने (मेगु पतिइ) ललितविस्तर सफूया विज्ञापन बियातःगु नं प्राप्त जूगु दु । थुकथं ललितविस्तरया निगू संस्करणय् न्हापांगु पौ स्वंगु कथंया लुयावःगु दु । (स्वयादिसँ तंसा ल्याः १:ख) थ्व विज्ञापन न्हापांगु व निकःगु संस्करणया न्हापांगु पतिइ दुगु खनेमदु । तर नेपालभाषा परिषदय् च्वंगु ललितविस्तर सफुतिइ विज्ञापन दुगु छपौ पौ नं दु । (स्वयादिसँ तंसा ल्याः १:ग) थ्व पौ न्हापांगु संस्करणय् वःगु खःला धकाः न्यनाबले मोतिलक्ष्मी उपासिका, न्यतं थ्व लिपातिनि वःगु धकाः धयादीगु दु । उकिं लिपा थ्व सफूया विज्ञापन यायेत न्हापांगु पतिइ विज्ञापन तया व छपाः जक इनाब्यूगु खनेदु ।

• अन्तिम पौ

थ्व ललितविस्तर सफूया न्हापांगु व निकःगु संस्करणया अन्तिम पतिइ नं यक्को खँ पाःगु दु । थ्व पतिइ स्वयेबले शब्द पाःगु यक्को दु नापं वाक्य हे पाःगु दु । थ्व अन्तिम पतिइ न्हापांगु संस्करणय् १२ इवलं फुक्क खँ सिधयेका तल । तर निकःगु संस्करणय् १० इवलं सिधयेकातःगु दु । थ्व पतिइ पाःगु वाक्य थथे खः-

न्हापांगु संस्करणय्- “स्वस्ति श्री संवत् १०३४ वैशाख कृष्णया त्रयोदशी शुक्रवार खुनु वंभाहाल टोलस च्वनम्ह निष्ठानन्द गुभाजुं थव पुत्र जुजुरत्न निम्हस्यनं संपूर्ण याना सिद्धयाना जुल । थुकी आपालं आखल घटिबढि जुया तुतफुत जुयाच्वंगु दु । सचये याना जि द्वनगुलि विरे जूवगुली सकस्यानं क्षमातय माल धका पंडित निष्ठानन्द बज्राचार्य करजोरी विंति याना” ।

निकःगु संस्करणय्- “स्वस्ति श्री सम्वत १०३४ वैशाख कृष्णया त्रयोदशी शुक्रवार खुनु वंभाहाल टोलस च्वनम्ह निष्ठानन्द वज्राचार्य भाषा उत्तरे याना जुल शुभम ॥ थुकी आपालं आखल घटिबढि जुया तुतफुत जुयाच्वंगु दइ । ज्ञानिगुनि मनुष्यपिसं क्षमातय माल धका पण्डित निष्ठानन्द बज्राचार्य करजोरी विंति याना जुल शुभम भूषात ॥ ॥ ॥ ॥ (स्वयादिसँ तंसा ल्याः १ घ)

• बुट्टा

ललितविस्तर सफूया न्हापांगु व निकःगु संस्करणय् पौया सिथय् तयातःगु बुट्टा नं पाःगु खनेदु । न्हापाया संस्करणय् बांलाक बुट्टा तयातःगु दु । तर लिपाया संस्करणय् ध्वः प्यध्वः जकया बुट्टा तयातःगु दु । (स्वयादिसँ तंसा ल्याः १ ख, १ घ)

• समाप्ती इवः

निगू ललितविस्तरय् परिवर्तया अन्तय् “इति श्री समाप्त” धकाः च्वयातःगु इवः नं यक्को परिवर्तय् उलि हे इवलय् क्वचाःगु खनेमदु । न्हापांगु ललितविस्तरय् बाखं सिधःगु इवलय् हे “इति श्री समाप्त” धकाः च्वयातःगु दु । तर निकःगु संस्करणय् बाखं सिधःगु इवलय् हे मच्चसें मेगु इवलय् जक “इति श्री समाप्त” धकाः च्वयातःगु दु । (स्वयादिसँ तंसा ल्याः १ घ), स्वयादिसँ पौ ३१९ ख, ३२६ क, ३५० ख, ३७७ ख, ३९९ ख, ४१८ क, ४४९ ख, ४५२ ख आदि ।

• काय्या नां न्ह्यथनातःगु

थथे हे थ्व ललितविस्तर सफूया अन्तिम पती न्हापांगु संस्करणय् निष्ठानन्द वज्राचार्यजुं थः काय् जुजुरत्नया ग्वाहालि कया च्वया धकाः काय्या नां न्ह्यथनातःगु दु । तर निगूगु संस्करणय् निष्ठानन्द वज्राचार्यजुया काय् जुजुरत्नया नां गनं उल्लेख यानातःगु मदु । (स्वयादिसँ तंसा ल्याः १ घ)

• पौल्याःया संख्या वाचक आखः

निष्ठानन्द वज्राचार्यया निगू ललितविस्तर सफूया पौया ध्वःया पिने तयातःगु पौल्याः च्वयातःगु संख्या वाचक आखःग्वः नं निगुलिइ निताजि हे खनेदु । उकिं थ्व निगू सफू छगू हे इलय् छापये जूगु सफू मखु । थ्व सफूया निगू संस्करण जूगु प्रष्ट जू । (स्वयादिसँ तंसा ल्याः १ ड)

• वहे शब्द निताजि

निष्ठानन्द वज्राचार्यजुया निगू ललितविस्तर सफुतिइ वहे पौया वहे शब्द नं निगू कथं च्वयातःगु तःथाय् हे दु । उकिं थ्व सफू निकः पिहांवःगु सिद्ध जू । (स्वयादिसँ तंसा ल्याः १ ख, १ घ)

• समाप्ति धुंकाया वाक्य

न्हापांगु ललितविस्तरया गुगुं परिवर्तय् परिवर्तया अन्तिम इवलय् इति श्री समाप्त धायेधुंका नं संस्कृत व नेवाः भाषं छुं वाक्य च्वयातःगु नं दु । तर निकःगु संस्करणया परिवर्तय् थथे च्वयातःगु मदु । (स्वयादिसँ तंसा ल्याः १ च) स्वयादिसँ पौ २५० ख, ४४९ ख ।

- चन्द्रशमशेरं मत तःगु खँ

थथे हे ललितविस्तरया न्हापांगु संस्करणय् 'सम्बुद्ध धर्मानु परिवर्त'या अन्त्य
“इति श्री धायेधुंका नं चन्द्रशमशेरं मत तया ब्यूगुलिं सकलें हर्ष याना महाराजायात
प्रशंसा यानाचन धका च्वयातःगु दु । थ्व खं निकःगु संस्करणया ललितविस्तरय् च्वयातःगु
मदु । (स्वयादिसँ तंसा ल्याः १ छ)

- पूर्ण विराम

निष्ठानन्द वज्राचार्यया ललितविस्तर सफुतिइ वाक्य क्वचायेवं पूर्ण विरामया
थासय् निधो तया हानं भतीचा लिपा निधो हे तया वाक्य शुरु यानातःगु दु । अले न्हापांगु
संस्करणया ललितविस्तरय् निधोनिधो तयातःगुया बिचे गुलिचा छगुलि नं तयातःगु दु ।
तर लिपा प्रकाशित जूगु ललितविस्तरय् व गुलिचा मदु । (स्वयादिसँ तंसा ल्याः १ ख, १
घ, १ ङ, १ च, १ छ, स्वयादिसँ पौ ल्याः १००, १७१, १८७ क, १९० ख, २९५ ख, ३८६
क) ।

- समाप्ति इवःया जवय् खवय् दुगु चिं

हानं थ्व ललितविस्तर सफूया परिवर्त क्वचायेवं अन्त्यय् “इति श्री ललितविस्ते
..... समाप्त” धका च्वयातःगु इवःया जवय् खवय् दुगु चिं निगू ललितविस्तरय्
निताजि हे खनेदु । (स्वयादिसँ तंसा ल्याः १ छ, १ घ) (स्वयादिसँ पौल्याः ६ ख, २४ ख,
४३ ख, ५३ क, ६६ क, ७२ ख, ७९ क, १८३ क, २१७ ख, २२३ क, २५० ख, २७४
ख, २८६ क, २९६ ख, ३०४ क, ३१३ क, ३१९ ख, ३२६ क, ३३७ क, ३५० ख, ३५६
ख, ३७७ ख, ३९९ ख, ४१८ क, ४२४ ख, ४४० क, ४४३ ख, ४४९ ख, ४५२ ख,
४६० क)

थुकथं निष्ठानन्द वज्राचार्यया ललितविस्तर सफूया निकःगु संस्करण नं जूगु दु
धैगु खँ थीथी प्रमाणं सिद्ध जूगु दु ।

३. स्वकःगु संस्करण - ने.सं. १०६८ व १०८६

निष्ठानन्द वज्राचार्यजु मदयेधुंका नं वय्कःया ललितविस्तर सफूया आधारय्
भाजु ज्ञानरत्न वज्राचार्य व भाजु अभयरत्न वज्राचार्यपिसं सम्पादन याना पिकयादीगु दु ।
थ्व संस्करण स्वंगू सफूया रूपय् पिहांवयाच्चंगु दु ।

थुकथं न्हापा भगवान् बुद्धयागु जीवन चरित्र थःगु मातृभाषां विस्तारपूर्वक
स्वयेगु मदुगुलिं निष्ठानन्द वज्राचार्यजुं ने.सं. १०३४ सालय् मःभ्वँतय् प्रथम संस्करण
१५० गू छापये याना पिकयादीगु सफू ने.सं. १०६७ सालय् छापये यायेत ज्ञानरत्न व
अभयानन्द वज्राचार्यपिसं नेपालभाषा प्रकाशनी समिति अड्डाय् पास याना ने.सं.

१०६८ सालय् निसःगू छापये याना पिकयादिल । न्हापांगु सफुतिइ ने.सं. ७५३-८०१ य् च्वयातःगु यें, यलयागु पुलां पुलांगु संस्कृत भाषाया गद्य पद्य ललितविस्तर महावस्तु, भद्रकल्पावदान आदि स्वया संशोधन याना च्वयागु जुल धका धयातःगु दु । थ्व सफुतिइ न्ह्यथनातः थें थ्व संस्करण निष्ठानन्द वज्राचार्यजुया ललितविस्तरया निकःगु संस्करण खः ।

न्हापांगु सफू 'ललितविस्तरया सूत्र'या नामं पिदन । थ्व ने.सं. १०६८ स्वांया पुनिखुन्हु पिदंगु खः । थ्व सफू ललितविस्तर, भद्रकल्पावदान निर्वाणसूत्रादि संग्रह याना भाषान्तर जूगु धका च्वयातःगु दु । अले थुकी ललितविस्तरया १७ गू अध्याय तकया खँ दुथ्याका जम्मा २२६ पतिं व्वचायेकातःगु दु ।

थ्व धुंका ने.सं. १०६८ स्वांयापुनि खुन्हु पिदंगु निगूगु सफूया सम्पादन ज्ञानरत्न व अभयरत्न वज्राचार्यपिसं यानादीगु खः । थ्व सफूया नां 'भद्रकल्पावदान' धका तयातःगु दुसां दुने ललितविस्तर, भद्रकल्पावदान, निर्वाणसूत्रादि संग्रह याना भाषान्तर जूगु धका च्वयातःगु दु । थ्व सफू २२७ पौ निसें शुरु जुया ३७८ पतिइ व्वचायेका तःगु दु । अले थ्व सफुतिइ भद्रकल्पावदानया च्यागू अध्याय दुथ्यागु दु । थ्व सफू निसःगू जक प्रकाशन जूगु खः ।

ने.सं. १०८६ गुंपुनि खुन्हु पिदंगु स्वंगूगु ललितविस्तर सफूया नां 'ललितविस्तर सूत्र' खः । थुकी जम्मा फ़िगू अध्याय दुथ्याकातःगु दु । उकिं न्हापांगु सफू व थ्व स्वंगूगु याना मूल संस्कृतया ललितविस्तरय् दुगु २७ गू अध्याय व्वचाइ । निगूगु सफू भद्रकल्पावदानया खँ दुथ्यागु सफू खः । थ्व स्वंगूगु सफू ३७९ पौ निसें ७१७ पतिइ व्वचाइ । थ्व सफूया सम्पादन भाजु ज्ञानरत्न वज्राचार्यजुं यानादीगु खः । थ्व सफू निसःगू जक छापय् याना पिकाःगु खः ।

थुकथं थ्व स्वंगू सफुतिं ललितविस्तर व भद्रकल्पावदानया खँ पूर्वकूगु दु । थ्व सफू नं निष्ठानन्द वज्राचार्यजुया हे मेगु संस्करण खः । उकिं थ्व स्वंगू सफूयात भीसं ललितविस्तर सफूया हे स्वकःगु संस्करण खः धका धायेफु । थुकी निष्ठानन्द वज्राचार्यया ललितविस्तरय् थें विस्तृत खँ मद्रुसां थुकी ललितविस्तरया खँ पूर्वक दुथ्याकातःगु दु ।

४. प्यकःगु संस्करण - ने.सं. १०९८

ने.सं. १०९८ सालय् निष्ठानन्द वज्राचार्यजुया ललितविस्तर सफू मीन बहादुर शाक्यजुं सम्पादन याना 'ललितविस्तर सूत्र'या नामं पिकयादीगु दु । उकिं थ्व सफू ललितविस्तर सफूया प्यकःगु संस्करण खः । थ्व सफुतिइ ड-च तक पं. वै. आशाकाजि वज्राचार्यजुया 'छगू शब्द' छ-भ तक 'प्रकाशकया पाखें' धका युवक बौद्ध मण्डलया

खँ, ट-ड तक धलःपौ, ण-ज्ञ तक भूमिका व १-१६ पौ तक Introduction धका अंग्रेजी भाषा परिचय बियातःगु दु । थ्व सफुतिइ जम्मा ६५७ पौ दु । अले थुकी जम्मा ६६ गू परिवर्त बियातःगु दु । थुकथं स्वयेबले निष्ठानन्द वज्राचार्यया ललितविस्तरया प्यंगू संस्करण मध्यय् दकले अप्पो परिवर्त दुगु सफू थ्व हे ने.सं. १०९८ सालय् मीन बहादुर शाक्यजुं सम्पादन याना पिकयादीगु 'ललितविस्तरया सूत्र' खः ।

५. न्याकःगु संस्करण

थुगु सफू बजारय् मदयेधुंकूगु व थौया जनमानसं ययेकूगु व बौद्ध अध्ययन तथा नेपालभाषा एम.ए. पाठ्यक्रमय् तकं दुथ्याय् धुंकूगुलिं हानं मेगु प्रकाशन यायेमाःगु वाःचायेका थुकिया न्याक्वःगु संस्करण प्रकाशित जूगु दु ।

भाजु मीन बहादुर शाक्यजुं सम्पादन याना 'ललितविस्तर सूत्र'या नामं ने.सं. १०९८ सालय् पिदंगु निष्ठानन्द वज्राचार्यया ललितविस्तर सफू गथे खः अथे हे हानं वि.सं. २०५३ सालय् ताइवानया दि करपोरेट बडि अफ बुदिष्ट फाउण्डेशन पाखें न्याद्वःगु सफू छापये याना नेपालय् बुद्ध जीवनी व बुद्ध धर्मया प्रचार प्रसार यायेगु ज्या जुयाच्चंगु दु । थुगु ज्या न्ह्याकेत नागार्जुन बुदिष्ट इन्स्टीच्यूटया स्व. भाजु मीनबहादुर शाक्य पाखें ग्वाहालि यानादीगु खः ।

चवय् बियागु ललितविस्तरया न्यागू संस्करण बाहेक निष्ठानन्द वज्राचार्यया ललितविस्तर ल्हातं ल्ह्यायातःगु छगू नं लुयावःगु दु । थ्व ललितविस्तर सफू ने.सं. ११०६ बछलागा नवमि (२०४३ जेष्ठ १८ गते) धर्मरत्न वज्राचार्यजुं च्वसापासायात लःल्हानादीगु ल्हातं च्वयातःगु ६९६ गू सफू मध्येयागु खः । थ्व ललितविस्तर ने.सं १०६३ साल कार्तिक कृष्ण एकादशी शुक्रवार मार्ग १९ गते खुन्हु भक्तपुर क्वाथडों टोल देवननी च्वम्ह श्री चन्द्रज्योति वज्राचार्यजुं ल्हातं ल्ह्यायातःगु सफू खः । थुकी जम्मा पौ १ ख निसं ४९३ क तक दु । थुकिया नाप ३७.० × १६.७ से.मी. दु ।

संस्कृतया मूल ललितविस्तर सफू नापं निष्ठानन्द वज्राचार्यया विभिन्न संस्करण गुलि पाः अले गुगु संस्करणय् गुलि परिवर्त दु आदि खँ क्वय् बियागु तालिकां स्पष्ट याइ ।

निष्ठागणद्वया ललितविस्तरया परिवर्तया तुलनात्मक तालिका

ल्याः परिवर्तया नां	१	२	३	४(क)	४(ख)	४(ग)	५
	ललितविस्तर	ललितविस्तर	ललितविस्तर	ललितविस्तर	भद्रकल्यावदान	ललितविस्तर	ललितविस्तर
१ निदान परिवर्त	संस्कृत (मूल)	१०३४	१०४४	सूत्र १०६८	१०६८	सूत्र १०८६	सूत्र १०९८
२ समुत्साह परिवर्त	+	+	+	+	-	-	+
३ कुल परिशुद्ध परिवर्त	+	+	+	+	-	-	+
४ धर्मलोकमुख परिवर्त	+	+	+	+	-	-	+
५ प्रचलित परिवर्त	+	+	+	+	-	-	+
६ गर्भावक्रान्ति परिवर्त	+	+	+	+	-	-	+
७ जन्म परिवर्त	+	+	+	+	-	-	+
८ देवकुलोपमनयन परिवर्त	+	+	+	+	-	-	+
९ आमरण परिवर्त	+	+	+	+	-	-	+
१० लिपिशाला संदर्शन परिवर्त	+	+	+	+	-	-	+
११ कृषिग्राम परिवर्त	+	+	+	+	-	-	+
१२ शिल्प संदर्शन परिवर्त	+	+	+	+	-	-	+

३०. अमिसंबोधन परिवर्त	+	+	-	+	-	+	+
३१ संस्तब परिवर्त	+	+	-	+	-	+	+
३२ त्रपुष मल्लिक परिवर्त	+	+	-	+	-	+	+
३३ अध्येषणा परिवर्त	+	+	-	+	-	+	+
३४ धर्मचक्र प्रवर्तन परिवर्त	+	+	-	+	-	+	+
३५ ब्रम्हादिस्तुति परिवर्त	-	+	-	+	-	-	+
३६ नालकमुनि चर्या परिवर्त	-	+	-	+	-	-	+
३७ यशोदकुमार परिवर्त	-	+	-	+	-	-	+
३८ दिवोदास राजा प्रवज्या परिवर्त	-	+	-	+	-	-	+
३९ गांगेय नाबिक प्रवज्या परिवर्त	-	+	-	+	-	-	+
४० फुल्लविल्वादि प्रवज्या परिवर्त	-	+	-	+	-	-	+
४१ सुजातादि प्रवज्या परिवर्त	-	+	-	+	-	-	+
४२ विम्बिसार नराधिप							
समागम परिवर्त	-	+	-	+	-	-	+
४३ शालिपुत्र मोगल्यान परिवर्त	-	+	-	+	-	-	+
४४ कुशलानन्द आनन्द प्रवज्या परिवर्त	-	+	-	+	-	-	+

४५	नरदत्तादि ऋषिगण प्रवज्या परिवर्त	-	+	+	-	-	+	+	+
४६	उदायी छन्दक प्रवज्या परिवर्त	-	+	+	-	-	+	+	+
४७	पितापुत्र समागम परिवर्त	-	+	+	-	-	+	+	+
४८	राहुल भद्र प्रशंसा भिवोधनी परिवर्त	-	+	+	-	-	+	+	+
४९	यशोधरा राहुल भद्र कर्म विपाक परिवर्त	-	+	+	-	-	+	+	+
५०	मातृपोष हस्ति जातक परिवर्त	-	+	+	-	-	+	+	+
५१	सुन्दरनन्दादि पंचशत कुमार प्रवज्या परिवर्त	-	+	+	-	-	+	+	+
५२	सकलानन्द जन्म राहुल प्रवज्या परिवर्त	-	+	+	-	-	+	+	+
५३	संबुद्ध धर्मानु परिवर्त	-	+	+	-	-	+	+	+
५४	सकलानन्द राज्याभिषेक परिवर्त	-	+	+	-	-	+	+	+
५५	नेपाल महात्म्य परिवर्त	-	+	+	-	-	+	+	+

५६ यमनियम सुचिशान्ति परिवर्त	-	+	+	-	-	+
५७ श्री शाक्यसिंह जातकमाला	-	+	+	-	-	+
परिवर्त	-	+	+	-	-	+
५८ शक्रच्यवनावदान परिवर्त	-	+	+	-	-	+
५९ जेतवन विहार प्रत्यागमन	-	+	+	-	-	+
परिवर्त	-	+	+	-	-	+
६० महेश्वरादि देव समुत्पादन	-	+	+	-	-	+
परिवर्त	-	+	+	-	-	+
६१ सदाप्ररूढि बोधिसत्व उद्धारण	-	+	+	-	-	+
परिवर्त	-	+	+	-	-	+
६२ महेश्वर उमादेवी व्याकरण	-	+	+	-	-	+
परिवर्त	-	+	+	-	-	+
६३ मायादेवी संप्रबोधन परिवर्त	-	+	+	-	-	+
६४ सुचन्द्रावदान परिवर्त	-	+	+	-	-	+
६५ निर्वाण गमन परिवर्त	-	+	+	-	-	+
६६ निगम परिवर्त	+	-	-	-	-	+

तालिका कथं भीसं धायेफु कि संस्कृतया मूल ललितविस्तरय् बुद्ध जीवनीया जक खँ दु । थुकी जम्मा २७ गू अध्याय जक दु । निष्ठानन्द वज्राचार्यया न्हापांगु १०३४ या ललितविस्तरय् जम्मा ६५ गू परिवर्त दु । तर मूल ललितविस्तरय् दुगु निगम परिवर्त छगू थुकी मद्दु ।

अथे हे निष्ठानन्द वज्राचार्यया ललितविस्तरया ने.सं. १०४४ या निकःगु संस्करणय् नं जम्मा ६५ गू परिवर्त दु । थुकी नं मूल ललितविस्तरय् दुध्यागु निगम परिवर्त छगू मद्दु ।

अले ज्ञानरत्न व अभयरत्नपिसं सम्पादन यांना पिकयादीगु निष्ठानन्द वज्राचार्यया ललितविस्तरया स्वंगूगु संस्करण स्वंगू सफू जुया पिदन । थ्व स्वंगू सफू मध्यय् न्हापांगु सफुतिइ निदान परिवर्त निसें दुष्कर चर्या परिवर्त तक यांना जम्मा १७ गू परिवर्त दुध्याः । निगूगु सफू 'भद्रकल्पावदान'य् भद्रकल्पावदानया च्यागू परिवर्त 'जसोधरा गर्भ संधारण' निसें 'यसोधरा पुत्र जन्म' तक दु । अले स्वंगूगु सफुतिइ 'नैरन्जना' परिवर्त निसें 'धर्मचक्र प्रवर्तन' परिवर्त व 'निगम' परिवर्त यांना जम्मा १० गू परिवर्त दुध्याः । उकिं थ्व स्वंगू सफुति नं यांना जम्मा ३५ गू परिवर्त दुध्याः । अले निष्ठानन्द वज्राचार्यया ललितविस्तरय् मद्दुगु मूल ललितविस्तरय् दुगु निगम परिवर्त छगू नं थ्व संस्करणय् दुध्याःगु दु ।

निष्ठानन्द वज्राचार्यया ललितविस्तर ने.सं. १०९८ सालय् मीन बहादुर शाक्यजुं सम्पादन यांना पिकयादीगु 'ललितविस्तर सूत्र' सफुतिइ जम्मा ६६ गू परिवर्त दु । ललितविस्तरया मेमेगु संस्करणय् त्वःफ्यूगु परिवर्त फुक्कं थ्व सफुतिइ दुध्याःगु दु । उकिं निष्ठानन्द वज्राचार्यया ललितविस्तरया प्यकःगु व न्याकःगु संस्करणय् फुक्क परिवर्त दुध्याःगु खनेदु ।

२.६ निष्ठानन्द वज्राचार्य व बौद्धऋषि महाप्रज्ञाया ललितविस्तरय् पाःगु खँ

थ्व निष्ठानन्द वज्राचार्यया महायानी कथंया ललितविस्तर, थेरवादी बौद्ध धर्म कथंया महाप्रज्ञाया पालिभाषानुसारया ललितविस्तरय् स्वया यक्कों खँ पाःगु खनेदु ।

बौद्धऋषि महाप्रज्ञां चव्याबिज्यागु पालिभाषानुसारया ललितविस्तरया न्हापांगु संस्करण ने.सं. १०६० व निकःगु संस्करण ने.सं. १०९८ सालय् प्रकाशन जूगु खः । लेखकजुं धयादी थें थ्व सफुतिइ पूर्वक ललितविस्तरया खँ दुध्यागु मद्दु । उकिं थ्व संक्षिप्त ललितविस्तर जक खः । थुकी १) जातक निदान २) जातक अट्ठकथा ३) सुत्तनिपात-

मार वग्ग ४) महावग्ग ५) संयुत्त निकाय ६) थेरगाथा-अट्ठकथा ७) अंगुत्तर निकाय ८) उदान अट्ठकथा ९) बिनय १०) चुल्लवग्ग ११) मज्झिम निकाय १२) धम्मपद अट्ठकथा १३) अभिधम्मया सङ्गिनी १४) दीघ निकाय १५) पाराजिका आदि भिन्न्यागू ग्रन्थया अनुवाद यानातःगु दु ।

थ्व सफुतिइ जम्मा ३२ गू अध्याय दु गुकियात स्वंगू खण्डय् विभाजित यानातःगु दु । प्रथम खण्डय् सिद्धार्थ राजकुमारया जन्मं निसें कयाः बुद्धत्व प्राप्त याना धर्मचक्र प्रवर्तन याना प्रचभद्रवर्गीयपिनि प्रवज्या व अनत्तलक्खन सूत्र पाठ तकया खँ दुथ्याकातःगु दु । द्वितीय खण्डय् यशया प्रवज्यां निसें भिक्षु नियम तक व तृतीय खण्डय् सारीपुत्र व मौद्गल्यायनया परिनिर्वाण कथा निसें भगवान् बुद्ध परिनिर्वाण जुयाबिज्यागु तकया खँ दुथ्याकातःगु दु । उकिं थ्व पालिभाषानुसारया ललितविस्तर थेरवाद कथंया संक्षिप्त ललितविस्तर खः ।

तर ने.सं. १०३४ सालय् निष्ठानन्द वज्राचार्यजुं च्यादीगु ललितविस्तरय् जम्मा ६५ गू परिवर्त दु । थ्व ललितविस्तरय् पालिभाषानुसारया ललितविस्तरय् स्वया मेमेगु नं यक्को अध्याय दुथ्याकातःगु दु । थुकी श्री आर्यावलोकितेश्वर, श्री वसुधरादेवी, श्री प्रज्ञापारमिता आदि पिनिगु गुण महात्म्य नं विस्तृत वर्णन यानातःगु दु । अथे हे थुकी नेपाल महात्म्यया खँ नं च्यातःगु दु । उकिं थ्व महायान कथंया ललितविस्तर खः धका धायेफु ।

थुकथं नेपालभाषां प्रकाशित जुयाच्चंगु निगू ललितविस्तरय् अध्याय जक फरक जूगु मखु सर्वार्थसिद्ध कुमारया जीवनी नं यक्को पानाच्चंगु खनेदु । गथे निदान व कूलविचार अध्यायय् नं यक्को खँ पाःगु खनेदु । अथे हे गर्भ प्रवेश परिवर्तय् पालिभाषानुसारया ललितविस्तरय् तुयुम्ह किसि थःगु जवगु ब्यक्व फायाः गर्भय् द्वाबिज्यात धकाः मायादेवीया म्हनाच्चन धका च्यातःगु दु । तर निष्ठानन्द वज्राचार्यया ललितविस्तरय् खुपु वा दुम्ह छ्यो छगः ह्याउँसे च्वना म्ह तुयुम्ह किसि छम्ह न्हायपं प्वालं द्वाहां वना ब्यक्वय्च्चंगु मचाछेंय् द्वाहां वन धका मायादेवीया म्हनाच्चन धका च्यातःगु दु ।

हानं सिद्धार्थ कुमारया लुम्बिनी जन्म जुइवं ब्रम्हापिसं जालय् फयाकाल धका पालिभाषानुसारया ललितविस्तरय् च्यातःगु दु । तर निष्ठानन्द वज्राचार्यया ललितविस्तरय् सिद्धार्थ जन्म जुइवं ब्रम्हा व इन्द्रं फयेमफयेक झ्यातुगुलिं बैय् कुतुं वनेवं पलेस्वाँ उत्पत्ति जुया पलेस्वाँनय् पलाः छित धका च्यातःगु दु । अले थुकी राजकुमारयात लुम्बिनीं कपिलवस्तु नगरय् दुतयंकूबले जनताया इच्छा कथं छें छें दुतयंका पूजा फयाः वैं प्यला फुना न्याला दसेलि तिनि राजकूलय् थ्यन । सिद्धार्थया जन्म जुया न्हय्न्हु

लिपा मायादेवी स्वर्गवास जूगुलिं सकस्यां गौतमी महारानीयाके न्यसेलि जिखुनु मचा म्दु, तताया मचा नं जिहे मचा खः धका पालन पोषण यानाबिज्यात । तर गौतमी महारानीया मचा म्दु धैगु खँ पालिभाषानुसारया ललितविस्तरय् उल्लेख जूगु म्दु ।

पालिभाषानुसारया ललितविस्तरय् सिद्धार्थ कुमार जन्म जूगु सिइवं कालदेव तपस्वी वयाः मचा स्वयाः छक्कः न्हिल छक्कः ख्वल अले वन्दना याना थःम्हं सिद्धार्थ कुमारं बोधिज्ञान लाइगु स्वये दैमखुत धका थः भिंचा नालकयात लिपा बुद्धया शासनय् हुं धका धयाथकी । तर निष्ठानन्दया ललितविस्तरय् सिद्धार्थ जन्म जूगु सिइव असितऋषि व वया भिंचा नरदत्त निम्हं वया मचा स्वया ऋषि ख्वल अले थः भिंचा नरदत्तयात लिपा थ्वसपोलं बोधिज्ञान लानाबिज्याइबले थ्वसपोलया शरणय् हुं धका आज्ञा दयेकल धका च्वयातःगु दु ।

निष्ठानन्दया ललितविस्तरय् कुलाचार कथं कुलदेवताया दर्शन याके यंकूबले चैतन्य म्दुपिं देवतापिं सकलें दना वसपोलया पालि भोपुया नमस्कार यानाच्वन धका च्वयातःगु दु । अथे हे सिद्धार्थ कुमारया जंकोबले भद्रिक धैम्ह शाक्य जुजु व न्यासःम्ह राजकुमारपिसं तिसा वसः हया न्हय्नु न्हय्चा तक तीकाच्वंगु खँ व सिद्धार्थ कुमारयात शास्त्र स्यने धका विश्वामित्र गुरुयाथाय् यंकूबले ६४ ता विद्या सःम्ह सिद्धार्थ कुमारया न्होने गुहं छ्थों क्वछुनाच्वंगु खँ पालिभाषानुसारया ललितविस्तरय् उल्लेख यानातःगु म्दु ।

थथे हे पालिभाषानुसारया ललितविस्तरय् जुजु हे सिनाज्याया उत्सव माने यायेत प्रजात मुंका बुँइ ज्या याःवंबले पाःलय् दुने सुं हे म्दुगु इलय् सिद्धार्थ कुमारं वज्रासनय् च्वना ध्यान यानाच्वना बिज्यात । लिपा पाःलय् दुने मचा याकःचा धका धाइपिसं स्वःवंबले थज्यागु दृश्य खना जुजुयात क्यने हल । थ्व खना जुजुं थः काययात बारम्बार नमस्कार यात । तर निष्ठानन्दया ललितविस्तरय् मांभौपिके मन्यंसे भिंज्यदं भिंज्यादं दुबले पासापिं नापं बुँइ चाहूवंबले कृष्कतय् चःति स्वःस्वः वयेक बुँज्या यानाच्वंगु खना विरक्त जुया पासापिं छ्वे लाका वनय् भ्रमसीमाया क्वय् च्वना समाधी च्वनाबिज्यात । लिपा सकस्यां मामांवंबले ध्यानय् च्वनाच्वंम्ह सिद्धार्थ कुमारयात खना शुद्धोदन महाराजां थः काययात पालि भ्वपुया नमस्कार यात धका च्वयातःगु दु ।

अले ल्याय्म्ह जुसेलि दर्शनशालाय् कन्या कुमारीपिं सःता सिद्धार्थ कुमारयात ल्ययेकूबले यशोधरायात ल्यल । तर जुजु दण्डपाणी थः म्हाय् यशोधरा शिल्प विद्या सःम्हसित जक कन्यादान बी धाःगुलिं छ्वीप्यता विद्याय् नं मेपिन्त त्याका सिद्धार्थ कुमारं यशोधरा विवाह यात धका निष्ठानन्दया ललितविस्तरय् च्वयातःगु दु । तर पालिभाषानुसारया ललितविस्तरय् सिद्धार्थयात यशोधरा विवाह यानाबिल धका जक

चवयातःगु दु । अथे हे निष्ठानन्दया ललितविस्तरय् थें सिद्धार्थ गृहत्याग मयाःगुलिं देवतापिं वया याकनं पिहां बिज्याना देव मनुष्यपिन्त हीत यानाबिज्याहुँ धका संचोदना याःगु खँ पालिभाषानुसारया ललितविस्तरय् मद्दु । तर पालिभाषानुसारया ललितविस्तरय् उल्लेख जूगु कृषा गौतमीया खँ निष्ठानन्दया ललितविस्तरय् गनं उल्लेख जूगु मद्दु ।

हानं पालिभाषानुसारया ललितविस्तर अनुसार सिद्धार्थ कुमारं गृहत्याग याःबले राहुल कुमारया जन्म जुइ धुंकल । तर निष्ठानन्दया ललितविस्तर अनुसार सिद्धार्थ कुमारं गृहत्याग यायेन्हो राहुलया जन्म जूगु खनेमद्दु । अले पिहां वने त्ययेका यशोधराया नाभिमण्डले जवगु तुतिया म्हालापतिं नं थिया थनिंनिसें छ गर्भवती जुल धका अधिष्ठान यानाबिज्यात । तर छिमिसं यानावःगु कर्मभोग यायेमाली तिनि धका आज्ञा दयेका श्री प्रतिसरादेवीया जन्त्र क्वखायेका पिहांबिज्यात धैगु खँ थ्व सफुतिइ चवयातःगु दु । नापं सिद्धार्थ कुमारं गृहत्याग यायेन्हो सिद्धार्थ कुमार, यशोधरा व शुद्धोदन महाराजाया म्हगसय् पूर्व निमित्त खंगु खँ नं थ्व सफुतिइ उल्लेख यानातःगु दु ।

निष्ठानन्द वज्राचार्यया ललितविस्तर कथं सिद्धार्थ कुमारं गृहत्याग यायेधुनेवं यशोधरां तसकं दुःख सिल । देवदत्तं यशोधरायात लिनुलित । गौतमी महारानी सिद्धार्थ कुमारं गृहत्याग यात धका ख्वख्वं मिखां मखन । हानं यशोधरा खुदै तक गर्भवती जुयाच्वंगु इलय् देवदत्तं नीछन्हु तक राज्य कया यशोधरायात पापी धका पुखुलिइ कुरके छवत, भीरं कुरके छवत, मिइ कुरके छवत । थुकथं यशोधरां खुदै तक राहुलयात गर्भय् तयातयेमाःगु, राहुल खुदै तक यशोधराया गर्भय् चवनेमाःगु व यशोधरायात पुखुलिइ, भीरं व मिइ कुरके छ्वःगु यशोधरायां व राहुलया कर्म बिपाकं याना कर्मभोग यायेमाःगु खः । थ्व खँ पालिभाषानुसारया ललितविस्तरय् छुं उल्लेख यानातःगु मद्दु ।

पालिभाषानुसारया ललितविस्तर कथं राहुल कुमारया शरीर छुं अमानवीय मज्जु । तर निष्ठानन्दया ललितविस्तरय् यशोधरा गर्भवती जूगु खुदै दसेलि राहुल कुमारया जन्म जुल । तर हाक्कुसे चवना, सँ दुम्ह स्वये हे मजीक बांमलाम्ह कुमार जन्म जुइवं फुककस्यां चिन्ता जुल । शुद्धोदन जुजुया सुयातं क्यने मछाल । उकिं वयात यायेमाःगु कर्मकाण्ड, शिक्षादीक्षा नापं बांलाक मब्यू । तर व छम्ह तसकं ज्ञानिम्ह, आखः ब्वने सःम्ह जुल । लिपा बुद्धया रस्मि खयेमात्रं विरूपम्ह राहुल सुन्दर रूप जुल । थ्व खँ पालिभाषानुसारया ललितविस्तरय् उल्लेख जूगु मद्दु ।

हानं निष्ठानन्दया ललितविस्तरय् सिद्धार्थ गृहत्याग यायेधुंका गौतमी महारानी ख्वख्वं मिखां मखन धायेधुंका राहुल जन्म जुइवं मचा स्वया ग्याना मिखाय् ख्वबि तया यशोधरायात बोध यात धैगु खँ दु । अथे हे थ्व ललितविस्तरय् पंचभद्रवर्गीय भिक्षुपिं मधासैं पंचभद्रवर्गीय ज्वगिनीत धका उल्लेख यानातःगु दु ।

अले थ्व निगू ललितविस्तरय् यश कुमारया बाखनय् यक्को खँ पाःगु दु । पालिभाषानुसारया ललितविस्तरय् यशकुमार धका उल्लेख जुयाच्वंगु दुसा निष्ठानन्दया ललितविस्तरय् यशोदकुमार धका उल्लेख यानातःगु दु । थ्व सफुतिइ उल्लेख यानातःगु दिवोदास जुजु प्रवजित जूगु खँ, गांगेय नाविक प्रवजित जूगु खँ पालिभाषानुसारया ललितविस्तरय् उल्लेख यानातःगु मदु । पालिभाषानुसारया ललितविस्तरय् सारिपुत्र व मौद्गल्यायनपिन्त भगवान् बुद्धया परिचय ब्यूम्ह अश्वजित भिक्षु धयातःगु दुसा निष्ठानन्दया ललितविस्तरय् उपसेन भिक्षु धका च्वयातःगु दु । अले निष्ठानन्दया ललितविस्तरय् महाकाश्यप, महाकात्यायनया गृहत्यागया बारे छुं च्वयातःगु मदु । गुगु पालिभाषानुसारया ललितविस्तरय् बांलाक न्ह्यथनातःगु दु ।

भगवान् बुद्धं बोधिज्ञान प्राप्त यानाबिज्याये धुंका शुद्धोदन महाराजां कालुदायीयात छ्वया भगवान् बुद्धयात सःतके छ्वल धका पालिभाषानुसारया ललितविस्तरय् च्वयातःगु दु । तर निष्ठानन्दया ललितविस्तरय् उदायी व छन्दक निम्ह छ्वया जुजुं बुद्धयात सःतके छ्वल धका च्वयातःगु दु । सःतके छ्वःथें भगवान् बुद्धयात निमन्त्रणा याना हल । तर देवदत्तं भिक्षुपिन्त कपिलवस्तु नगरय् दुत मछ्वः । कायं नापलाये धका वःम्ह जुजुयात नं दरबारय् लित ब्वनायंकल । हानं उदायी भिक्षुं जुजुयात बोध यायेवं शुद्धोदन जुजु, गौतमी महारानी, यशोधरा, राजकुमारपिं सकलें मुन्म भगवान् बुद्ध बिज्यानाच्वंगु न्यग्रोधारायं बिज्यात । अन भगवान् बुद्धं थःगु छ्वानय च्वंगु सार कया गौतमीयात तयेकेवं मिखां खनाः मांम्ह खुसि जुल । राहुल कुमारयात नं भगवान् बुद्धया किपालुं दायेके मात्रं राहुलया रूप बांलाना पाप मोचन जुल । तर थ्व खँ व यशोधरा भगवान् बुद्धया दर्शन याःवंगु खँ पालिभाषानुसारया ललितविस्तरय् मदु । बरु भगवान् बुद्ध हे यशोधराया अन्तपुरय् बिज्यागु खँ उल्लेख जूगु दु ।

पालिभाषानुसारया ललितविस्तरय् मातृपोष हस्ति जातक धका भगवान् बुद्ध किसि जुया बिज्याबले मांम्ह गौतमी मिखां मखंम्ह किसि जूगु जातक न्ह्यथनातःगु मदु । अथे हे नन्द राजकुमार व जनपद कल्याणीया प्रसंग निष्ठानन्दया ललितविस्तरय् गनं कःगु खनेमदु । तर पालिभाषानुसारया ललितविस्तरय् सुन्दरनन्दयात भगवान् बुद्धं भिक्षु याःगु खँ न्ह्यथनातःगु दु । लिपा राहुलयात यशोधरां भगवान् बुद्धयाथाय् छ्वया अंश कायेके छ्वःबले भगवान् बुद्धं भिक्षु यानाबिल । थुकथं नन्द राजकुमार व राहुलयात भिक्षु यायेवं शुद्धोदन महाराजाया वंश छिन्न जुल धका विरह यासैंलि भगवान् बुद्धं मांअबुपिंके आज्ञा मकायेकं भिक्षु याये मज्यूगु नियम दयेका बिज्यात । थज्यागु खँ निष्ठानन्दया ललितविस्तरय् उल्लेख जूगु मदु । बरु थुकी शुद्धोदन महाराजां हे शाक्य कुमारपिन्त निम्हस्वम्ह काय दुपिनि छम्ह ल्यंका मेपिन्त प्रवजित या धका आज्ञा

दयेकेवं यक्को प्रवजित जुल । अले राहुल कुमारं नं गृहत्याग यायेगु खँ न्ह्यथंगुलिं शुद्धोदन महाराजां वंश छिन्न मजुइक राहुलया काय्मचा दतकि तिनि छ्वये धका आज्ञा दयेका बिज्यात । उकिं याकनं हे राहुलयात कमला धैम्ह मिसा बिहा यानाबिल । बिहा याना दच्छि दयेवं राहुलया काय् सकलानन्दया जन्म जुइवं राहुल प्रवजित जुल । लिपा यशोधरा व गौतमी निम्हं चूडाकर्म यायेगु इच्छा याना शुद्धोदन महाराजायाके आज्ञा कया भगवान् बुद्धयाथाय् वना चूडाकर्म याना बिज्यात । थुकथं राहुलं बिहा याना मचा दयेधुंका तिनि गृहत्याग याःगु खँ पालिभाषानुसारया ललितविस्तरय् उल्लेख जूगु मदु । बरु थुकी राहुल मचाबले हे गृहत्याग याःगु खँ दु । अले पालिभाषानुसारया ललितविस्तरय् प्रजापति गौतमीं भगवान् बुद्धयात दोसल्ला दान याःगु खँ नं उल्लेख जूगु दु । गुगु निष्ठानन्दया ललितविस्तरय् न्ह्यथनातःगु मदु ।

हानं निष्ठानन्दया ललितविस्तरय् शुद्धोदन महाराजां छुइचा सकलानन्दयात राज्याभिषेक याना थःनं तपोवन बिज्यागु खँ उल्लेख जूगु दु । नापं भगवान् बुद्ध कपिलवस्तु नं लुम्बिनी वनय् देवमनुष्यं पुजा याका उत्सव याका बिज्यात धैगु खँ व अनं श्री स्वयम्भू चैत्यया दर्शन यायेत नेपाल देशय् बिज्यात धका च्वयातःगु दु । थुकथं थुकी नेपाल महात्म्यया खँ बांलाक न्ह्यथनातःगु दु । नापं थुकी यम नियम शुचिशान्तीया खँ, श्री शाक्यसिंहया जातकमालाया खँ, सच्छिदै लिपा जुइगु बुद्धं कनाबिज्यागु खँ, देवदत्तं बुद्धयात ल्वहतं प्रहार याःगु खँ, कवीर कुमारया बाखं, श्री लोकनाथ करुणामयया बाखं, श्री प्रज्ञापारमिताया बाखं, श्री आर्यावलोकितेश्वरया व्रतया विधि विधानया खँ, माहाद्यो पार्वतीयात लोकनाथं बोध याइगु खँ, श्री वसुन्धरादेवीया खँ आदि बांलाक व्याख्या यानातःगु दु । हानं थुकी भगवान् बुद्धं स्वर्गया नन्दन वनय् बिज्याना स्वलातक च्वनाबिज्याना मां मायादेवीयात धर्म उपदेश बियाबिज्यागु खँ नं दु । थ्व फुक्क खँ पालिभाषानुसारया ललितविस्तरय् छुं उल्लेख जूगु मदु । तर थ्व ललितविस्तरय् दान, शील, भिक्षु, भिक्षुणीया नियम, कर्तव्य, ऋद्धिप्रातिहार्यया खँ, न्हयगू अपरिहानिय धर्मया बारे विस्तृत व्याख्या यानातःगु दु ।

अले निष्ठानन्दया ललितविस्तरय् भगवान् बुद्ध निर्वाण जुइत जेतवन विहारं कुशीनगरय् बिज्याये धका बिज्यात । थबले लैय् चुन्दा धयाम्हस्यां दान याःगु जाकिमहि भोजन यानाबिज्याना भगवान् बुद्धया शरीरय् रोग प्रवेश जुल निर्वाणया हेतु जुल धका च्वयातःगु दु । तर पालिभाषानुसारया ललितविस्तरय् गांगामय् चाह्नुहुं चुन्दां ब्यूगु भोजन यानाबिज्याना आउँ जूगुलिं कुशीनगरय् वने धका अनं बिज्यागु खँ उल्लेख जूगु दु । अथे हे निष्ठानन्दया ललितविस्तरय् सकलें कुशीनगरय् बिज्याबले चुन्दाया भोजन याना कन्हय्खुन्हु बहनी बुद्ध समाधि योग यानाबिज्याना च्वंबले शारिपुत्र व

मौद्गल्यायनपिसं बुद्धं देहत्यागं यानाबिज्याइन धका निम्हस्यां देहत्यागं याना मोक्षपदं लानाबिज्यात । तर पालिभाषानुसारया ललितविस्तरय् भगवान् बुद्ध कुशीनगरय् हे बिमज्यानिबले न्हापां शारिपुत्र अनं मौद्गल्यायनं भगवान् बुद्धयाके आज्ञा कयाबिज्याना शारिपुत्र थः बूगु कोठाय् व मौद्गल्यायनं कालशिला पर्वतय् बिज्याना परिनिर्वाण जुल धका न्ह्यथनातःगु दु । अले थ्व ललितविस्तरय् बुद्ध परिनिर्वाण जुइन्हो मां गौतमी, कलाः यशोधरा, काय् राहुलभद्रपिनि निर्वाण जूगु खँ महु । तर निष्ठानन्दया ललितविस्तरय् गौतमी, यशोधरा, राहुलपिं भगवान् बुद्ध परिनिर्वाण जुइन्हो हे समाधि योग याना देहत्याग याना मोक्षपद लानाबिज्यात धका न्ह्यथनातःगु दु ।

अले निष्ठानन्दया ललितविस्तरय् थ्व ललितविस्तर उपगुप्त भिक्षु पटना सहरया कुक्कुटाराम विहारे बिज्याना अशोक महाराजा व मेमेपिन्त कनाबिज्यागु खः धका च्वयातःगु दु । थज्यागु खँ पालिभाषानुसारया ललितविस्तरय् च्वयातःगु महु । हानं निष्ठानन्दया ललितविस्तरय् मैत्री बोधिसत्त्वया खँ नं उल्लेख जू तर पालिभाषानुसारया ललितविस्तरय् छुं खँ उल्लेख मजू । निष्ठानन्दया ललितविस्तरय् अजातशत्रुया प्रसंग गनं वःगु खनेमहु । अले अम्बपालिया प्रसंग भगवान् बुद्ध परिनिर्वाण जुइत कुशीनगर बिज्याबले जक लैय् नापलाःगु खः । पालिभाषानुसारया ललितविस्तरय् भगवान् बुद्ध परिनिर्वाण जुइत्ययेका आनन्दं न्यंगु न्ह्यसःत नं उल्लेख यानातःगु दु । थ्व खँ निष्ठानन्द वज्राचार्यया ललितविस्तरय् उल्लेख यानातःगु महु ।

थुकथं नेपालभाषां पिदनाच्चंगु बौद्ध ऋषि महाप्रज्ञाया पालिभाषानुसारया ललितविस्तर व निष्ठानन्द वज्राचार्यया ललितविस्तरय् यक्कों खँ पाःगु खनेदु । थ्व निगू ललितविस्तर बांलाक अध्ययन याना स्वयेबले निष्ठानन्दया ललितविस्तर महायानी कथंया ललितविस्तर खः धका धायेफु । पालिभाषानुसारया ललितविस्तरय् नं भीसं स्पूगु यक्कों खँ उल्लेख जूगु महु । खला थ्व सफुतिइ च्वमिजुं हे थ्व ललितविस्तर संक्षिप्त ललितविस्तर खः व थुकी जम्मा १५ गू ग्रन्थया जक अनुवाद याना च्वयागु खः धका च्वयाबिज्यागु दु ।

□□

३. ललितविस्तरया भाषिक विश्लेषण

३.१ परिचय

निष्ठानन्द वज्राचार्यया ललितविस्तर सफू अध्ययन याना स्वयेबले ध्वय्कःया थःगु हे पहःया भाषा छ्यलाः थ्व सफू च्वयातःगु खनेदु । थ्व सफू नेपालभाषाया पुनर्जागरण कालय् च्वयातःगु सफू जूगुलिं थ्व सफूया भाषा मल्ल ईया नेपालभाषा थें पुलांगु नं मखु नापं थौंमिहगःया प्रचलित नेपालभाषा थें नं मखु । थ्व सफूया भाषा थ्व निगू ईया भाय् स्वया पाःगु खनेदु । थुकथं थ्व सफूया भाषा थौंमिहगःया नेवाभाय् नापं यक्को मिले जूसां पुलांगु नेपालभाषाय् दुगु विशेषता नं थुकी खनेदु । उकिं थ्व सफूया भाय् वा पुनर्जागरण कालय् निगू ईया भाय् ल्वाकज्यागु भाय् प्रचलित जुयाच्वंगु सीदु । नापं थ्व सफुतिइ निष्ठानन्दजुया थःगु हे पहःया भाषिक विशेषता दु ।

थ्व सफूया अध्ययनं उगु इलय् तर्क पुलांगु नेपालभाषाय् थें संस्कृत भाय्या प्रभाव लानाच्वंगु सीदु । थुकी गनंगनं श्लोकत संस्कृत भासं वं उकिया नेपालभाषां अनुवाद याना च्वयातःगु दु । थुकथं थ्व सफुतिइ संस्कृत शब्द नं यक्को छ्यलातःगु दुसां नेपालभाषाया थःगु हे पहःया खँग्वः नापं नेपाली, हिन्दी, फारसी आदि शब्दत नं छ्यलातःगु दु । तर थ्व सफुतिइ आकार प्राधान्य शब्दत गनंगनं दुसां नासिक्य वर्ण ‘ङ’ या गनं प्रयोग जुयाच्वंगु मदु । अले पुलांगु नेपालभाषाय् प्रचलित लाहा (ल्हाः) आदि थें ज्याःगु शब्दत नं थ्व सफुतिइ प्रयोग जुयाच्वंगु खनेदु ।

खला थ्व सफू बाखं कँकं च्वयादीगुलिं थुकी बाखं कनेबलेया भाय् पिज्वयाच्वंगु दु । उकिं हे थुइके भनं छगू हे शब्द दोहरे याना छ्यलातःगु पर्याय खँग्वःया पुचः नं

यक्को दु । अले गथे धालसा, थथे धालसा धका नं बाखं कनेगु भाषां थ्व सफू च्वयातःगु दु । थथे हे थ्व सफुतिइ सर्वनाम शब्दय् स्वल धाःसा थौंमिहगःया प्रचलित नेवाभाय् कथंया हे छ्यलातःगु दु । तर निश्चयवाचक सर्वनाम व सम्बन्धवाचक सर्वनाम शब्दय् स्वल धाःसा थौं भीसं थज्यागु अज्यागु व गज्यागु धायेगुयात थुकी थथिगु, अथिगु, गथिगु आदि शब्द प्रयोग यानातःगु दु ।

लिङ्ग प्रत्ययलय् स्वल धाःसा थौंकन्हय् छ्यलावयाच्चवनागु थीथी कथंया लिङ्ग थुइकेगु खँग्वः थ्व सफुतिइ नं छ्यलातःगु दु । थथे हे थ्व सफुतिइ प्रयोग जुयाच्चंगु वचन प्रत्ययय् दृष्टि तयेबले प्रचलित नेपालभाषाय् छ्यलावयाच्चवनागु बहुवचन प्रत्यय 'पिं' व 'त', अले 'तो' छ्यलातःगु दु । अले साधारण प्राणीवाचक शब्दय् नं 'त' बहुवचन प्रत्ययय् मयासें पिं हे छ्यलातःगु दु । उकिं थबले थौंकन्हय्या 'पिं'या पलिसाय् छ्यलीगु 'पनि' बहुवचन प्रत्ययया प्रयोग मयाये धुंकूगु खनेदु । तर पुलांगु नेपालभाषाय् लोक, जन, वर्ग, गण आदि बहुवचन प्रत्यय याइबले थ्व नापं पनि बहुवचन छ्यली थें थ्व ललितविस्तर सफुतिइ नं लोक, जन, वर्ग, गण आदि बहुवचन प्रत्यय नापं 'पिं' प्रत्यय तयातःगु दु । थुकथं पुलांगु नेपालभाषाय् थें थ्व सफुतिइ नं निगू बहुवचन नापं छ्यलातःगु खनेदु । अझ 'सकल लोकपिं' थें जाःगु स्वथी बहुवचन प्रत्यय जुयाच्चंगु शब्द नं थ्व सफुतिइ दु ।

थ्व ललितविस्तर सफूया विभक्ति प्रत्ययलय् ध्यान तल धाःसा थौंमिहगः छ्यलावयाच्चंगु व पुलांगु नेपालभाषाया विभक्ति प्रत्यय नितां खंकेफु । अले विभिन्न विभक्ति चिंया नापं थ्व सफुतिइ थीथी सम्बोधन शब्द नं छ्यलातःगु दु । थ्व सफुतिइ सजीवय् 'म्ह' व निर्जीवय् छगः, छगू, छपाः, छप्पः, छपु आदि तंजिखँग्वः आपालं छ्यलातःगु दु । तर गनंगनं थौंमिहगःया प्रचलित तंजिग्वः स्वया पाःगु 'प्वा छपो स्वय्' थें ज्याःगु नेपालभाषाया तंजिग्वः नं छ्यलातःगु दु । अले थ्व सफूया वर्ण विन्यासया पद्धति स्वल धाःसा पुलांगु नेपालभाषाय् थें छगू हे खँग्वःयात थीथी पहलं च्वयेगु वर्ण विन्यासया पद्धति दुगु खनेदु ।

थ्व ललितविस्तर सफूया भाषाय् बांलाक अध्ययन याना स्वयेबले बिसर्गया छ्यलाय् छुं निश्चित नियम दुगु खनेमदु । बिसर्ग तयेमाःथाय् तयामतःगु यक्को शब्दय् हे खनेदु नापं गनंगनं म्वाथाय् नं बिसर्ग तयातःगु दु । अय्सां छथाय् निथाय् बाहेक थुकी बिसर्ग हे छ्यलातःगु म्दु धाःसां ज्यू । अले थ्व सफुतिइ बिसर्गया पलिसा 'अ' वा 'आ' या प्रयोग अप्पो प्रयोग जूगु खनेदु । थथे हे थ्व सफुतिइ शिरविन्दु व चन्द्रविन्दुया छ्यलाय् नं छुं निश्चित नियम दुगु खनेमदु । अले थ्व सफुतिइ 'जिवनाप', मिसावनाप' धका संसर्गी प्रत्यय (sociative) 'व' या नं प्रयोग जूगु दु । थथे हे थ्व सफूया क्रियाय्

स्वल धाःसा थुकी नेपालभाषाया विभिन्न प्रकारया क्रिया प्रयोग यानातःगु दु । तापं संस्कृत मूल क्रिया पाखें वयाच्चंगु लपे प्रत्ययान्त व ते प्रत्ययान्त क्रिया नं छ्यलातःगु दु ।

३.२ सर्वनाम

थौम्हगःया नेपालभाषाया सर्वनाम व थ्व ललितविस्तर सफुतिइ खनेदुगु सर्वनाम शब्द अपायसकं पाःगु खनेमदु । थ्व सफुतिइ खनेदुगु सर्वनाम शब्द थुकथं खः –

उत्तम पुरुष

एक वचन

जि

१ कर्ता - जिं

२ कर्म - जित

३ करण - जिं

४ सम्बन्ध - जिगु

५ अधिकरण - जिके

बहुवचन

जिपिं, भी, भीपिं

जिमिसं, भीसं

जिमित, भीत

जिमिसं, भीसं, भीसनं

जिमिगु, भीगु

जिमिके, भीके

मध्यम पुरुष

एक वचन

छ, छलपोल

१ कर्ता - छ, छलपोलनं, छलपोलं

२ कर्म - छंत (छन्त), छलपोलयात

३ करण - छं, छलपोलं, छलपोलनं

४ सम्बन्ध - छंगु, छलपोलया, छलपोया,

छलपोलयागु

५ अधिकरण - छंके, छलपोलयाके

बहुवचन

छिपिं, छलपोलपिं

छिमिसं, छलपोलपिसं

छिमित, छलपोलपितं

छिमिसं, छिमिसनं, छलपोलपिसं

छिमिगु, छलपोलपिनिगु

छिमिके, छलपोलपिनिके

अन्य पुरुष

एक वचन

व, थ्व, वसपोल, थ्वसपो, थ्वसपोल

१ कर्ता - वं, थ्वं, वसपोलं, थ्वसपोलं

२ कर्म - वयात, थ्वयात, वसपोलयात,

थ्वसपोलयात

३ करण - वं, थ्वं, वसपोलं, थ्वसपोलं

बहुवचन

इपिं, थुपिं, थ्वपिं, वसपोलपिं, थ्वसपोलपिं

इमिसं, थुमिसं, वसपोलपिसं, थ्वसपोलपिसं

इमित, थुमित, वसपोलपितं, थ्वसपोलपितं

इमिसं, थुमिसं, वसपोलपिसं, थ्वसपोलपिसं

४ सम्बन्ध -	वयागु, थ्वयागु, वसपोलयागु, थ्वसपोलयागु	इमिगु, थुमिगु, वसपोलपिनिगु, थ्वसपोलपिनिगु
६ अधिकरण -	वयाके, थ्वयाके, वसपोलयाके, थ्वसपोलयाके	इमिके, थुमिके, वसपोलपिके, थ्वसपोलपिके

थुकथं थ्व सफूया सर्वनाम शब्दय् स्वल्धाःसा प्रचलितं नेपालभाषाय् थें खः । तर थ्व सफुतिइ मध्यम पुरुषया आदरार्थी शब्द 'छिं' या प्रयोग जूगु खनेमदु । च्वय् बियागु सर्वनाम शब्दया नापं थ्व सफुतिइ क्वय् बिया थें निश्चय वाचक सर्वनाम व सम्बन्ध वाचक सर्वनाम छ्यलातःगु दु । गथे—

निश्चय वाचक सर्वनाम

थथिंगु (थज्यागु)

थथिपिनिगु (थज्यापिनिगु)

थथिंम्ह (थज्याम्ह)

थथिपिं (थज्यापिं)

अथिंगु (अज्यागु)

अथिंम्ह (अज्याम्ह)

सम्बन्ध वाचक सर्वनाम

गथिंगु (गज्यागु)

गथिंम्ह (गज्याम्ह)

गथिपिं (गज्यापिं)

३.३ लिङ्ग

थौकन्हय् नेपालभाषाया लिङ्ग विभिन्न कथं थुइकेगु जुयाच्चंगु दु थें थ्व ललितविस्तर सफुतिइ नं थीथी कथंया लिङ्ग थुइकेगु खँग्वः छ्यलातःगु दु । थ्व सफूया अध्ययन कथं खँग्वः हिलाः आखःग्वः हिलाः अकार, आकारयात इकारय् हिलाः व 'नी' लितंसा तया लिङ्गभेद क्यनातःगु खनेदु । गथे—

१. खँग्वः हिलाः

भाःत - कला

बौ - मां

बागः - भुतु

काय् - म्हाय्

मिजं - मिसा

वँय् - उई

२. आखःग्वः हिलाः

आजु - अजिमा

युवक - युवती

प्रिय - पियारी

ल्यवः - ल्यवसिं

ल्यासेम्ह - ल्यास्ये

वनदेवता - वनदेवी

३. अकार, आकारयात संस्कृत कथं इकारय् हिला:

बुढा - बुढी	सखा - सखी
कुमार - कुमारी	दास - दासी
महल्लक - महल्लिका	पुत्र - पुत्री
दारक - दारीका	सुन्दर - सुन्दरी
तरूण - तरूणी	ब्राम्हण - ब्राम्हणी
महाराजा - महारानी	

४. नी लितंसा तया:

ज्वगि - ज्वगिनी	पापि - पापिनी
संन्यासि - संन्यासिनी	अभागन - अभागननी
दुःखी - दुखिनी	नाग - नागिनी
पति - पत्नी	भिक्षु - भिक्षुणी
कल्याण - कल्याणी	महाजन - महाजननी

३.४ वचन

नेपालभाषाय् वचन प्रत्यय 'त' व 'पिं' खः । थौकन्हय् नेपालभाषाय् विभिन्न प्रकारं बहुवचन दयेकेगु चलन दु थें थ्व ललितविस्तर सफुतिइ नं विभिन्न कथं बहुवचन प्रत्यय यानातःगु दु, गथे—

१. त व पिं या छ्यला

नेपालभाषाय् प्राणीवाचक खँग्वलय् त व पिं छ्यला बहुवचन दयेकी थें थ्व सफुतिइ साधारण प्राणीवाचक शब्दय् त व तो प्रत्यय छ्यला बहुवचन दयेकातःगु दु । गथे—

<u>त</u>	<u>तो</u>
ग्वठलात	मिसातो
ज्वगिनित	
भौमचात	
मचात	

अले थःथिति खँग्वः, हनाबना खँग्वः, सर्वनाम खँग्वः व विशेषण खँग्वलय् 'पिं' प्रत्यय तथा बहुवचन दयेकातःगु दु । गथे—

थःथिति खँग्वः

दाजुकिजापिं

मांबौपिं

पुत्रपुत्रीपिं

हनाबना खँग्वः

भिक्षुपिं

भिक्षुणीपिं

राजापिं

रानीपिं

राजकुमारपिं

जुवराजपिं

सर्वनाम शब्द

वसपोलपिं

भीपिं

जिपिं

थुपिं

विशेषण शब्द

बिज्यानाच्चपिं

जुयावंपिं

जुवइपिं

सुंसार याइपिं

म्हिलके यंकैपिं

चिना तवपिं

तरूणीपिं

गोष्टिक ब्राम्हणपिं

बुद्धभगवान्पिं

रिषिमुनिपिं

सत्त्वप्राणीपिं

पंचभद्रवर्गिपिं

इपिं

छलपोलपिं

थ्वसपोलपिं

म्येम्येपिं

सुन्दरीपिं

हुं ओपिं

पाप याकपिं

ततःधंपिं

सगोत्र जुयाच्चपिं

न्याओपिं

शुक्लं स्वयेबले पुलांगु नेपालभाषाय् थें थ्व सफूया भाषाय् पिया थासय् पनि बहुवचन प्रत्यय छ्यलातःगु खनेमदु । बरु थ्व सफुतिइ साधारण प्राणीवाचक शब्दय् नं 'पिं' छ्यलातःगु दु । गथे—

अप्सरापिं

पशुपंक्षीपिं

चाकरवाकरपिं

दुतपिं

मनुष्यपिं

सैन्यपिं

जनदूतपिं

जलजन्तुपिं

शिष्यपिं

भूतप्रेतपिं

वनजंतुपिं

प्रधानपिं

भार्दारपिं

वणिजालपिं

नागकन्यापिं

दारकदारीकापिं

थुकथं साधारण प्राणीवाचक शब्दय् नं 'पिं' बहुवचन प्रत्यय छ्यलातःगुलिं थ्व सफू च्वःगु इलय् तक नेपालभाषाय् बहुवचन प्रत्ययलय् छुं निश्चित नियम दुगु खनेमदु ।

२. अनिश्चयवाचक विशेषण

थ्व सफुतिइ बहुवचन बोध जुइगु अनिश्चयवाचक विशेषण शब्द नं छ्यलातःगु दु । गथे—

अनेक, फुक्क, यक्को, सकल, सगोत्र आदि ।

३. दुर्गच्छि छ्यला

बहुवचन बोध जुइगु दुर्गच्छिया प्रयोग नं थ्व सफुतिइ जुयाच्वंगु दु । गथे—
लांलां बित, दंदं बित, मासमास पतिं आदि ।

४. संस्कृत बहुवचन छ्यला

नेपालभाषाया पुलांपुलांगु अभिलेखय् थें थ्व सफुतिइ नं बहुवचन थुइकीगु संस्कृत खंग्वः लोक, जन, वर्ग, गण आदि आपालं छ्यलातःगु दु । गथे—

पापिजन	वंधुवर्ग
नक्षत्रतारागण	धात्रीवर्ग
भ्रमरागण	चैटीवर्ग
प्रजालोक, प्रजागण	सभालोक
मुखजन	भिक्षुगण
शत्रुवर्ग	मारगण

पुलांगु नेपालभाषाय् थ्व लोक, जन, वर्ग, गण आदि बहुवचन प्रत्यय छ्यलीबले थ्व नापंतुं 'पनि' बहुवचन छ्यली थें थ्व ललितविस्तर सफुतिइ नं लोक, जन, वर्ग, गण आदि बहुवचन प्रत्यय नापं 'पिं' प्रत्यय छ्यलातःगु दु । थुकथं पुलांगु नेपालभाषाय् थें थ्व सफूया भाषाय् नं निगू बहुवचन प्रत्यय नापं छ्यलातःगु खनेदु । अझ गनंगनं स्वथी बहुवचन छ्यलातःगु 'सकललोकपिं' थें ज्याःगु शब्द नं प्रयोग यानातःगु दु ।

निगू बहुवचन छ्यलातःगु शब्द

मनुष्यलोकपिं	पापिजनपिं
शिष्यगणपिं	वंधुवर्गपिं
प्रजागणपिं	भूतगणपिं
चौरलोकपिं	जोगीजनपिं
मंत्रीजनपिं	शत्रुवर्गपिं
भिक्षुगणपिं	मुखजनपिं

थुकथं थ्व सफुतिइ पुलांगु नेपालभाषाय् थें निदुगं बहुवचन प्रत्यय यानातःगु दुसां 'पनि' प्रत्ययया चलन मदयेधुंकूगु खनेदु । थुगु इलय् थ्वया सट्टा थौंकन्हय्या बहुवचन रूप 'पिं' नं थाय् कायेधुंकूगु दु । उकिं थ्व सफुतिइ बहुवचन प्रत्यय पिं व त, तो खनेदु । थ्व बाहेक 'पिं'या हे मेमेगु रूप पनि, पैन, पुं, पं आदि छुं छ्यलातःगु मदु ।

३.५ वर्ण विन्यास

पुलांगु नेपालभाषाय् छगू हे खँग्वःयात थीथी पहलं च्वयेगु वर्ण विन्यासया पद्धति दु । थ्व जूगुया कारण नं थासा आखःया प्रचार मजगुलिं व गुलिनं सफू दु व हस्तलिखित ग्रन्थ जूगुलिं खः । ने.सं. १०२० दशकया दँय् नेपालभाषां नेपाल लिपिया थासय् देवनागरी लिपिं थाय् काल । थुकिया इवलय् दकले न्हापां थासा आखलं देवनागरी लिपिं पिदंगु सफू निष्ठानन्द वज्राचार्यया ललितविस्तर खः । थौंकन्हय्या नेपालभाषाय् घोष, अघोष, अल्पप्राण, महाप्राण आदि व्यागलं वर्ण खःसां गुलिगुलिं खँग्वःया छ्यलाय् उकिया भेद खनेमदु । थ्व सफुतिइ नं पुलांगु नेपालभाषाय् थें छगू खँग्वःयात थीथी पहलं च्वयेगु वर्ण विन्यासया पद्धति दुगु खनेदु । थ्व सफुतिइ दुगु वर्ण विन्यासया पद्धति क्वय् बिया कथं न्ह्यथने फु । गथे—

१. य व ज या अगोद

पुलांगु नेपालभाषाय् थें थ्व ललितविस्तर सफूया भाषाय् नं य व ज य् छुं भेद मदुगु खनेदु । गथे—

जोग्य	-	योग्य	जदि	-	यदि
कलिजुग	-	कलियुग	जथाज्वग्य	-	यथायोग्य
जोजन	-	योजन	जुद्ध	-	युद्ध
जुधिस्थिर	-	युधिस्थिर	विजोग	-	वियोग
दुर्जोधन	-	दुर्योधन	जस	-	यस
जुवराज	-	युवराज	जमराजा	-	यमराजा
जोगीजन	-	योगीजन	कार्ज	-	कार्य
जक्षकुल	-	यक्षकुल	जुत्ति	-	युत्ति
जोगधर्म	-	योगधर्म	जथार्थ	-	यथार्थ
जोभन	-	योवन	जुवती	-	युवती
जसोधरा	-	यसोधरा	जुगजुगान्तर	-	युगयुगान्तर
अजुध्या	-	अयोध्या	धैर्ज्य	-	धैर्य

२. स व श या अगोढ़

थ्व ललितविस्तर सफुतिइ वर्ण विन्यास ऐच्छिक रूपं थः योर्थे च्वयातःगु दु । थ्व सफुतिइ स व श य् छुं मपाकुसैं नितानां प्रयोग यानातःगु दु । गथे—

देस	-	देश	विविसार	-	विविशार
संसार	-	शंसार	वारानसी	-	वारानशी
कासि	-	काशि	सुन्दरी	-	शुन्दरी
रस	-	रश	सकस्यां	-	सकश्यां
सरदरिटु	-	शरदरिटु	स्वर्ग	-	श्वर्ग
संपत्ति	-	शंपत्ति	क्लेस	-	क्लेश
सिष्य	-	शिष्य	सहर	-	शहर
सं	-	शं	संगत	-	शंगत
स्वामि	-	श्वामि	पसु	-	पशु
स्वां	-	श्वां	कुसिनगर	-	कुशिनगर
विसेष	-	विशेष	सुपायं	-	शुपायं
सरण	-	शरण	साक्यसिंह	-	शाक्यसिंह

३. ष व ख या अगोढ़

पुलांगु नेपालभाषाय् ष व ख य् छुं फरक मदुथे थ्व ललितविस्तर सफुतिइ नं छुं भेद मदुगु खनेदु । गथे—

हर्षमान	-	हर्खमान	मषु	-	मखु
दोष	-	दोख	षुदं	-	खुदं
विषाद	-	विखाद	उषेपाषे	-	उखेपाखे
उष्यथुष्य	-	उख्यथुख्य	आषाढ	-	आखाढ
उषुनु	-	उखुनु	षुसि	-	खुसि
ष्वाउं	-	ख्वाउं	भाषा	-	भाखा
रिषि	-	रिखि	शिष्य	-	शिख्य
ष्वबि	-	ख्वबि	अभिलाषा	-	अभिलाखा
वर्षा	-	वर्खा	पौष	-	पौख
विशेष	-	विशेख	मुष्यगु	-	मुख्यगु
मुर्ष	-	मुख	तुषिता	-	तुखिता
षं	-	खं	व्याष्यान	-	व्याख्यान

४. ह्रस्व दीर्घया अभेद

पुलांगु नेपालभाषाय् ह्रस्वदीर्घय् छुं फरक मद्दुथें थ्व ललितविस्तरया भाषा बांलाक अध्ययन याना स्वयेबले छुं फरक खनेमदु । थुपिं खँग्वःत खासयाना संस्कृतयागु खनेदु । गथे—

पापि	-	पापी	तुर्य	-	तूर्य
पृथिवि	-	पृथीवी	जंबुद्वीप	-	जंबूद्वीप
काशि	-	काशी	श्रावतीपुर	-	श्रावतीपूर
मायादेवि	-	मायादेवी	छगु	-	छगू
माहारानि	-	माहारानी	जलजन्तु	-	जलजन्तू
किंकिणिजाल	-	किंकिणीजाल	लुसि	-	लुसी
मंत्रि	-	मंत्री	सत्त्वप्राणि	-	सत्त्वप्राणी
भिक्षुणि	-	भिक्षुणी	गृहेस्थि	-	गृहेस्थी
स्त्रि	-	स्त्री	लिपा	-	लीपा
अष्टमिब्रत	-	अष्टमीब्रत	भतिचा	-	भतीचा
भिपिं	-	भीपिं	क्षिरभोजन	-	क्षीर भोजन
सुन्दरि	-	सुन्दरी	क्षत्रि	-	क्षत्री

५. तूर्धन्य व वत्सर्यया अभेद

पुलांगु नेपालभाषाय् थें थ्व ललितविस्तर सफुतिइ नं ट, ठ, ड, ढ, ण वर्ण व त, थ, द, ध, न वर्ण नितान् छुं भेद मतसे छ्यलातःगु दु । गथे—

क) ट व त या अभेद

ढुकुटि	-	ढुकुति	वसन्तरिटु	-	वसन्तरितु
भ्यटना	-	भ्यतना	घाटकयात	-	घातकयात
अटाली	-	अताली	सन्तुष्ट	-	संतुस्त
टुं	-	तुं			
दछिटक	-	दछितक			

ख) ठ व थ वर्णया अभेद

कठु	-	कथु	ख्यालठठा	-	ख्यालथठा
ठिकजुल	-	थिकजुल	अष्ठिपंजर	-	अस्थिपंजर
हठियार	-	हथियार	अधिष्ठान	-	अधिस्थान
पठर	-	पंथर	ठिक्क	-	थिक्क

तरूणावष्ठा - तरूणावस्था	वाठाक्कदना - वाथाक्क दना
गृहंष्टि - गृकस्थि	मठ - मथ
ग) <u>ड व द वर्णया अभेद</u>	
डाढि - दाढि	मण्डल - मन्दल
डोवाट - दोवाट	भंडार - भंदार
दिडि - दिदी	डुंगा - दुंगा
डाकिनी - दाकिनी	डंड - दंड, डंद

घ) ढ व ध या अभेद

चिकिढिकपिं - चिकिधिकपिं

ड) ण व न वर्णया अभेद

माणिक - मानिक	दर्शण - दर्शन
वर्णन - वर्नन	वरण - वरन
शरण - शरन	सुवर्ण - सुवर्न
प्रमाण - प्रमान	नागगण - नागगन
कारणै - कारनै	क्षणमात्रणं - क्षणमात्रनं
भिक्षुगणपिं - भिक्षुगनपिं	वाराणसी - वारानसी
मण्डल - मन्दल	

६. अघोष व घोष वर्णया अगोढ

थ्व ललितविस्तर सफुतिइ घोष व अघोष वर्णया भेद मयासें छ्यलातःगु आपालं शब्द दु । गथे—

अनेक - अनेग	
तमिला - तबिला	
सम्यकसंबोधि -	सम्यगप्रतिज्ञा

७. अल्पप्राण व महाप्राण वर्णया अगोढ

थ्व सफुतिइ अल्पप्राण व महाप्राण वर्णया भेद मयासें छ्यलातःगु शब्दत नं खनेदु । गथे—

कलंक - कलंख	प्रवृत्ति - प्रभृति
ग्वष्टी - ग्वस्थि	मचाबले - मचाभले
कुतिवन - कुथिवन	ख्ववि - ख्वभि
बोदिसत्त्व - बोधिसत्त्व	दाजुकिजा - धाजुकिजा
विषाद - विषाध	

८. ण व ण्ह, ठा व ठ्ह य् अगोद

नासिक्य वर्ण न व न्ह, म वं म्ह य् छुं भेद मतसे थ्व सफुतिइ आपालं शब्दत छ्यलातःगु खनेदु । गथे—

ज्यष्ट मैन्हा	-	ज्यष्ट मैना	चामर	-	च्वाम्हल
थुकुन्हु	-	थुखुनु	कुमारि	-	कुम्हारी
छन्हु	-	छनु	कुमार	-	कुम्हार
न्हयन्हुदुखुन्हु	-	न्हयनुदुखुनु			

९. तरल वर्ण र, ल या अगोद

पुलांगु नेपालभाषाय् र व ल या छुं भेद मदुथें थ्व ललितविस्तर सफू कथं नं नेपालभाषाय् र व ल य् फरक मदु धैगु स्पष्ट जू । गथे—

छचाख्यलं	-	छचाख्यरं
ताकालं	-	ताकारं
क्लेस	-	क्रेस
विनाशकाले	-	विनासकारे
जिलाहा	-	जिहा

१०. उक्षिप्त व नासिक्य वर्णया अगोद

उक्षिप्त वर्ण 'र' व नासिक्य वर्ण 'न' नं गबलें गबलें मपाः धैगु थ्व सफुतीं सीदु । गथे—

जरम	-	जनम
-----	---	-----

११. मूर्धन्य व उक्षिप्त वर्णया अगोद

मूर्धन्य वर्ण 'ढ' व उक्षिप्त वर्ण 'र' य् छुं फरक मदुगु शब्द नं थ्व सफुतिइ खनेदु । गथे—

डाढी	-	डारी
------	---	------

१२. छ व क्ष वर्णया अगोद

थ्व ललितविस्तर सफुतिइ छ व क्ष वर्णय् भेद मयासे शब्दत छ्यलातःगु दु । गथे—

भिछु	-	भिक्षु	दोछि	-	दोक्षि
पशुपंछि	-	पशुपंक्षि			
इच्छा	-	इक्षा			

१३. अकार व आकार्य् अभीष्ट

थ्व ललितविस्तर सफुतिइ अकार व आकार्य् छुं भेद मयासे आपालं शब्द छ्यलातःगु दु । गथे—

न्हयपं	-	न्हायपं	चतुर्महाराजा	-	चातुर्महाराज
दंकिनी	-	डांकिनी	भगवान	-	भागवान
न्हयकं	-	न्हायकं	आरडकालाम	-	आराडकालाम
अपालं	-	आपालं	दांहकि	-	दांहाकि
महानगर	-	माहानगर	महाकष्ट	-	माहाकष्ट
हकनं	-	हाकनं	न्हपा	-	न्हापा

१४. अकार व एकार्य् अभीष्ट

थ्व सफुतिइ अकार व एकार्य् छुं भेद मयासे छ्यलातःगु शब्दत नं प्रयोग यानातःगु दु । गथे—

लयं	-	लयें	धद्य	-	धन्दे
दयदसं	-	दयेदसं	छाय्	-	छाये
छयचा	-	छयेचा	गृहष्टि	-	गृहेष्टि
राज्य	-	राज्ये			

१५. अर्धस्वर र स्वर्य् अभीष्ट

क) व - वो व ओकार्य् अभेद

थ्व सफुतिइ प्रयोग यानातःगु व - वो व ओकार्य् फरक मडुगु शब्द क्वय् बियाथे खः । गथे—

च्वना	-	च्वोंवने	-	चोंना
च्वंगु	-	च्वोंगु	-	चोंगु
स्वस्यलि	-	स्वोकवेलस	-	सोकवेलस
स्वस्व	-	स्वस्वो	-	सोसो
थ्व	-	थ्वो	-	थो
ग्वष्टी	-		-	गोष्टी
त्वत्र	-		-	तोत्र
भवपुया	-		-	भोपुया
ग्वठ	-		-	गोठ

ख) एकार, 'य' व 'ये' य् फरक मद्गु शब्द

याय्मफुगु	-	यायमफुगु	-	यायेमफुगु
नेने	-	नेन्य	-	
छंके	-	छंक्य	-	छक्ये
महारानीयाके	-	भगवानयाक्य	-	थ्वसोलयाक्ये
मेपिं	-	म्यपिं	-	म्येपिं
मेता	-	म्यता	-	म्येता
उखेथुखे	-	उख्यथुख्य	-	उख्येथुख्ये
गबलें	-	गबल्यं	-	गबल्यें
नुगले	-	नुगल्य	-	नुगल्ये
गथे	-	गथ्य	-	गथ्ये
अथे	-	अथ्य	-	अथ्ये
थथे	-	थथ्य	-	थथ्ये
वतोथें	-	वतोथ्यं	-	वतोथ्यें
कुतके छ्वइ	-	कुतक्यछ्वइ	-	कुतक्येछ्वइ
निसें	-	थंनिनिस्यं	-	निस्यें

ग) ये व एकार्य् अभेद

थ्व ललितविस्तर सफुतिइ 'ये' व एकार्य् नं छु भेद मयासें यो कथं छ्यलातःगु

खनेदु । गथे—

येकान्त	-	एकान्त
येलपत्र	-	एलपत्र
यायेमफुगु	-	याएमफुगु

घ) यि व इकार्य् अभेद

थथे हे थ्व सफुतिइ यि व इकार्य् नं छुं फरक मद्गु शब्दत छ्यलातःगु खनेदु ।

गथे—

यिच्छा	-	इच्छा	जुयिमखु	-	जुइमखु
फयिमखु	-	फइमखु	तुतियिस	-	तुतिइसं
जुयिला	-	जुइला	जुयितिनि	-	जुइतिनि

१६. थीथी वर्ण विन्यास

थ्व सफुतिइ उगु इलय् छगू हे शब्द विभिन्न कथं च्वइगु चलन दु धैगु सीदु ।

गथे—

ज्ञाना	-	मग्या	-	ग्यासैंओ
क्षत्री	-	क्षत्रि	-	क्षतृ
ग्यान	-	ज्ञानै	-	ज्ञानि
स्वर्गे	-	स्वर्ग्य	-	स्वर्गे
दोष	-	दोख	-	दोस
शास्त्र	-	शास्त्र	-	
तोत्र	-	त्वत्र	-	स्तोत्र
इच्छा	-	इच्छा	-	यिच्छा - इक्षा
वर्त	-	व्रत	-	
भंगपंक्षि	-	भंगपंछि	-	
भिक्षु	-	भिक्षु	-	
क्षिरभोजन	-	क्षीर भोजन	-	खिरभोजन
पंछिगणपिं	-	पंक्षिगणपिं	-	पंछिगणपिं
शमशान	-	स्मशान	-	समशान
पर्श	-	स्पर्श	-	परश
भाग्य	-	भाज	-	
ऐश्वर्य्य	-	अैश्वर्य्य	-	
विहार	-	व्याहार	-	
दोछि	-	दोक्षि	-	

१७. पर्याय पुचऱ्या छ्यला

थ्व ललितविस्तर सफुतिइ निष्ठानन्दजुं पर्याय पुचऱ्या शब्द नं छ्यलादीगु दु ।

गथे—

थिथिं परसपर	-	न्हापा पूर्व जन्मे
पुनर्वार हानं	-	फेर हानं
वरिपरि छचाख्यलं	-	सुथ प्रातस्काल जुसैलि
जाहांताहां सकभनं	-	डरं ज्ञाना
उच्चा लम्बा	-	माहातच्चतं
काल बखत बेला	-	न्हापा परापूर्व कालय्
वरिपरि सकभनं	-	किंतु तर
आफै आफ थःहे	-	भोजन आहार
बल तागत	-	वरातःघं
हे सखि हे पासा	-	हे वत्स, हे शिष्य

१८ नेपाली भाषाया खँग्वः छ्यला

थ्व ललितविस्तर सफुतिइ नेवाः खँग्वः दुसां नेपाली भाषाया खँग्वः नं छ्यलातःगु दु । गथे—

आफैआफ	-	वगर
भारपात	-	वारंवार
जाहांताहां	-	तैपनि
ख्यालठ्ठा	-	टर
सम्भाउनी	-	भोखप्यास
घटिबढि	-	पैला
साहै	-	तुतफुत
भित्तास	-	रिसानि माफ
वरिपरि	-	फेर
औषधि	-	हासिखेल, आदि

१९.

पुलांगु नेपालभाषाय् लिउने य वःगु शब्दय् रेफ दतकि य निगः च्वयेगु चलन दु थें थ्व ललितविस्तर सफुतिइ नं य निगः छ्यलातःगु दु । गथे—

कार्य	-	आचार्य
सुय्य	-	पर्यन्त
चय्या	-	धैय्य
तुय्य	-	ऐश्वर्य
प्रतिहार्य	-	सौन्दर्य
तिय्यक	-	आय्य
आश्चार्य	-	

३.६ विभक्ति प्रत्यय

थ्व ललितविस्तर सफुतिइ छ्यलातःगु विभक्ति प्रत्ययलय् स्वलधाःसा कर्ता कारकया विभक्ति चिं बाहेक मेगु विभक्ति प्रत्यय थौंकन्हय्या रूप नापं मिले जूगु खनेदु । पुलांगु नेपालभाषाया कारक चिं नापं पाःगु खनेदु । थ्व सफुतिइ खनेदुगु विभक्ति प्रत्यय क्वय् बियाथें खः ।

कारक	विभक्ति	सजीव	निर्जीव
कर्ता	प्रथमा	०, नं, सं, स्यं, स्यां, सन, सनं, स्यनं, स्यानं, सिनं	०
कर्म	द्वितीया	यात, त, यत, इत, तः, तं	
करण	तृतीया	०, नं.	०
संप्रदान	चतुर्थी	यात	
अपादान	पंचमी	०	
सम्बन्ध	षष्ठी	या, यागु, गु, नि	
अधिकरण	सप्तमी	याके, याक्य, के, क्ये	स, सं, ए, इ

कर्ता कारक

थ्व ललितविस्तर सफुतिइ कर्ता कारकया विभक्ति चिं क्वय् बियाथें छ्यलातःगु दु ।

०	नं	सं	सन	सनं	स्यं	स्यां	स्यानं	सिनं
छलपोलं	छलपोलनं	छिमिसं	भूतगणपिसन	छिमिसनं	छमहस्यं	सकस्यनं	सकस्यानं	सकसिनं
बोधिसत्त्वं	मायादेवीनं	किषणीलोकपिसं		भ्रीसनं	ज्यापुमितस्यं			
जिं	महाराजानं	समालोकपिसं		जिमिसनं	छमह निम्हस्यं			
द्वान्यां	महाजननिनं	वसपोलपिसं			रवठलातस्यं			
महारानिं	सुजातानं	अप्सरापिसं			मचातस्यं			
	देवारिकानं							

चव्य बियागु दसु कथं भीसं थ्व ललितविस्तर सफुतिइ पुलांगु नेपालभाषा व थौंमिहगःया कर्ता कारकया विभक्ति चिं नितां छ्यलातःगु खंकेफु । थुकी थौं भीसं प्रयोग यानाचवनागु कर्ता प्रत्यय सं, सिनं, व थुकिया पूर्वरूप सन, सनं, स्यन, स्यनं, स्यानं, नं छ्यलातःगु दु । पुलांगु नेपालभाषाय् मूल विभक्ति प्रत्ययल्य् थीथी कारकया ज्यायात न्हातंसा वा लितंसा कथं मेमेगु विभक्ति चिं स्वाःवये यो थें थ्व सफुतिइ नं कर्ता कारकय् सन, स्यन, सनं, स्यनं, स्यानं प्रत्यय स्वाःवःगु नं दु । उकिं थ्व सफुतिइ मुक्कं थौंमिहगःया कारक प्रत्यय जक छ्यलातःगु मदु बरु पुलांगु नेपालभाषाया कारक प्रत्यय नं दुगु खनेदु ।

कर्मकारक

थ्व ललितविस्तर सफुतिइ खनेदुगु कर्म कारकया विभक्ति चिं क्वय् बियाथें खः ।

यात	त । पित	यत	इत	तः स्यतं	स्यातं
लोकयात	कक्यात	ग्वठलातय्त	थुमित	जितः सकस्यतं	सकस्यातं
द्वान्यायात	लोकपित	मचातय्त	छिमित		न्याम्हस्यातं
कुमारयात	पापीजनपित	चेलातय्त			
न्यम्हस्यात	बोधिसत्वपित				
भिक्षुगणयात	राजकुमारपित				
भक्तजनयात	देवतापित				
प्रजायात	चौरगणपित				
छलपोलयात	शिष्यपित				

थुकथं थ्व सफुतिइ कर्म कारकया विभिन्न विभक्तिं चिं नं प्रत्ययय् जूगु खनेदु । तर थुकी पुलांगु नेपालभाषाया कर्म कारकया विभक्ति चिं स्त, स्तं, याता आदि प्रत्यय जुयावःगु खनेमदु । थ्व सफुतिइ कर्म कारक छ्यलातःगु गनंगनं मिले मजू । भक्तजनपित जुइमाःथाय् थुकी भक्तजनयात यानातःगु दु । अथेहे पापिजनतय्त, दासिजनतय्त, अप्सरातय्त, शिष्यतय्त जुइमाःथाय् पापिजनपित, दासिजनपित, अप्सरापित, शिष्यपित धकाः बियातःगु दु । अले गण धाये धुंका नं पित धका बहुवचन दयेकातःगु दु । गण धाये धुंका कर्मकारकय् 'यात' प्रत्यय तयेवं गाः । तर थुकी चौरगणपित, भिक्षुगणपित, शत्रुवर्गपित, लोकपित आदि प्रयोग यानातःगु दु ।

सम्बन्ध कारक

श्व ललितविस्तर सफुतिइ सम्बन्ध कारकया नं विभक्ति चिं छ्यलातःगु दु । गथे-

या	यागु	गुपिंगु	पिनि	पिनिगु	स्या	स्यागु	या	यागु
मिसाया	महाजनयागु	जिगु	राजकुमारपिनि	थथिपिनिगु	छिमिसहस्या	छम्हस्यागु	नरकया	पलेस्वानयागु
प्रजाया	श्वयागु	छंगु	मनुष्यपिनि	देवमनुष्यपिनिगु			देवालयया	पुखूयागु
महाराजाया	भिक्षुकयागु	नक्षत्रगणपिंगु	करपिनि	सखिपिनिगु			काशी देशया	अन्तपुरयागु
छलपोलया	छलपोलयागु	राजकुमारपिंगु	दैत्यपिनि	जोगीजनपिनिगु			साहा भुवनया	

अधिकरण कारक

श्व ललितविस्तर सफुतिइ छ्यलातःगु अधिकरण कारकया विभिन्न विभक्ति चिं क्वय् बियाथें छः ।

याकै	याक्य	कैपिकै	पिंक्य	क्ये	क्यं	स	सं	ए	इ
महाराजायाकै	श्वयाक्य	जिकै	ब्राम्हणपिंक्य	छंक्ये	निम्हस्याक्यं	मार्गस	तुतियिसं	महानगरे	पुखुली
छलपोलयाकै	भगवानयाक्य	छंके			सुकस्याक्यं	लाहातस	गृहेसं	सारनाथे	दुकुटी
वयाकै	वसपोलयाक्य	भ्नीकै				कथुस	थानसं	कूत्वाले	
छन्दकयाकै	महाराजायाक्य	लोकपिकै				भुवनस	भुवनेसं	जमलोकै	
महारानीयाकै	श्वसपोलयाक्य	पछिगणपिनिंकै				मिखास	दुकुतिसिं	क्रिषिग्रामे	
शालीपुत्रयाकै						लुखास	देवपुरेसं	आश्रमे	

सम्बोधन

कारकया विभिन्न विभक्ति चिंया नापनापं थ्व ललितविस्तर सफुतिइ सम्बोधन शब्दत नं छ्यलातःगु दु । सम्बोधन शब्दय् हे, भो तयेगु चलन खनेदु । थ्व बाहेक गनंगनं अरे, अयि व रेरे नं छ्यलातःगु खनेदु । गथे—

हे मुनिश्वर	भो मुनिश्वर	अरे राहु	अयि प्रिया	रेरे पापि
हे देवपुत्रपिं	भो सतपुरुष			रेरे दुर्मति
हे भगवान	भो प्रजालोकपिं			रेरे भिक्षुगणपिं
हे भौमचात	भो कुमारपिं			
हे भिक्षुगणपिं	भो स्त्री मायादेवी			
हे द्वारे	भो ब्राह्मणपिं			
हे पुत्र	भो माहारानी			
हे स्वामि	भो रिषिश्वर			
हे बुवा	भो भिक्षुगणपिं			
हे राजन	भो राजन			
हे सखि	भो सुन्दरीपिं			
हे लोकपिं	भो गुरु			

संसर्गी प्रत्यय (Sociative)

थ्व ललितविस्तर सफुतिइ संसर्गी प्रत्यय (Sociative) 'व' नं छ्यलातःगु दु । थ्व छगू कथं श्रुति (glide) जूगु खः । गथे—

जिवनाप	मिसावनाप
अधर्मिवनाप	लोकवनाप
सुवनाप	सखिवनाप
पुत्रवनाप	शत्रुवनाप
छवनाप	सकलवनाप

३.७ ध्वनि परिवर्तन

पुलांगु नेपालभाषाय् थें थ्व सफुतिइ नं ध्वनि परिवर्तन जुया वर्ण लोप व आगम जूगु यक्को शब्द दु । गथे—

१. आदि वर्ण लोप

थीर	-	स्थीर	तोत्र	-	स्तोत्र
थवीर	-	स्थवीर	जोतिमान	-	ज्योतिमान

थापना	-	स्थापना	जोतिस	-	ज्योतिष
परश	-	स्पर्श			
२. मध्य वर्णलोप					
दर्वार	-	दरवार	पुन्हिस्या	-	पुन्हिसिया
भार्दारपिं	-	भारदारपिं	पठर	-	पत्थर
मैना	-	महिना	इछा	-	इच्छा
पैल्य	-	पहिले	विनास्काले	-	विनाशकाले
गनं विज्जा	-	गनं बिज्याना	पछिम	-	पश्चिम
औसर	-	अवसर	चला	-	चल्ला
शुचिनेम	-	शुचिनियम	प्रतक्ष	-	प्रत्यक्ष
३. अन्त्य वर्ण लोप					
ध्वसपो	-	ध्वसपोल			
४. मध्यस्वरागम					
शिलप	-	शिल्प	करम	-	कर्म
उतपति	-	उत्पत्ति	परमान	-	प्रमान
परवत	-	पर्वत	विघन	-	विघ्न
मुरुति	-	मूर्ति	वरतमान	-	वर्तमान
कलपना	-	कल्पना	स्वरग	-	स्वर्ग
बिकलप	-	विकल्प	जरम	-	जन्म
कलपवुढा	-	कल्पवुढा	अपसरा	-	अप्सरा
अलसि	-	अल्सि	मुख	-	मुख
करतार	-	कर्ताल	धरम	-	धर्म
वरषा	-	वर्षा	सरप	-	सर्प
उतपन	-	उत्पन्न	निरवीज	-	निर्विज
पियारि	-	प्यारी	परश	-	पर्श
चुडाकरम	-	चुडाकर्म	पुनरवार	-	पुनर्वार
गरम	-	गर्म	संकलप	-	संकल्प
पारवती	-	पार्वती	तरपण	-	तर्पण
अलपआहार	-	अल्पाहार			

५. घोष वर्णया अघोष वर्ण जूगु

थौं प्रचलित नेपालभाषाय् घोष वर्ण जुयाच्चंगु शब्द थ्व सफूया भाषाय् अघोष वर्ण छ्यलातःगु दु । गथे—

सफेत	-	सफेद
अत्भूत	-	अद्भूत
तस्वाका	-	धस्वाका
अपजस	-	अबजश

६. अथे हे अल्पप्राणी वर्णया थासय् थ्व सफुतिइ महाप्राणी वर्ण छ्यलातःगु दु ।

गथे—

त्यफुचा	-	त्यपचा
सफरेजुइ	-	सप्रेजुइ
पछिम	-	पश्चिम
हठियार	-	हतियार
उठ	-	उंट
जमाथ	-	जमात
वाहाखातया	-	वाक्कातया
बालख	-	बालक

७. थथे हे थौं प्रचलित नेपालभाषाय् महाप्राणी वर्ण जुयाच्चंगुया थ्व सफूया भाषाय् अल्पप्राणी प्रयोग यानातःगु दु । गथे—

भ्वातचागु वस्तु	-	भ्वाथचागु वस्तु
निस्तानन्द	-	निष्ठानन्द
गडाहा	-	गधा
निसाप	-	निसाफ

८. थौं भीसं उच्चारण यायेगु उच्च पश्च स्वर 'उ'या थासय् थ्व सफूया भाषाय् मध्य पश्च स्वर 'ओ' जूगु शब्द—

सोखावती भुवन	-	सुखावती भुवन
जरिवोति	-	जरिवुटी
दोवाट	-	दुवाट
कबोलयाना	-	कबुलयाना

९. पार्श्विक वर्ण 'ल'या थसय् थ्व सफूया भाषाय् उक्खिप्त वर्ण 'र' जूगु शब्द—

कर्तारि	-	कर्तल
चुकरि	-	चुक्ली
आराडकालाम	-	आलारकालाम
आशुन शुक्र	-	आश्विन शुक्ल

१०. उत्किप्त वर्ण 'र'या थसय् थ्व सफूया भाषाय् पार्श्विक 'ल' वःगु शब्द—

भलोसा	-	भरोसा
वन्धनागालस	-	वन्धनागार
शालिपुत्र	-	शारिपुत्र

११. पार्श्विक वर्ण 'ल'या थसय् थ्व सफुतिइ 'ड' छ्यलातःगु शब्द—

चक्रवाड	-	चक्रवाल
---------	---	---------

१२. उत्किप्त वर्ण 'र'या थसय् थ्व सफुतिइ ड, द छ्यलातःगु शब्द—

मुडकि	-	मुर्कि
आराडकालाम	-	आलारकालाम
डुडु	-	दुरू
भ्वडि	-	भ्वरी

१३. 'ड', 'ढ'या थसय् थ्व सफुतिइ उत्किप्त वर्ण 'र' छ्यलातःगु शब्द—

वरा	-	वडा
खरग	-	खडग
गारा	-	गाडा
वराख्यलाहारिथ्य	-	वडाखेलडीथें
कालिगर	-	कालिगढ

१४. अर्धस्वर 'य'या थसय् थ्व सफूया भाषाय् 'ज' जूगु शब्द—

छात्रां	-	छायां	दजेछको	-	दंयछको
लजंसं	-	लय्सं	क्वजे	-	क्वंय्
सजंप्वां	-	संय्प्वांय्	बुजिं	-	बुई
बजे	-	बैय्	पाजंचिनी	-	पांय्चिनी
खजे	-	खैय्			

१५. 'ऋ'या थसय् थ्व सफुतिइ रि छ्यलातःगु शब्द—

रिटु	-	ऋतु	रिषिश्वर	-	ऋषिश्वर
रिषि	-	ऋषि	नैरित्य	-	नैऋत्य
रिद्धि	-	ऋद्धि			

१६. तालव्य वर्ण 'ट'या थ्व सफुतिइ दन्त्य वर्ण त जूगु शब्द—

जरिवोति - जरिवुटी

१७. दन्त्य वर्ण त, थ या थ्व सफूया भाषाय् तालव्य वर्ण ट, ठ छ्यलातःगु शब्द—

चाटावाना छ्वल - चातावानाछ्वल

ठारानुल - थारान्हुल

काठर - काथर

१८. दन्त्य वर्ण त या थ्व सफुतिइ च छ्यलातःगु शब्द—

पचिं - पतिं

म्हालापचिं - म्हालापतिं

च्वलापचिं - च्वलापतिं

पचिंछपचिं - पतिंछपतिं

१९. दन्त्य वर्ण द या थ्व सफुतिइ न छ्यलातःगु शब्द—

बानर - बांदर

२०. थ्व ललितविस्तर सफुतिइ थें या थासय् ख्यं छ्यलातःगु शब्द यक्को खनेदु ।

गथे—

झ्यातुइला छु ख्यं - झ्यातुइला छु थें

गन वनख्यं - गन वन थें

छु धाइख्यं - छु धाइथें

छु यायेत्यनख्यं - छु यायेत्यनथें

गन वनेत्यनख्यं - गन वनेत्यनथें

गुलि दतख्यं - गुलि दत थें

स्वर्गे जुलला छुख्यं धका च्वनि - स्वर्गे जुलला छुथें धका च्वनि

म्ह्याय्मचा बुलला छुख्यं - म्ह्याय्मचा बुलला छुथें

ध्यान याना बिज्याना च्वनला छुख्यं - ध्यान याना बिज्याना च्वनला छुथें

छुयाये मालि तिनिख्यं - छुयाये मालितिनिथें

छु स्वयेमाली तिनिख्यं - छु स्वये मालितिनिथें

गबले दनिख्यं - गबले दनिथें

वयाच्वन ख्यं - वयाच्वन थें

छु यातख्यं - छु यात थें

छु छु दुःख सियेमालि तिनि ख्यं - छु छु दुःख सियेमालितिनि थें

३.८ तंजि खँग्वः

थौकन्हय् नेपालभाषाय् विभिन्न तंजिखँग्वः दु । अले थ्व तंजिखँग्वः बारे यक्कोस्यां 'ब्वनेमाले ज्या यानाच्चवंगु दु । थ्व ललितविस्तर सफुतिइ सजीव व निर्जीव तंजिग्वः नितान् आपालं छ्यलातःगु दु ।

१. सजीव

सजीव तंजि खँग्वलय् 'म्ह' खँग्वः छ्यलातःगु दु । गथे—

न्याम्हस्यातं	भिक्षु छम्ह
मिजंमचा छम्ह	कन्या छम्ह नं दु
निम्ह निख्य अप्सरापिं	किसि छम्ह वया
थव स्वामि छम्ह	च्याम्ह सुसार याइपिं

२. निर्जीव

निर्जीव तंजि खँग्वःया सामान्य प्रत्यय 'गु' खः । अले विशेष प्रत्यय थीथी दु ।

गथे—

गु

फिगु दिशा
ग्राम छगु निगु फ्वने

गः

छ्यो छगः जक ह्याउँ
न्यादोलग रत्न घट
तछ्व छग
छग जक क्वल
चिभा छग
पिला छगले
फंसि छग

धाः

ख्वाउगु छधा क्वागु छधा

पा

निपा लाहातं
तुति निपां

पु

खुपु दत
चिमिसं छपु
वा छपु मदु

ता

जिं छता वरदान फोने
थुगु कर्म छता
रूप छता मदु

फो

पलेस्वां छफो

को

राजकुमार छको दर्शन याये
न्हि छको अष्टमिव्रत दना

अंगू छपा
 न्हाय्पं निपां
 ष्वा छपातं
 मिखा निपां
 दोछिपा ष्वाल
 देपागु तुति छपा

गुलिं

अन्तपुर छगुलिं

वो

दोछिवोये छवो

न्हु । नु

न्हयनु दुषुनु

म्हु

घाये छम्हुल

का

द्वलछिका लाहा

प्वा

मत छप्वा

ग्वो

सिंग्वो छग्वो

चो

गाचो छचोक

चा

देश छचा चाउला

भो

वा भो निभोल

जु

लाकां छजु न्ह्याना

खा

छ्ये छखा

शु

सछिथु वाण

फि

च्वाम्हो निफि

मा

पिला सिमा छमा

वंगल सिमा छमा

भुखाचा मा छमा

कचा

कचा छकचा

थुकथं थ्व सफुतिइ थौंकन्हय् प्रचलित नेपालभाषा तंजिग्वः सजीवय् म्ह व निर्जीवय् छगः, छगू, छपा, छप्वः, छपु आदि विभिन्न प्रत्यय छ्यलातःगु दु । तर गनंगनं थौंम्हगःया प्रचलित तंजिग्वः स्वया पुलांगु नेपालभाषाया तंजिग्वः नं छ्यलातःगु दु । गथे—

वनविहार छपो यावने

विहार छपो यानावये

रमिता छपो स्वयावये

छपोनिपो पित छ्वये नं माः

छपो जक दृष्टि भोग जूगुलिं

लाहातिं छपो नापं थाथा याना मदि

ष्वा छपो स्वये
कथिचा छगु
चिमिसं प्वा छगु

पुलि निपानं
घाल छगू आदि ।

तर थौकन्हय् 'छको'यात छपो धायेगु प्रचलन मदये धुंकल थ्व 'पो' तंजिगवःया पलेसा थौमिहगः 'को' वयेधुंकूगु दु । गथे 'ष्वा छको स्वये' । 'छको' जक दृष्टिभोग जूगुलिं आदि । अले थ्व सफुतिइ न्ह्यथनातः थें 'कथिचा छगु', 'चिमिसं प्वा छगु', 'पुलि निपा', 'घाल छगू' धायेगु तनावना थुकियात भीसं 'कथिचा छपु', 'चिमिसं प्वाः छप्वाः', 'पुलि निगः', 'घाः छक्' धायेगु यानावयाच्चवनागु दु ।

३.९ क्रिया

थ्व ललितविस्तर सफुतिइ नेपालभाषाया ये, ने, ले, पे, ते, के व्यन्जनान्त क्रियाया नापं थौकन्हय्या प्रचलित नेपालभाषाया क्रियाया विभिन्न रूपावली प्रयोग यानातःगु दु । थुकिया नापं नेपालभाषाय् दुथ्यानाच्चंगु संस्कृत मूल क्रिया लपे प्रत्ययान्त क्रिया व ते प्रत्ययान्त क्रिया नं थ्व ललितविस्तर सफुतिइ छ्यलातःगु खनेदु । गथे—

१. लपे प्रत्ययान्त क्रिया

दोहलपे जोजलपे
धललेपे भालपे

२. ते प्रत्यायान्त क्रिया

सलते, सलता
तोलते, तोलता

लपे प्रत्ययान्त क्रिया नं लपा, लपु, लपि आदि विभिन्न रूपय् खनेदःगु दु ।

गथे—

लपा	लपि	लपु	लप
दोहलपा		दोहलपु	दोहलपल
वहलपा			
जोजलपा	जोजलपि		
धललपा	धललपि		
भालपा			
सुमलपा			
बसलपा			

थुकथं थ्व सफुतिइ लपे प्रत्ययान्त क्रियाया नं विभिन्न रूप खनेदःवःगु दु । संस्कृत, नेपालभाषाय् व नेपाली शब्दय् लपे, ते, प्रत्यय तथा क्रिया दयेकातःगु दु । अले थ्व सफुतिइ देछात धायेत दोहलपल धका व धारणा यानागु धायेत धलपागु धका जक छ्यलातःगु दु ।

३.१० बिसर्ग

थ्व ललितविस्तर सफूया भाषाय् बांलाक अध्ययन यानास्वयेबले बिसर्गया छ्यलाय् छुं निश्चित नियम दुगु खनेमदु । थुकी बिसर्ग तयेमाःथाय् बिसर्ग तयातःगु खनेमदु । थ्व सफुतिइ बिसर्गया सट्टा अ, आ, ओकार वःगु शब्द नं यक्को छ्यलातःगु दु गथे—

अकार

आकार

खअ	- खः	शब्दताआ	- शब्दताः	तओधनगु	- तःधंगु
कअसि	- कःसी	खना धाआपिं	- खनाःधाःपिं	आओ	- आः
तअन्हुमछि	- तःन्हुमछि	माआसानं	- माःसानं		
याकअचा	- याकःचा	जुइमाआला	- जुइमाःला		
भंगअ	- भंगः				
चअति	- चःति				
थअछें	- थःछें				
जितअ	- जितः				

नापं थुकी बिसर्गया सट्टा पुलांगु नेपालभाषाया रूप ल, व, ख, त, क, र आदि वःगु शब्द नं छ्यलातःगु दु । गथे धालसा थवगु, ल्याख, कलात, स्वकगु, बिबहार (बिहाः) आदि । अय्सां थ्व सफुतिइ बिसर्गया पलिसा 'अ' या प्रयोग अप्पो जूगु खनेदु ।

अले थुकी बिसर्गय् म्वाःथाय् नं आकार वयाच्चंगु दु । गथे- राजाआपिं-राजापिं ।

थ्व सफुतिइ बिसर्ग तयेमाःथाय् तथा मतःगु शब्द नं यक्को खनेदु । गथे—

थथगु	- थःथःगु	नुग	- नुगः
पाक	- पाकः	चिभाछग	- चिभाः छगः
छधा	- छधाः	वस	- वसः
बुगा	- बुंगाः	आख	- आखः
देग	- देगः	पखा	- पःखाः
याकचा	- याकःचा		

थुकथं बिसर्गं तयेमाःथाय् मदुगु शब्द यक्को दुसां छथाय् निथाय् बिसर्गं दुगु शब्द नं खनेदु । गथे—

जितः (पौ ५६ ख), आः (६२ क), थःथःगु कर्म (१२३ख)

उकिं थ्व सफू च्वःगु इलय् बिसर्गया छ्यलाय् छुं खँ निर्णय जूगु खनेमदु । नापं छथाय् निथाय् बाहेक थ्व सफुतिइ बिसर्ग छ्यला हे तःगु मदु धाःसां ज्यू ।

थथे हे सिरविन्दु व चन्द्रविन्दुया छ्यलाय् नं छुं निश्चित नियम दुगु खनेमदु । थ्व सफुतिइ अनुस्वारया पलिसा न, म आदि छ्यलातःगु दु । नापं अनुस्वार तयेमाःथाय् तयामतःगु शब्द नं यक्को दु । गथे—प्यगु, भडारखाल, आवलि आदि । थथे हे थ्व सफुतिइ चन्द्रविन्दु तयेमाःथाय् तयामतःगु शब्द नं आपालं दु । अले म्वाःथाय् चन्द्रविन्दु दुगु शब्द नं छ्यलातःगु खनेदु । गथे—

न्हाँ - न्हाय् (पौ १३क)

थुकथं थुगु सफुतिं पुनर्जागरण कालया भाषा गथे च्वं धैगु क्यनेगु नापं नवायेगु भाषां सफू च्वयादीगुलिं उगु ईया भाषाया स्वरूप नं सिइकेत तिबः जुल । अले उगु ईया भाषा व थौंया भाषाया तुलना याना निगू ईया भाय् गुलि पाः धैगु नं सिइका कायेफत ।

□□

४. लिखँ

गद्यगुरु पं. निष्ठानन्द वज्राचार्य व वय्कःया ललितविस्तर सफू अध्ययन याना स्वयेबले वय्कः छम्ह नेपालभाषा साहित्यया प्यंगः थां मध्ये छगः धिसिलाःगु थां खः धका धायेफु । वय्कलं नेपालभाषा साहित्य ख्यलय् गथे खँ ल्हायेगु खः अथे हे च्वयेगु याना दकले न्हापां थासा आखलं सफू पिकया छगू गतिशील पलाः छिनादिल । थ्व पलाः नेपालभाषा साहित्यय् गद्यशैली निर्माणय् वय्कःया तःधंगु देन खः । वय्कलं आधुनिक नेपालभाषा गद्यया निर्माण यायेगु ज्याय् ललितविस्तर सफू थासा आखलं पिकयादीगु तसकं महत्वपूर्णगु खँ खः । वय्कलं न्हूपिं च्वमिपिन्त गद्य गुकथं च्वयेगु धैगु नं लैपु क्यनादिल । आधुनिक गद्य शैलीया छम्ह निर्माता जुयादिल । भाषानुराग व धर्म प्रचारया उद्देश्यं जक च्वयेगु यानादीसां वय्कः मुक्कं साहित्यकार मजुसँ हे साहित्यिक व्यक्तित्व जुयादिल । नापं वय्कलं हे नेपालय् बुद्ध धर्मया पुनर्जागरण यानादिल धाःसां पाइमखु । अले वय्कः नेपालभाषा साहित्य ख्यःयाम्ह छम्ह प्रेरणास्पद अनुकरणीय व्यक्तित्व खः । वय्कःया ललितविस्तर सफू यक्कोसित प्रेरणाया स्रोत जूगु दु । थुकथं नेपालभाषा साहित्यय् निष्ठानन्द वज्राचार्य व ललितविस्तर सफूया तःधंगु महत्व दु ।

प्यंगः थांया ईया नेपालभाषा पुलांगु नेपालभाषा स्वया छुं सुधार जुइ धुंकल अय्सां थ्व ईया नेपालभाषा व थौंकन्हय् प्रचलित भाषा गाक्क पाःगु खनेदु । थ्व निष्ठानन्द वज्राचार्यया ललितविस्तर सफू क्वचायेक अध्ययन यायेबले थौंकन्हय्या प्रचलित नेपालभाषा स्वया गाक्क पाःगु खनेदु । तर थ्व सफुतिइ थौंकन्हय्या भाषाय् थें नासिक्य वर्ण ङ छ्यलातःगु मदु । थौंया ल्याखं थ्व सफूया भाषाय् वर्ण विन्यास

मिले मजू । वचन प्रत्यय नं वैज्ञानिक ढंग जूगु खनेमदु । अले वाक्य गठनय् नं छुं स्थीरता वा नियम दुगु खनेमदु । गनं ताताःहाकःगु वाक्य छ्यलातःगु दुसा गनं क्रिया हे मदुगु वाक्यत नं दु । अले वाक्य पूमवंनिबले हे पूर्णविराम तया वाक्य क्वचायेका तःगु दु ।

थ्व सफूया भाषाय् स्वल् धाःसा यक्को संस्कृत शब्दया नापं हिन्दी शब्द नं दुथ्यानाच्वंगु दु । अले अकरण शब्दय् ‘म’ न्होने छ्यलातःगु दु । नम्र रूप गाक्य छ्यलातःगु दु । भासँ, दिसँ या नापनापं बिज्याहुँ, बिज्यात, बिज्याके माल, बिज्याइ आदि खँवः छ्यलातःगु दु । थ्व सफू कथं ह्रस्वमय च्वयेगु चलन दु । अले बिसर्ग छ्यलातःगु मदु धाःसां ज्यू । गथे थौकन्हय् ‘खः’ धका उच्चारण यायेगुयात थ्व सफुतिइ ‘खअ’ धका च्वयातःगु दु । गनंगनं ‘ख’ धका जक नं च्वयातःगु दु । तर गनंगनं बिसर्ग तयेम्वाःथाय् नं बिसर्ग तयातःगु दु । नापं चन्द्रविन्दु नं छ्यलातःगु मदु । गथे भिंनिद धका जक च्वया दँ च्वयातःगु मदु । अथे हे लुमंका बिज्याहु धका जक च्वया हुँ धका च्वयातःगु मदु । थुकथं थ्व सफुतिइ ह्रस्व, दीर्घ, बिसर्ग, शीरविन्दु आदि छुंया वास्ता मतसँ खँ जक थुइके भनं च्वयातःगु पद, पदावली वाक्यांश बांलाक छुटे यानातःगु मदु । यक्को वाक्य कर्ता अनुसार क्रिया मिले मजूगु दु । विभक्ति नं बांलाक छ्यलातःगु मदु । गथे “गुगु प्रकारं धालसा न्यादोल कन्यापिसं पूर्णघट ज्वंका न्यादोलमह पंखा आसन गुर्जा ज्वंका” । थन कन्यापिन्त जुइमाःथाय् कन्यापिसं जुयाच्वंगु दु ।

थुकथं निष्ठानन्द वज्राचार्यजुं बौद्ध धर्मया प्रचारया सिलसिलाय् आधुनिक गद्यया निर्माण याना देवनागरी लिपि व जनभाषा छ्यला नेपालभाषायात हानं जनअभिरुचिया विषय जुइका ब्यूम्ह व तत्कालीन जनताया मानसिकतायात थुइका ईया आवश्यकतानुसार ज्याखँ यायेसःम्ह व्यवहारिक क्रान्तिकारी व दूरदर्शी व्यक्तित्व खः । थ्वहे वय्कःया सफलता खः ।

थुकथं स्वयेबले नेपालभाषा साहित्य ख्यलय् निष्ठानन्द वज्राचार्य व ललितविस्तरया तःधंगु महत्व दु । उकिं वय्कःया इलय् वय्कःयात सम्मान याये मफुसां थौंया न्हूपुस्तां निष्ठानन्द स्मृति गुथि थें ज्याःगु संस्था स्वना वय्कःया विषय अध्ययन अनुसन्धान न्ह्याकाच्वंगु दु । तर वय्कःया जीवनी, देन व सफूया बारे मालेगु, सीकेगु ज्या यक्को ल्यं दनी ।

□□

५. लिधंसा

कर्माचार्य, माधवलाल,	ने.सं. ११००	“न्यागःथांया मंका दिवसया उपलक्ष्य” जिगु मिखाय् साहित्यया छुं । कान्तिपुरः नेपालभाषा परिषद्, पौ ९-१२
जः विकास, तमोट, काशिनाथ,	ने.सं. ११०० ने.सं. ११०५	पौभाः निष्ठानन्द बुदिं दैया लसताय् गद्यगुरु निष्ठानन्द बज्राचार्य व वय्कःया ललितविस्तर । यैः चकना साहित्य पाःलाः
तमोट, काशिनाथ,	ने.सं. ११०३	“ललितविस्तर (१०३०-३४) या भाय्” खेलुइताः ४:४, पौ ८-१३
तुलाधर, प्रेमहीरा,	ने.सं. ११०९	“निष्ठानन्द बज्राचार्यया संक्षिप्त जीवनी”, विश्वभूमि, ६:३९ (नेपालभाषा १:१), निष्ठानन्द बुदिं विशेष्ठाङ्क, पौ ३-४
तुलाधर, प्रेमहीरा,	ने.सं. ११२७	“गद्य गुरु पण्डित निष्ठानन्द बज्राचार्य” मतिना दँपौ, मयजु अमृता श्रेष्ठ
तुलाधर, प्रेमहीरा,	ने.सं. ११२३	“इलं ल्ह्याया ललितविस्तर”, नेपालभाषा मिसा खलः
नेवामि, दरशा (सं.),	ने.सं. ११०३	बौद्धऋषि महाप्रज्ञाया आत्मकथा । यैः सकलोपासक
बज्राचार्य, चन्द्रज्योति,	ने.सं. १०६३	ललितविस्तर । भक्तपुर, ल्हातं ल्ह्यायातःगु

बज्राचार्य, निष्ठानन्द,	ने.सं. १०३४	ललितविस्तर । यैः निष्ठानन्द बज्राचार्य
बज्राचार्य, निष्ठानन्द,	ने.सं. १०२९	श्री प्रज्ञापारमिता देवीयागु सूत्र । यैः निष्ठानन्द बज्राचार्य, निकःगु संस्करण (मिति मदु)
बज्राचार्य, निष्ठानन्द,	ने.सं.	भद्रचरि श्लोकया भाषा । यैः निष्ठानन्द बज्राचार्य, मिति मदु
बज्राचार्य, निष्ठानन्द,	ने.सं. १०४३	श्री बोधिज्ञान भाषाटीका स्मेत । वंबाहाः निष्ठानन्द बज्राचार्य
बज्राचार्य, ज्ञानरत्न व अभयानन्द (सं.),	ने.सं. १०६८	ललितविस्तर सूत्र । कान्तिपुरः ज्ञानरत्न व अभयानन्द
बज्राचार्य, ज्ञानरत्न व अभयानन्द (सं.),	ने.सं. १०६८	भद्रकल्पावदान । कान्तिपुरः ज्ञानरत्न व अभयानन्द
बज्राचार्य, ज्ञानरत्न (सं.),	ने.सं. १०८६	ललितविस्तर सूत्र । कान्तिपुरः ज्ञानरत्न बज्राचार्य
बज्राचार्य, आशाकाजि (सं.)	ने.सं. ११०३	बोधिसत्त्वावदानमाला । नेपाल बौद्ध प्रकाशन द्या १ : सत्ययुगय् जन्म बाखं
बन्द, आर.बी.,	ने.सं. १०९५	संघनायक भदन्त प्रज्ञानन्द महास्थविरया जीवनी । कमलाक्षी : साहु तेजरत्न तुलाधर
बैद्य, जनकलाल,	ने.सं. ११०४	“पुनर्जागरणकाल”, खेलुइताः ल्याः ५, पौ २-६
भिक्षु, महाप्रज्ञा,	ने.सं. १०९८	पालिभाषानुसारया ललितविस्तर बोधिचर्या । द्वितीय संस्करण, आनन्दकुटी दायक सभा, सुमंगल बौद्ध संघ, धर्मकीर्ति अध्ययन गोष्ठी, पुष्परत्न सागर
भिक्षु, सुदर्शन,	ने.सं. १०९०	लुमंके बहःपिं । मासंगल्ली, च्वसापासा
मल्ल, कमलप्रकाश,	ने.सं. १०८४	“भूमिका”, मूसः निबन्ध । यैः च्वसापासा
मल्ल, कमलप्रकाश,	ने.सं. १०८४	“भूमिका”, नेपालभाषाया ध्वाना सफूया धलः । यैः लय्ता दबू, पौ १-४४

‘ललितविस्तर सफू लोकप्रिय’, ने.सं. १०९८	नेपालभाषा पत्रिका । २३:१६५, पौ ३
लाकौल, बैकुण्ठप्रसाद, ने.सं. ११०५	नेपालय् विस्तारवाद गुकथं वःगु खः । महाबुद्ध, मालती लाकौल
शाक्य, सुशीला, ने.सं. १०९९	अनागारिका धर्मचारी तथा उपासिकारामया संक्षिप्त परिचय । किण्डोल, अनागारिका विरती
शाक्य, मीनबहादुर (सं.), ने.सं. १०९८	ललितविस्तर सूत्र । यलः युवक बौद्ध मण्डल
शास्त्री, शान्ति भिक्षु, इस्वी १९८४	ललितविस्तर । लखनउः हरिमाधव शरण निर्देशक- उत्तर प्रदेश हिन्दी संस्थान
हृदय, चित्तधर, ने.सं. १०७३	“स्वर्गीय पण्डित निष्ठानन्द बज्राचार्य” । नेपाल १:६, पौ २-५
हृदय, चित्तधर, ने.सं. १०८७	भीगु साहित्य, यैः नेपालभाषा परिषद्
Hodgson, Brian H., 1972 A.D.	Essays on the languages, literature and religion of Nepal and Tibet. New Delhi Manjusri Publishing House.

□□

६. तँसा

१. गद्यगुरु पं. निष्ठानन्द वज्राचार्यया ललितविस्तरया न्हापांगु संस्करण (नेपालभाषा परिषदय् च्वंगु) व निक्वःगु संस्करण (थःगु छैय् च्वंगु) या छुं पौ ।
१. (क) द्रव्यधर तुलाधरजुं पलिस्था यानातःगु पौ (१) व (२)
१. (ख) ललितविस्तर सफूया न्हापांगु पौ (१, २) ।
१. (ग) ललितविस्तर सफूया विज्ञापन दुगु पौ (१),
विज्ञापन दुगु पौया लिउनेया पौ (२) ।
१. (घ) ललितविस्तर सफूया दकले लिपांगु पौ (१) व (२) ।
१. (ङ) पौल्याःया संख्या बाचक आखः पाःगु पौ (१) व (२) ।
१. (च) समाप्ती बाक्य धुंकाया वाक्य पाःगु पौ (१) व (२) ।
१. (छ) चन्द्रशमशेरं मत तःगु खँ दुगु पौ (१) ।
चन्द्रशमशेरं मत तःगु खँ मदुगु वहे पौ (२) ।
२. गद्यगुरु पं. निष्ठानन्द वज्राचार्यया ललितविस्तर सफू
२. (क) ललितविस्तर सफू ।
२. (ख) ललितविस्तर सफूया न्हापांगु पौ पुइकातःगु ।
२. (ग) ललितविस्तर सफूया दकले लिपांगु पौ पुइकातःगु ।

१. (क) द्रव्यधर तुलाधरजं पलिस्था यानातःगु पौ (१)।

[illegible]


नेपालभाषा परिषदय् च्वंगु ।

१. (क) द्रव्यधर तुलाधरजं पलिस्था यानातःगु पौ (२)।

[illegible]


Net-Touch™

NEPAL



नेपालभाषा परिषदय् च्वंगु ।

१. (ख) ललितविस्तर सफूया न्हापांगु पौ (१) ।



न्हापांगु संस्करण, नेपालभाषा परिषदयु च्वंगु ।

ॐ नमो भगवते ॥ ॥ अन्नमौदरादि
 बुद्ध बोधिसत्त्व आचरु प्रत्येक बुद्धो
 न्हापां भिगु दिशः आदि अपन्ता प
 लबुद्धबोधिसत्त्वपि आइकापि प्रत्येकबु
 धि आ जुया च्वपि सकल बुद्ध बोधिस
 दैक्षले छगुसमये श्री शास्त्रपद्युनि भग
 अनाथपिंद बयाहा माहाजनथागु वगो
 सवर्षिमुक्ता विष्णानन्वन ॥ ॥ सुसु
 ॥ यशोदेव धयाहा ॥ विमलधयाहा ॥ पु
 ग्या कश्यपधयाहा ॥ नदीकाश्यपधयाहा
 हा ॥ मैत्राणिपुत्र धयाहा ॥ राहुलम
 निदोल भिक्षुपि ॥ ॥ मैत्रो बोधिसत्त्व

गन्तापर्यन्त लोकगतु इति पित सव
 इतोतानगत प्रत्युत्पन्नेभ्यः ॥
 र्यन्त लोकधातुस विष्णानन्वपि सक
 रपि हाकनं न्हापाजुयां विं लिपान्बु
 त्वपितनं नमस्कार ॥ ॥ न्हापा पशु
 वान् भ्रावतीपुर धयागु नाराया समीपस
 वास देवकठकोगु जेतवनविहारे भिक्षु
 भिक्षुपिंघाटसा ॥ हानकौण्डित्य धयाहा
 र्ण धयाहा ॥ उरुविल्वान्धरप धयाहा ॥
 ॥ शालिपुत्र धयाहा ॥ भोगलपायन धया
 धयाहा ॥ आनन्दधयाहा भिक्षुप्रमुखं क्षि
 धरणिद्वाराज प्रमुखं सुयेनिदोल बोधि


निववःगु संस्करण, थःगु छैय च्वंगु ।

॥ जमो दुहाय ॥ नयो धर्माय ॥ नयः संवाय ॥ ० ॥
 ॥ श्रीभगवान्पागु चरित्रयागु कथा लोके प्रकाश
 यायगु दुच्छाजुपा गन्ध पुराणआदि संग्रह याना
 दयकातया ॥ ० ॥ ० ॥ ॥ ० ॥ ० ॥ ० ॥
 युकी न्हापां दुक्ष्वाकु माहाराजाया वंशे कपिलवस्तु
 माहानगरे शुद्धोदनराजाया कुले सर्वार्थ सिद्ध रात
 कुमार धायका जन्मजुया बोधिज्ञान लायवका रा
 ज्य त्यागयाना भिक्षुकायागु भेषकया नैरंजना नदी
 यानु तीरे विज्याना आस्फातक समाधि जोग याना
 सुजातायाके पिंडयात्र दानकया कासिदेशे वना बो
 धिवृक्ष सिमायाके विज्याना तपस्यायाना तसुधि
 भारयात त्याका संन्यकसं बोधिज्ञानलाना धर्मच
 क पुनर्तनयाना असंख्य लोकपित चडाकर्म याना
 देश देशान्तरे विज्याना देव मनुष्य आदि सकल
 लोकपित हितजुवगु प्रवृत्ति मार्गयागु धर्म ॥ निवृ
 त्ति मार्गयागु धर्म ॥ गृष्टिधर्म ॥ संन्याशधर्म ॥ त्रिरत्न
 पूजायाना गुया फल ॥ दानयाना गुया फल ॥ जज्ञ याना
 गुया फल ॥ नेम यायगु ॥ मरण जुद्धवले किया कर्म
 यायगु पिंडययगु ॥ संसार शृष्टिजुगु आदि चित्रवि
 चित्रयागु कथादु ॥ सुया ग्यन्यागु दुच्छादुसा ववाहा
 ल टोलस चनय निष्ठानन्द गुमाजुयाकेदु ॥ ० ॥
 मोल मोहतका ५ इश्रामागु हान खुला तयारजुदु ॥

सति श्रीसत्त १५७९ सत्त आशोक शुद्ध १५१०

नेपालभाषा परिषदयु च्वंगु

१. (ग) ललितविस्तर सफूया विज्ञापन दुगु पौया लिउने च्वंगु पौ (२)।



नेपालभाषा परिषदय् च्वंगु।

१. (घ) ललितविस्तर सफूया दकले लिपांगु पौ (१) ।

जुया वनतसि पसस्तनुया सदाकालं सुखभोग्याना हाकनं वटखोस चाउलेम्बाक श्री भामिताम तयागत वि
ज्यानाचंगु सुखावती भुवनसङ्गना धरकथाकथामना कथपं वोधिसभार पुरेजुया वृद्धलपदला ना निर्वाणपदला
कका जिगुरु जयश्रीमिहु गप आ झादयका विन्यात वतोप्यं हलपोलयातेकना ॥ हलपोलन्वना बोधनुया निदय
श्रीत्रिलयागु शरणदना भजनयाना विन्याहु सुना धवसपोलयागु भजनयाहु उलस्यत वगुष्टलादुपका सुपु
त्तमिहु अशोकमाहाराजायात आ झादयका विन्यात ॥ ॥ सुपुत्तमिहु आ झादयकुगु श्रीनगवान्पागु परि
त्रयागु कथानपना सतोषजुया सुपुत्तमिमुयात नमस्कारयाना गुरुमन्त्रीपुम्वं लोकिपितकप्यमुतका यवगुराजकुले
सतु स्याहा विन्यात ॥ ॥ राजाविजयागुस्वया सुपुत्तमिहु आश्रमदना यवगु ध्यानागारस हाहादिन्यागु ध्यान
याना विन्यात ॥ ॥ बुतिश्री लालिविस्तर श्रीभगवत् चरित्रे श्रीशास्त्रमनुनि निर्वाणगमनो नाम पुकरणं समाप्तं ॥
॥ पेषमा हेतुपुभावा हेतुस्त्रां तथागत रावदत्ते बांच योनिरोध एवंबादी महाश्रमणाः ॥ ॥ शुभभस्तु सपरगत ॥
॥ स्वस्ति श्रीसंवत् १०३४ वैशाखकृष्णया त्रयोदशी शुक्रवारखुनु बुबाहाल टोलसचनहा निस्तानदगुभाजु यषपुत्र
जुनुरल निदासपनं संपणयाना सिद्धयानानुल ॥ शुकी आपाल आसल घटि बटि जया तत फुल युयाचंगुद ॥ सपष
याना निहन्गुलि विरेजुगुली सकस्यान क्षमातयमादुधका पदित निस्तानद वजा बाय्य करजोरी विनिपात ॥

न्हापांगु संस्करण, नेपालभाषा परिषदय च्वंगु ।

१. (घ) ललितविस्तर सफूया दकले लिपांगु पौ (२) ।

:- १४८ :-

श्रीप्रतिष्ठायां शरणवता भजनपाना विष्णुर्हं सुनां स्वसपोलयागु भजनयाद् उदरपात मुमुक्षुलब्धं भक्षं द्रव्यमुत
मिक्षु अशोक माहासर्जायात आदादपका विष्णुत ॥ उपयुस्तमिक्षु आदादपकुं श्रीभगवान्पागु चरित्रयागु क
यान्वना संतोषजुया उपयुस्तमिक्षुयात नमस्कारयाना गुरु मंत्रीप्रमुखं लोकपिंसकल्पमुनया यवगुराजकुले संतु स्वा
हविष्णुत ॥ राजा विष्णुगुत्वया उपयुस्तमिक्षु आश्रमदना यवगु धानांगारस्त द्वाहादिपाना ध्यानयाना विष्णु
त ॥ ॥ ॥

॥ इति श्री ललितविस्तरे श्रीभगवत् चरित्रे श्रीशाक्यमुनि निर्वाणायनो नाम प्रकरणे समाप्तं ॥

[येवमां हेतुप्रभावा हेतुतेषां तथागत ह्यवदत्तेषांच योनिरोध एवंवादी महाशयमणः]

][शुभमस्तु सर्वजगताः]

स्वस्तिश्री सम्वत् १०३४ वैशाखकृष्णया त्रयोदशी शुक्लचारबुनु ववाहाल टोलसच्यनहा निष्टानन्द वज्राचार्य भा
या उत्तरेयानाजुल शुभम् ॥ शुकी आपालं आखल घटि वडिजुया तुत फुत्तजुयाच्यंशुदरं ॥ हाणिपुनि मज्जु
पिसं समातयमालभका पण्डित निष्टानन्द वज्राचार्य करजोरि विनितयानाजुल शुभम् भूयात् ॥ ॥

निक्कःगु संस्करण, थःगु छैय च्वंगु ।

१. (ड) पौल्याःया संख्या बाचक आखः पाःशु पौ (१) ।

इते गंगेयभिः विन्ति यात ॥ हे भगवन् जितवने छलपोतवने नर्पवधका गंगेयभिः विन्ति यागुप्यना श्रीभग-
वान् आज्ञादयका विज्यात ॥ ० ॥ हे गंगेय जिवनाप वयमते मृगदावगतवना तथागतपिनिगु आभ्रमेवना वृक्षपाश-
जुया समाधि धारणौ विद्यास लुद्धमयानावे छंगुमनोरेध पुणलुद्ध ॥ गयास वनाज्वरि जटाधारी जोगियात बोधया-
यत गवा बपत्यना धका आज्ञादयका पासासुं मदयक याकचाकज विज्यात ॥ धवेलस देवराजद्वन्द्वं सिया स्वमे-
वने काहाविज्याना बोधकाया चोवरवस्त्र जपकुं जपना सवकथं जुया ल्युल्यु विज्यात ॥ ० ॥ धवेलस
लोकपि सकस्याने चोवरवस्त्र जवना सवकथं ल्युल्यु ओहि सुन्दर वाहण वांल्यगुखना विरमवक्षया धाट ॥ ० ॥
ध सुन्दरपुरुष सुयाग सवकजुया चोवरवस्त्र जवनाबलधका लोकपिस धागम्भना देवराजद्वन्द्व आज्ञादयका पिज्या-
ता ॥ हे लोकपि संसारे धैर्ययाना वोप्यावान् जुया ध्यानयाना मुनीश्वरजुया संसारयात लुद्धारयाना विज्याकस जगत
यागुरु श्रीबुद्धभगवान् या सवकधका भेषधारीद्वन्द्व भागल्पना लोकपि सकस्यं क्षुसिजुया न्हाणा विज्याकस भावान्
धका सियका दर्शनयायधका वनगुवेलस श्रीज्ञादयमर्मान भगवान् पंडित्यं आकाशमार्गने ज्वल्य विज्यात ॥ ० ॥ श्री
भगवान् आकाशमार्गने ज्वल्य विज्याकगुहना लोकपि संसरयाने हवमानयाना लहात हाजोलया नमस्कारयाना चन-
॥ ० ॥ इति श्री ललितविष्टरे गंगेय नाविकपुवज्याचरणौ नाम एकोन चत्वारिंशति तमोऽध्यायः समप्तः ॥ ॥

न्हापांगु संस्करण, नेपालभाषा परिषदयु च्वंगु ।

गद्यगुरु पं. निष्ठानन्द वज्राचार्य व ललितविस्तर

निक्वःगु संस्करण, थःगु छैय् च्वंगु ।

१. (च) समाप्ती बाक्य धुंकाया वाक्य पाःगु पौ (१) ।

नाम्न ॥ गुह्यस्थानं जशोभरावापासुतना परमरमले भोषुया वृत्तपागुल्लं अशिशेकृत्वा पापमोचनपात ॥ गुह्यि
स्थानं स्वापसलं कृत्वा न्योनेष्वना लहात हा नोला कलपोलपमी गहेतुल्ययथा स्तोत्रपात ॥ गुह्यस्थानं अलवि
आपन्त स्फुटारिकाह कलपोलपागु व्यालरूपगु द्रष्टा याना चर्षि गीतमीमाहायानी पुमलं पुनलोकायान व्याल
स्वना विन्नाहं भव विदियानाचन ॥ ० ॥ अर्नलि जशोभरावापासुतना कृत्वा चगुपुल्लेस्वानव्य बरुगुपुनलपासुतना मुसु
मुसुगिह्या लोकाविस्तिगु व्यालजकृत्स्वया विगयानाचन ॥ ० ॥ जशोभरावापासुतना रभान्गुखना कु विनिवन्तस्व
व्यापे भायेला वादि पतिगगवित्रया दुस्मानयाना प्वाल्लुपा न्योन्यरुपया दोन ॥ अमतागणपिनि दुस्मानयाना न्हा
परपात आनन्दनयक दुःखद्वारादयाना हालजुल ॥ ० ॥ अर्नलि जशोभरावापासुतना पुर्वया दयुसविन्याना सवन्त
लोकाय विस्मययाना विरलस्वन्त नमस्तरयाना थपुल्लुल्लमका देवदल्लं वचनन्यसा ल्याहोर्न सा रक्षा मतीमया वि
रचनाचनदका श्रीशान्ममि भगवान् आच्चादयका विन्यात ॥ ० ॥ द्वावित्री ललितविस्तरे गोषा आनिपातनं ना
म वतु विशति तमोऽप्यायः समाप्ता ॥ २४ ॥ ० ॥ ज्ञानभयागु स्वस्व न्यपं क्दे नृया सग्रासि पावद्द भवतीकी ॥ ० ॥

न्हापांगु संस्करण, नेपालभाषा परिषदय च्वंगु ।


१. (च) समाप्ती बाक्य धुंकाया वाक्य पाःगु पौ (२) ।

नाचन ॥ गुल्लिखानं जशोधराणां चरणवरे माधुया मुधुयागुल्लिख शमिवेकः पापमोचनराजः ॥ सु-
 स्थानं त्वोपासलेच्छला न्दोतेच्छला लानत इजोलपा छलपोल पामेश्वर तुल्यधनः स्तात्रपात ॥ गुल्लिख-
 विषयेभते ल्याहविषाह ॥ छलपागु क्वास्वययु इच्छायासाक्षि मासमी माहात्मना भमुख प्रजाक रज-
 न्दराणां विषाह धका वित्तियानाचन ॥ ॥ यत्ने जशोधरा माहारना रद्वयाकगु लेख्यानने चरुगु-
 ल्यानां सुमुमुक्षुन्दिता लोकपि गुप्तालजकस्वपा विज्ञानाचन ॥ ॥ जशोधरा माहारना रजान् शुक्ला सुवि-
 नीतस चनाच्वपि हयैवाजाद पछिगणपित्ता हर्षमानयाना प्यावदुमा सोपा २ वयाचन ॥ अस्वगवामिने इ-
 रतयाना न्दोयेपयात आनंदजुगुह कार शब्दपागा हालजुल ॥ ॥ यत्ने जशोधरा माहारना सुत सव-
 दिग्याना सकललोकयात विरमणेयाना श्राविरत्नयात नमस्कृत्याना यथपुल्लभानुमता देवदत्त न चनेक्युमा रज-
 नेश धका भतीतया विज्ञानाचन धका श्री शोकपमृनि भगवान् आहावयका विग्यात ॥

॥ प्रतिग्री ललितविस्तर गोपा अग्निबतनं नाम चतुर्विंशति तपो ध्याय समाप्त ॥ २२ ॥


निक्वःगु संस्करण, थःगु छैप् च्वंगु ।

१. (छ) चन्द्रशमशेरं मत तःगु खं दुगु पौ (१) ।




न्हापांगु संस्करण, नेपालभाषा परिषद् च्वंगु ।

१. (छ) चन्द्रशमशेरं मत तःगु खँ दुगु पौ (२)।




निववःगु संस्करण, थःगु छैय च्वंगु ।

२. (क) गद्यगुरु पं. निष्ठानन्द वज्राचार्यया ललितविस्तर सफू ।




नहापांगु संस्करण, नेपालभाषा परिषदय् च्वंगु ।

२. (ख) ललितविस्तर सफूया न्हापांगु पौ पुइकातःगु ।



न्हापांगु संस्करण, नेपालभाषा परिषदय् च्वंगु ।

२. (ग) ललितविस्तर सफूया दकले लिपांगु पौ पुइकातःगु ।



न्हापांगु संस्करण, नेपालभाषा परिषदयु च्वंगु ।



ने.सं. १०७५ य् बौ निलबिरसिंह ताम्राकार मां हेरालानीया
म्ह्वाय्, सानु भन्याड च्वनादीम्ह सर्वज्ञरत्न तुलाधरया सहगामी,
अर्थशास्त्र व नेपालभाषाय् एम.ए. यानादिम्ह, वि.सं. २०३६
सालनिसें पद्मकन्या क्याम्पसय् थौतकं नेपालभाषा प्राध्यापन
यानाच्वनादीम्ह सह-प्राध्यापक खः प्रेमहिरा तुलाधर ।

सक्रिय कथं नेवाः मिसात न्ह्यज्याये मफयाच्वंगुयात महसुस
याना नेपालभाषा मिसा खल; उराय् समाज, श्री दिगुख्यः गुथि आदि संघ संस्थाय् दुजः जुया
मेमेपिं मिसातय् नं जाति, भाषा, धर्म, संस्कृति आदि सामाजिक छ्यलय् सक्रिय यायेगु लागी
उत्साह बिइत न्ह्यचिला दीम्ह उत्प्रेरित व्यक्तित्वयात थीथी संघ संस्थापाखें सम्मान-सत्कारं
विभूषितम्ह खः प्रेमहिरा तुलाधर ।

नेवाः कला-संस्कृति व साहित्यं विश्वय् नेपाःयात म्हसीकाच्वंगु खयानं थःगु हे देशय्
यलक्वय् लानाच्वंगुयात मात्तुमाला प्रकाशय् हयेगु ज्याय् तालाम्ह प्रा. प्रेमहिरा तुलाधरया
थीथी पत्रपत्रिकाय् सितला माजु, असनय् द्यो ल्वाकेगु जात्रा, भीगु संस्कृतिइ दिगुपुजा, नेपालय्
दकलय् न्हापांम्ह हि दानयाम्ह तारादेवी तुलाधरया महानता आदि आपालं लघुअन्वेषणात्मक
चवसु पिथना न्हावने त्यंगु नेवाः साहित्य, कला-संस्कृतिया महत्त्वयात संरक्षण संवर्द्धन
यायेगुली वय्कःया चवसाया विशेष योगदान दु । थ्व योगदानय् नेवाः व्यक्तित्वपिनिगु
चर्चा-परिचर्चाय् 'बासःदै पूपिं नेवाः मिसा च्वमिपिनिगु म्हसीका', 'बुद्धया न्हापाया जन्म',
ललितविस्तरया सार संक्षेपय् ने.सं. ११२३ सालय् 'इलं ल्ह्याया ललितविस्तर' सफू पिहां
वये धुंका ललितविस्तर सफूया विस्तृत कथं शब्द शब्दपतिं बौद्ध दर्शनयात सरल भाषां
विवेचनात्मक मिखा ब्वया 'गद्यगुरु पं. निष्ठानन्द वज्राचार्य व ललितविस्तर' सफू पिदंगु खः ।

जाति, भाषा उत्थानया लागी बौद्ध धर्मनाप स्वाका सांस्कृतिक, सामाजिक, साहित्यया
इतिहासय् निरंकुश राणा सरकारया इलय् नेपालभाषां खँ ल्हाये तकं मदुबलय् मखुथें न्यंक
पण्डित निष्ठानन्द ललितविस्तर सफू पिथना राजनैतिक जागरण हयेत धार्मिक माध्यमं
मनूतय् जागृत यायेगु महत्त्वपूर्ण ज्याय् यानादीगु वस्तुस्थितियात कःघानाः अन्वेषण,
अनुसन्धान शैलीं न्ह्यब्वयाः आकर्षित यानादी फुगु प्रेमहिराया प्रतिभामुखी म्हसीका खः ।

वय्कःया थ्व प्रतिभा न्हि स्वया न्हि न्ह्याःवना महान देन बिइफयेमा धकाः भलसा
काये । अस्तु

— पुष्प चित्रकार

